

John wenjht'è

Yatı du nèk'e ts'ò ajà

¹ Kèhojwo gots'ò Yatı wehòhzo jìlè, eyı Yatı sù Nòhtsı xè wehòhzo, eyıts'ò eyı Yatı sù Nòhtsı elı.

² Ededı sù kèhojwo gots'ò Nòhtsı xè wehòhzo jìlè.

³ Ededı wet'òò t'ası hazòò hòèlı họt'e. Wede t'ası wıjzı hòèlı nùle. ⁴ Ededı wet'à ts'eeda họt'e. Ededı wet'à ts'eedaa sù dọ gha dzeh nıdı lanı. ⁵ Togoòt'òo yı dzeh nıdı, hanıkò dọ gıgha to-goòt'òo t'à dzeh nıdı nıgeedi-le.

⁶ Nòhtsı dọ jìlè jò ts'ò yıhza, John-Baptist wıyeh.

⁷ Eyı dzeh nıdı yegho xayahtı ha jò nıttı. Ededı wet'òò dọ hazòò gıgha ehkw'ı-ahodı gha ajà. ⁸ John-Baptist ededı eyı dzeh nıdı elı nùle. Dzeh nıdı ghò gode zo gha nıttı jìlè. ⁹ Dzeh wedeèdı wet'à dọ hazòò gha dzeh agode ha sù dı nèk'e dọ ts'ò ajà.

¹⁰ Dı nèk'e dọ ta nàidè. Dı nèk'e dọ hazòò whehtsı kò amı họt'ee sù gımedı-le. ¹¹ Edèot'ı ts'ò ajà, hanıkò wèot'ı gıwò-le. ¹² Hanıkò dọ hazòò ehkw'ı adı gıhwhò xè wexè aget'ı ha gıwò sù Nòhtsı weza gıjı k'èè gıta agòòlà. ¹³ Wezaa gıjı sù dọkwò t'à gıgòhı awèts'edi-le, dọ hanıwò t'à le, eyıts'ò dọzhı wıni k'èè sı t'à le, hanıkò Nòhtsı dahxa gıgòhı t'à Nòhtsı wezaa gıjı họt'e.

¹⁴ Eyı yatı wehòhzo sù dọ whelı eyıts'ò gota nàidè. Dànı enıyah deè t'à wehòhzo sù wets'azı. Ededı jıæt'ee zo hanı enıyah deè elı. Ededı sù Nòhtsı-Gotà gots'ò nıttı họt'e, wesonıwò deè eyıts'ò nàowo ehkw'ı wets'ò-èlı họt'e.

15 John-Baptist yeghò gojde, du hadi ezech ilè, “Du dq weghò du haehsi ilè, ‘Ededi sek’èè niitla ha si senahk’e wet’aaàa deè hqt’e, sekwe gots’ò hqt’e ne t’à,’ ” hadi yeghò gojde ilè. 16 Si gots’ò soniwò ts’ihzò ełek’èdaà goxè sighà hòzòò agòòlà. 17 Nòhtsi si Moses wet’òò nàowo wet’à ts’eedaa si gots’ò ayilà ilè, hanikò Zezi-Kri wets’ihzò wesoniwò deè eyits’ò nàowo ehkw’u gots’ò ajà. 18 Dq wuzi Nòhtsi azi while. Nòhtsi ededi hæt’ee zò Nòhtsi-Gotà gà whedaa si, Nòhtsi k’èts’eezòò agòòlà.

John-Baptist Christ niile

19 Kòta Jerusalem gots’ò Israel got’u gha k’aodèe John-Baptist dageehke gha, yahtu eyits’ò Levite guu gits’ò geèhà. Dageehke, “Ami anet’e?” giid. t’à John-Baptist gots’ò gojde. 20 Edeghò gode ha edèdaedi-le, gots’ò ehkw’i xayahiti, “Christ aht’e niile,” gòhd.

21 Eyi t’à hagiid, “Hani-ìdè ami anet’e? Asì Elijah anet’e?” giid. John-Baptist hagòhd, “Eyi aht’e-le.” “Nakwenàozòò deè anet’e ni?” giid. “Ìle,” gòhd.

22 Nòqdea hagiid, “Ami anet’e? Gots’ò haìd, ami jò ts’ò gogèhàa si gits’ò hats’edi ha t’à. Edeghò dàìd ha?” giid.

23 John-Baptist, nakwenàozòò Isaiah weyatì dek’eèht’è t’à gots’ò xayahiti, hadi, “Ekì-ka nèk’e du hats’edi yats’ìzeh hqt’e, ‘Gots’ò K’òowo wegħa tì ehkw’i nìzà aahle,’ dek’eèht’è. Eyi dq aht’e,” gòhd.

24 Pharisee mòhdaa John-Baptist ts’ò gogèhà ilè. 25 John-Baptist dageehke, hagedi, “Christ

anet'e-le, Elijah anet'e-le eyits'ò nakwenàozòq deè anet'e-le nɔ̀dè dànìghò dọ k'ètàìdzì?" giùhdi.

²⁶ John-Baptist gots'ò hadì, "Sì sù tì t'à naxìk'ètàìhdzì họt'e, hanìkò dọ ìlè naxita nàwoo sù wek'èahsò nùle. ²⁷ Ededì sù sek'èè nùtla ha họt'e. Wekechùt'ì'ù ejiehge ha kò dọ lahoeht'ì-le," gòhdi.

²⁸ Jordan deh nɔ̀zàa gà kòta Bethany ekọ eyì hazòq hagòjà. Ekọ John-Baptist dọ k'ètàìdzì ìlè.

Nòhtsì wesahzòq wet'à dọ gihòhì gìghò nahoezhe ha

²⁹ Ek'èdaedzèè k'e John-Baptist, Zezì yets'ò etle yaɔ̀ì ekò, hadì, "K'eaht'ì. Nòhtsì wesahzòq wet'à dù nèk'e dọ gihòhì hazòq nahoezhe ha! ³⁰ Eyì dọ weghò dù haehsì ìlè, 'Dọ sek'èè nùtla ha sù sekwe wehòhɔ̀q họt'e, eyit'à senahk'e wet'àazàa deè elì.' ³¹ Sì kò wek'èehsò-le ìlè, hanìkò Israel got'ù gìk'èezò ha t'à tì t'à dọ k'ètàìhdzì họt'e," gòhdi.

³² Eyits'ò John-Baptist yeghò dù hadì, "Yak'e gots'ò Yedàyeh Nezmù k'àba degoo lanù Zezì k'e daàhtla gà yek'e dawheda weehɔ̀ì. ³³ Sì wek'èehsò ha-le ìlè, hanìkò amù tì t'à dọ k'ètàìhdzì ts'ò sùhɔ̀zàa sù sets'ò hadì, 'Dọ wek'e Yedàyeh Nezmù dahtla xè yek'e dawheda, weneezmù sù eyì dọ Yedàyeh Nezmù t'à dọ k'ètàìdzì ha họt'e,' sèhdi. ³⁴ Eyì dọ wets'ò dàgòjàa sù sedaà agòjà t'à, Nòhtsì Weza họt'e wek'èehsò," John-Baptist gòhdi.

Zezì t'akwelòq edecheekeè gòhchì

³⁵ Ek'èdaedzèè k'e John-Baptist k'achì eyì wheda, wecheekeè nàke gɔ̀xè at'ì. ³⁶ Zezì naetle yaɔ̀ì ekò John-Baptist dọ gots'ò dù hadì, "K'eaht'ì. Nòhtsì wesahzòq naetle!" gòhdi.

³⁷ Wecheekeè nàke John-Baptist hadi egùkw'o ts'òet'ì Zezi k'èè geède. ³⁸ Zezi gots'ò ets'aèhtla, gik'èè geède goazì t'à Zezi dagoehke, “Ayìha aaht'ì?” gòhdi.

“Rabbi, edjì nààdè?” giùhdi. (“Rabbi” gedi nùdè “dò hoghàhtòò” gedi-agedi.)

³⁹ Zezi hagòhdi, “Sek'èlaahtla nùdè wek'èahsò ha,” gòhdi.

Eyit'à gik'èè goòhwho t'à edjì nàdèe sù giàzì. Ekìyèè k'e dì nùzò jè. Eyì dzeè k'e gixè giakw'è.

⁴⁰ Eyì dò nàke sù jè, Simon-Peter wechi Andrew hòt'e. John-Baptist dàdi yeèhk'ò t'à Zezi k'èè èhtla jè. ⁴¹ Ekòet'ì Andrew edjìde Simon ts'ò èhtla, hayèhdi, “Messiah wegots'ìhòò” yèhdi. (“Messiah” gedi nùdè “Christ” gedi-agedi.) ⁴² Eyit'à Andrew edjìde Zezi ts'ò yeèhchì.

Zezi hotì Simon ghàidà ekò hayèhdi, “Nì sù John weza Simon anet'e. Cephas nìyeh ha,” yèhdi. (“Cephas” gedi nùdè “Peter” gedi-agedi.)

Philip eyits'ò Nathanael Zezi wecheekeè giùjì agejà

⁴³ Ek'èdaedzèè k'e Zezi Galilee nèk'e ts'ò ajà. Ekò Philip wheda yazì, yets'ò hadi, “Sek'èitla,” yèhdi.

⁴⁴ Philip Bethsaida got'ì hòt'e, Andrew eyits'ò Peter ededì sù ekò gots'ò agùt'e. ⁴⁵ Philip, dò jè Nathanael wìyeh ts'ò èhtla, hayèhdi, “Moses, dò jè ghò ùt'è jèè sù wegots'ìhòò. Nakwenàòòò sù weghò giùt'è jè. Joseph weza Zezi wìyeh kòta Nazareth gots'ò dò,” yèhdi.

⁴⁶ Nathanael yets'ò hadi, “Nazareth nùdì nì? Ekò gots'ò t'asì nezù xàhohwhì ha nì?” yèhdi. “Sek'èatla, wùzì ha ne,” Philip yèhdi.

⁴⁷ Zezi, Nathanael naetle yaɔi ekò yets'ò hadi, “Dii dɔ Israel got'ɔ̀ wedeèdlɔ̀ elɔ̀ hɔt'e, eyits'ɔ̀ eghɔyats'eezàa wɔ̀zɔ̀ wets'ò-èlɔ̀-le,” Zezi yeghɔ hadi.

⁴⁸ “Dàni sek'èɔ̀zɔ̀ ghɔ̀ aɔ̀di?” Nathanael yèhdi. Zezi yets'ò hadi, “Philip nets'ò gode kwe, ɔ̀lɔ̀ ɔ̀jɛchots'iì wetl'a wheɛda ekò neehɔ̀ ɔ̀lɛ̀,” yèhdi.

⁴⁹ Eyit'à Nathanael hadi, “K'àowo, nɔ̀ sɔ̀ Nòhtsɔ̀ Weza anet'e, Israel got'ɔ̀ gha K'àowocho anet'e,” yèhdi.

⁵⁰ Zezi hadi, “Jɛchots'iì tɔ̀a wheɛda nèhsɔ̀ t'à negha ehkw'i-ahodi. Eyɔ̀ wenahk'e t'asɔ̀ deè ɔ̀ neɔ̀ ha hɔt'e,” yèhdi. ⁵¹ Eyits'ɔ̀ Zezi hadi, “Ehkw'i anèhsɔ̀, yak'e negha xègoèht'ɔ̀ ha, yak'eet'ɔ̀ Dɔ̀-wet'àazàa-deè ts'ò dekegɔ̀de eyits'ɔ̀ hodàgeedè neɔ̀ ha,” yèhdi.

2

Zezi t'akwelòò eniyyah whehtsɔ̀

¹ Tai dzeɛ t'axɔ̀ Galilee nèk'e, kòta Cana ekò dɔ̀ ɔ̀lɛ̀ honida ha nòò. Zezi wemɔ̀ ekò wheda.

² Zezi eyits'ɔ̀ wecheekè sɔ̀ gokàgehɔ̀ ɔ̀lɛ̀. ³ Jìetì k'ehɔ̀wo ekò Zezi wemɔ̀ yets'ò hadi, “Jìetì gɔ̀ts'ɔ̀-le ajà,” yèhdi.

⁴ Zezi yets'ò hadi, “Ts'èko, sɔ̀ sɔ̀idi-le, segha ɔ̀lɔ̀ while hɔt'e,” yèhdi.

⁵ Zezi wemɔ̀ dɔ̀ eyɔ̀ eghàlageedaa sɔ̀ ts'ò hadi, “Ayɔ̀ dànxèhdi sɔ̀ haahɛ̀,” gòhdi.

⁶ Tɔ̀ gha kwetɔ̀ nechàa ek'ètai eyɔ̀ whela, wet'à Israel got'ɔ̀ edenàowoò k'èè edilà eyits'ɔ̀ edekè k'enagehtse. Kwetɔ̀ ɔ̀lɛ̀ naènɔ̀ hanì-le-ɔ̀dè taènɔ̀ lìgalò haàtɔ̀ tɔ̀ weyɔ̀ whetl'i hɔt'e.

⁷ Zezi dọ eyi eghàlagiùdèe ts'ò hadi, “Kwetọ weyi ti dagoòzọọ aahle,” gòhdi. Eyi't'à kwetọ yi ti dagoòzọọ agiilà.

⁸ Eyi t'axọọ Zezi gots'ò hadi, “Ti mọhdaa ààhchi gà nàsì gha k'àowo elì sù ghàahge,” gòhdi. Eyi't'à hagiilà. ⁹ Nàsì gha k'àowo ti jìetì whelì sù yek'alegoli. Edì gots'ọ jìetì agehì sù yek'èezọ-le, hanikò dọ kwetọ yi ti dagoòzọọ agiilà sù gik'èezọ. Eyi't'à nàsì gha k'àowo whatsọọ dọ honidza ts'ò hadi, ¹⁰ “Dọ hazọọ jìetì denahk'e nezì sù t'akwełọọ dọ ghàgeedi họt'e. Dọ dezọọ jìetì lọ giadọ t'axọọ jìetì nezitsòò-le sù dọ ghàgeedi. Hanikò nì sù jìetì denahk'e nezì sù diì gogha wek'enedi nọọ,” yèhdi.

¹¹ Zezi kọta Cana wheda ekò eyi t'akwełọọ eniyah whehtsì ilè. Eniyah deè elì sù dọ giàzì agọọlà, eyi't'à wecheekeè wegọ gini nàtsòò agejà.

Zezi Nọhtsìkọ-gocho ts'ò èhtla

¹² Eyi hagọjà t'axọọ Zezi edemọ, edechi eyits'ọ edecheekeè xè kọta Capernaum ts'ò geède. Ekọ whaà-lea ts'ò agi't'è.

¹³ Israel got'ì gìgha dzèdèè Passover ts'ò hawe ekò Zezi kọta Jerusalem ts'ò ajà. ¹⁴ Ekọ Nọhtsìkọ-gocho gà dọ t'asì ełeghọ nàgeehdi nọọ. Ejiè, sahzọą, k'aba hanì ełeghọ nàgeehdi, eyits'ọ dọ mọhdaa ladà k'e sọm̄ba ehdagele ghọ geèkw'e, Zezi goazì. ¹⁵ Eyi't'à t'ì t'à dekwa whehtsì, Nọhtsìkọ-gocho gà gots'ọ, sahzọą eyits'ọ ejiè hazọọ xàgodeèzhì. Ladà k'e sọm̄ba ehdagelee sù goghọ kwiteyeèhde t'à satsọą hazọọ deè k'e ts'ò nalayeèht'ì. ¹⁶ Dọ k'aba lanì gìghọ nàèdì sù gots'ò hadi, “Diì hazọọ xàahwha! Setà wekọ nàèdì k'è goahstì ha niile,” gòhdi.

17 Wecheekeè Nòhtsɿ Njɿhtl'è k'e dɿ hani dek'eèhtl'è gɿnadi: “Nekò nezɿi wek'èhdì ha ghò hòtl'ò anɿhwhò,” dek'eèhtl'è.

18 Zezi hajà t'à Israel got'ɿi mòhdaa hagiùhdì, “Amì wedahxà anet'ɿ? Godaà eniyyah nechàa hòwheętsɿ nɿdè wek'èts'eezò ha,” giùhdì.

19 Zezi gots'ò hadì, “Dɿ Nòhtsɿkò-gocho wedihoahsɿ nɿdè, tai dzeę k'ehòqowo nɿdè nagohtsɿ ha,” gòhdì.

20 Eyt'à Israel got'ɿi hagiùhdì, “Dɿenq-daats'ò-ek'ètai xo t'à dɿ Nòhtsɿkò-gocho gogehtsɿ họt'e. Tai dzeę t'à kò nagohtsɿ ha nɿdì nì?” giùhdì.

21 Nòhtsɿkò ghò goɿdee sɿi edezhɿi ghò godeè-adi ɿlè. 22 Zezi naìdà tl'axòqò wecheekeè eyi hadɿ sɿi gɿnadi. Eyt'à Nòhtsɿ Njɿhtl'è k'e ayi dek'eèhtl'è eyits'ò Zezi weyatù gɿgha ehkw'ɿ-ahodù agejà.

23 Zezi, dzeđeè Passover gha kòta Jerusalem wheda ekò, dọ ɿq Zezi eniyyah ɿq eghàlajà dà gɿazɿ, eyt'à ehkw'ɿ adì gɿwòqò agejà. 24 Hanikò Zezi dọ hazòqò gonì k'èezò ts'ɿhò deghàà dọ ghàdihè ha nɿwò-le. 25 Dònì k'èezò t'à, dọ ghò wets'ò hats'edɿ-le kò dọ gidzeè k'èezò họt'e.

3

Zezi Nicodemus hoghàhtq

1-2 ɿlè Pharisee gots'ò dọ ɿlè, Nicodemus wiyeh, to Zezi ts'àèhtl'a. Eyi dọ sɿi Israel gha k'aodèe goxè wheda họt'e. Zezi ts'ò hadì, “K'àowo, nɿ sɿi Nòhtsɿ dahxà dọ hoghàhtq wek'èts'eezò họt'e. Dọ wɿzɿi nexèht'eè eniyyah hohtsɿ ha dɿi, Nòhtsɿ yets'adì lenqɿsɿ,” yèhdì.

³ Zezi yets'ò hadi, “Ehkw'i anèehsi, dọ wụzị k'achị wegòhị lenqsi Nòhtsi Wenàowoò k'èè hòzọ yek'èezọ ha dii,” yèhdi.

⁴ Nicodemus hadi, “Dọ wegòhì ịọ sị dànì k'achị wegòhì ị? K'achị edemọ bò yì naetla gà k'achị wegòhì ha dii naà!” yèhdi.

⁵ Zezi yets'ò hadi, “Ehkw'i anèehsi, dọ tị t'à eyits'ọ Yedàyeh Nezi t'à wegòhì lenqsi Nòhtsi Wenàowoò k'èè hòzọ sị goyaetla ha nùle. ⁶ Dọzhì t'à dọzhì wegòhì họt'e, hanikò Yedàyeh Nezi t'à dọ wets'ọ m̀ wegòhì họt'e. ⁷ ‘K'achị negòhì ha họt'e,’ dehsì sị, negha eniyah welè-le. ⁸ Nìhtsi sị t'ahoòyì ts'ò k'eweehtsi họt'e. Nìhtsi dèekw'ọ wets'eèkw'ọ, hanikò edì gots'ọ at'ị eyits'ọ edì ts'ọ at'ì sị wek'èts'èezọ-le. Dọ Yedàyeh Nezi t'à gịgòhì sị gixè hanì hòzọ họt'e,” yèhdi.

⁹ Nicodemus hadi, “Dànì hagòjà ị?”

¹⁰ Zezi yets'ò hadi, “Nì sị Israel got'ì gha dọ-hoghàehtọ-dọ nelì, hanikò dàehsi sị wenudì-le nì? ¹¹ Ehkw'i anèehsi, t'asì k'èts'èezọ eyits'ọ t'asì wets'azi sị weghàà gots'ede họt'e, hanikò naxì dọ xàzaa yàahì sị ehkw'i ats'edì goahwhọ-le. ¹² Dì nèè gots'ọ t'asì ghọ naxìxè gohdo, hanikò naxìgha ehkw'i-le. Ekò yak'e gots'ọ t'asì ghọ naxìxè gohdo nìdè dànì naxìgha ehkw'i aehsi ị? ¹³ Dọ wụzị yak'e hoazi while, amì yak'e gots'ọ dì nèk'e ts'ò ajàa sị ededì zọ yak'e hoazi họt'e. Eyì sị Dọ-wet'àazàa-deè họt'e. ¹⁴ T'akwe whaà Moses, ekì-ka nèk'e dechì k'e gòò ịdòò ts'ò ayìlà ịlè. Eyì xèht'eè Dọ-wet'àazàa-deè dechì k'e ịdòò awedle ha họt'e. ¹⁵ Dọ ehkw'i adì yùhwhọ sị welọ while ts'ò eda ha.

16 “Nòhtsɪ dɪ nək'e dɔ hazɔ̀ sɪ goghɔnèetɔ t'à, edeza ɬàet'ee dɔ t'aàyɪhtɪ. Amì ehkw'i adì yɪhwhɔ̀ sɪ wedɪhòè ha-le, welɔ̀ while ts'ò eda ha. 17 Nòhtsɪ dɔ xè hoìla hòèhtsɪ gha, edeza dɪ nək'e ts'ò ayɪlà nùile, hanìkò ededɪ wet'à dɔ edaxàgole gha ayɪlà. 18 Amì ehkw'i adì yɪhwhɔ̀ sɪ hoìla awedle ha-le, hanìkò amì ehkw'i adì yɪhwhɔ̀- le sɪ hòt'a wesɪnyaetɪ hòt'e, Nòhtsɪ Weza ɬàet'ee sɪ wegħa ehkw'i-ahodɪ-le t'à. 19 Dɪ hanì hòzɔ̀ ts'ìhɔ̀ Nòhtsɪ dɔ sɪnɪyaetɪ hòt'e: Dzèh dɪ nək'e ts'ò ajà, hanìkò dɔ nàowohɪ k'èè eghàlageeda ts'ìhɔ̀ to gɪgha denahk'e nezɪ. 20 Dɔ hoìhɪ hogehtsɪ sɪ dzèh dzagɪhwhɔ̀. Gɪhoìhɪ wègaat'ɪ ha sɔnɪ gɪwɔ̀ t'à, dzèh ts'ò aget'ɪ-le. 21 Hanìkò dɔ ehkw'i eda ha nɪwɔ̀ sɪ dzèh ts'ò at'ɪ, hanì-ɪdè ayɪ eghàlaedaa sɪ Nòhtsɪ wedahxà at'ɪ, hotɪ wek'èhoedzɔ̀ hòt'e,” Zezì ghòdɪ.

John-Baptist Zezì ghɔ gode

22 Eyɪ t'axɔ̀ Zezì edecheekè xè Judea nək'e ts'ò geède. Ekɔ̀ whaà-lea ts'ò goxè aɪt'è, eyɪts'ɔ̀ dɔ k'ètàɪdzɪ. 23 Ekɪyeè k'e kòta Anon eyɪts'ɔ̀ kòta Salim ts'ò gɔ̀wà-lea tɪ ɬɔ̀ t'à, ekɔ̀ John-Baptist dɔ k'ètàɪdzɪ eyɪts'ɔ̀ dɔ gɪk'ètàɪdzɪ ha t'aats'ɔ̀ ekɔ̀ aget'ɪ. 24 (John-Baptist wedaàtɔ̀ kwe agot'ɪ ɪlè.) 25 John-Baptist wecheekè eyɪts'ɔ̀ Israel got'ɪhɪ gha k'àowo ɪlè edek'enats'ehtsee nàowoð ghɔ èlets'ɔ̀ nàyagehtɪ. 26 Eyɪt'à John-Baptist ts'ò geède, hagedɪ, “K'àowo, dɔ ɪlè, Jordan deh te nexè at'ɪ weghɔ̀ goneedè là, dɔ k'ètàɪdzɪ t'à dɔ hazɔ̀ wets'ɔ̀ aget'ɪ,” gɪhɪdɪ.

27 John-Baptist gots'ɔ̀ hadɪ, “Amì yak'e gots'ɔ̀ la weghòt'ɔ̀ sɪ yek'èè zɔ̀ eghàlaeda hòt'e. 28 Naxɪts'ɔ̀ dɪ haehsɪ ɪlè sɪ wek'èahsɔ̀ ne, ‘Sɪ Christ aht'e nùile, hanìkò sɪ sɪ wenakweè ɪɔ̀ ts'ò sets'ɪhɔ̀ hòt'e,’

haehsɪ ɲlè. ²⁹ Ts'èko honìdzaa sɪ wɛdɔzhù ghaelɪ hɔt'e. Dɔ honìdaa wɛàgɪɔ yekazɛèhkw'ɔ hɔt'e. Dɔ ts'ò gode yeèhkw'ɔ nɪdè sɪ wɪnà hɔt'e. Eyɪ xèht'eè dɪ hòt'a sɪnà hɔt'e. ³⁰ Edeɔ deɔɔ wɛt'àazà ade ha hɔt'e, eyɪts'ɔ sɪ sɪ dek'azɪ ahde ha hɔt'e.

³¹ “Ɔdò gots'ɔ hodàèhtɫaa sɪ eyɪ denahk'e wɛt'àazàa deè hɔt'e. Dɪ nèk'e gots'ɔ dɔ elɪ sɪ dɪ nèè gots'ɔ dɔ hɔt'e, eyɪt'à dɪ nèè gots'ɔ dɔ gok'èè gode. Ekò yak'e gots'ɔ nɪtɫaa sɪ hazòò t'à gonahk'e wɛt'àazàa deè hɔt'e. ³² Ayɪ ghàɪdàa eyɪts'ɔ ayɪ èèhkw'ɔɔ sɪ yeghɔ gode, hanìkò dɔ wɪzɪ ehkw'ɪ adɪ yɪhwhɔ-le. ³³ Amɪ ehkw'ɪ adɪ yɪhwhɔ sɪ 'Nòhtsɪ ehkw'ɪ hɔt'e,' hadɪ hɔt'e. ³⁴ Nòhtsɪ dɔ gots'ɔ yɪhɔàa sɪ yeyatɪ t'à gode hɔt'e, Nòhtsɪ, Yedàyeh Neɔ deghàa wɛts'ò-èlɪ ayɪlà. ³⁵ Nòhtsɪ edeɔa ghɔneètɔ hɔt'e, eyɪts'ɔ t'asɪ hazòò gha k'àowo elɪ ayɪlà. ³⁶ Amɪ Nòhtsɪ Weza ehkw'ɪ adɪ yɪhwhɔ sɪ welɔ whìle ts'ò eda ha. Amɪ Weza nɪwɔ-le sɪ welɔ whìle ts'ò eda ha-le, Nòhtsɪ hoìla yeghàhòɔà ha sɪ wedawheɔ hɔt'e,” John-Baptɪst edecheekè gòhdi.

4

Zezi Samaria gots'ɔ ts'èko ts'ò gode

¹ Pharisee gɪlɪ sɪ Zezi, John-Baptɪst nahk'e dɔ lɔ k'ètaɪdzɪ eyɪts'ɔ wecheekè lɔ ajà ghɔ gɪkw'o.

² Hanìkò Zezi edeɔ dɔ k'ètaɪdzɪ-le, wecheekè agetɪ. ³ Zezi hagedɪ ghɔ ùkw'o ekò Judea nèk'e gots'ɔ naèhtɫa, Galilee nèk'e ts'ò anajà.

⁴ Samaria nèk'e gok'egɪde, hanɪ gɪgha hòɔ t'à.

⁵ Eyɪ nèk'e kòta Sykar ts'ò nègɪde. Jacob, deè edeɔa Joseph ghàɪɔɔ sɪ ts'ò gɔɔwà-le hɔt'e. ⁶⁻⁸ T'akwe

whaà Jacob dèè goyì tì-ts'ìhchìi-k'è gòhtsì sù eyi gòzò. Zezì nìwà dèhtlà t'à nìtsò, eyi tì-ts'ìhchìi-k'è gà dèhkwa. Dzétani ekìyeè k'e agòht'e. (Wecheekè t'asì nàgeehdì ha kòta ts'ò geède ìlè.)

Nìlìlà kòta Samaria gots'ò ts'èko tì ìhchì ha eyi nìtlà. Zezì yets'ò hadì, “Tì sàìdì,” yèhdì.

⁹ Ts'èko yets'àèhyeh t'à hayèhdì, “Ekò nì Israel got'ìì anet'e; sù sù Samaria gots'ò ts'èko aht'e. Dànì t'à tì sùkè?” yèhdì. (Israel got'ìì, Samaria got'ìì xè aget'ì ha gùwò-le t'à ts'èko hanì yets'ò goìde.)

¹⁰ Zezì hayèhdì, “Nòhtsì ayì dò ghà?aa sù wek'èìzò nìdè, eyits'ò amì tì neekè sù wek'èìzò nìdè, tì wùkè ha ìlè. Hanì-ìdè tì wet'à ts'eedaa neghàedi ha ìlè,” yèhdì.

¹¹ Ts'èko yets'ò hadì, “K'àowo, wet'à tì ts'ìhchìi nets'ò-le eyits'ò tì-ts'ìhchìi-k'è ìzhù tì ts'ò gòqwa. Eyit'à edìì gots'ò tì wet'à ts'eedaa anele lì? ¹²Gocho Jacob wenahk'e anet'e nì-ghò aìdì? Ededì dù tì-ts'ìhchìi-k'è goghàìzò họt'e. Ededì jò gots'ò tì ats'e, weza sì eyits'ò wets'ò tìts'aadì sì jò tì giats'e họt'e,” yèhdì.

¹³ Zezì yets'ò hadì, “Amì dù tì yedòq sù k'achì tì ghaewì ade ha họt'e. ¹⁴Hanìkò amì tì weghàehdì sù k'achì tì wùzì ghaewì ha nùile. Tì weghàehdì sù weyì gots'ò tì xàelì lade ha; yet'à welò whìle ts'ò eda ha,” yèhdì.

¹⁵ Ts'èko yets'ò hadì, “K'àowo, k'achì tì ghaehwhì ha-le t'à, eyi tì seghàìdì, hanì-ìdè t'aats'òq jò ts'ò tì ghòehda ha-le,” yèhdì.

¹⁶ Zezì yets'ò hadì, “Nedòq xàatlà gà wexè jò nàatlà,” yèhdì.

¹⁷ Ts'èko yets'ò hadì, “Sedòq gòhì nùile,” yèhdì.

Eyit'à Zezi yets'ò hadi, “Ehkw'i aɔdi, nedqò gòhɔ nùle. ¹⁸ Nedqò sɔlài gòlè eyits'ò dù dɔ wexè nààdè sù nedqò nùle. Ehkw'i xàyanehɔ,” yèhɔ.

¹⁹ Ts'èko hadi, “K'àowo, nakwenàozqò anet'e nqò. ²⁰ Gocho dù shìh k'e Nòhtsɔ ts'ò yagɔhɔ hɔt'e. Hanìkò naxɔ Israel got'ɔ aahɔ sù Jerusalem ekɔ zɔ dɔ hazqò Nòhtsɔ ts'ò yagehɔ ha dahɔ,” yèhɔ.

²¹ Zezi yets'ò hadi, “Ts'èko, ehkw'i anèhsɔ, ìdaà nɔdè jɔ shìhka zɔ eyits'ò Jerusalem ekɔ zɔ Nòhtsɔ-Gotà ts'ò yaahtɔ ha nùle. ²² Naxɔ dɔ yàahɔ sù ayì ts'ò yaahtɔ sù wek'èahsɔ nùle; goxɔ amì ts'ò yats'ehtɔ sù wek'èts'eezɔ hɔt'e, dɔ edaxàlee sù Israel got'ɔ gots'ò ne t'à. ²³ Ìdaà nɔdè —hòt'a jɔ nìhɔqwo— amì Nòhtsɔ-Gotà ts'ò sù yagehɔ ha gɔwɔ nɔdè, Nòhtsɔ wets'ò Ìnì t'à ehkw'i gɔts'ò yahtɔ ha hɔt'e. Gotà hanì wets'ò yats'ehtɔ ha gòlhwɔ hɔt'e. ²⁴ Nòhtsɔ sù Ìnì hɔt'e. Dɔ Nòhtsɔ ts'ò yagehɔ sù wets'ò Ìnì t'à ehkw'i gɔts'ò yahtɔ ha hɔt'e,” yèhɔ.

²⁵ Ts'èko hadi, “Ìdaà nɔdè Messiah nùtɔ ha wek'èehsɔ. Nùtɔ nɔdè t'asì hazqò godaedi ha hɔt'e,” yèhɔ. (“Messiah” gedi nɔdè “Christ” gedi-agedi.)

²⁶ Eyit'à Zezi yets'ò hadi, “Sɔ, nets'ò gohdee sù eyi aht'e,” yèhɔ.

Zezi wecheekeè wets'ò nqògɔde

²⁷ Ekiyeè k'e Zezi wecheekeè nqògɔde. Zezi ts'èko ts'ò gode t'à sù gɔgha enùyah. Hanìkò Zezi dagɔhke t'à, “Ayì neewɔ?” hanì-le-ìdè “Dànìghɔ wets'ò gɔde?” gùhɔ-le.

²⁸ Ts'èko edetìtqò dɔ kòta ts'ò naèhtɔ. Ekɔ dɔ ts'ò dù hadi, ²⁹ “Sek'èahdè! Yeè dɔ whedaa sù t'asì

hazòò hahlàa sù yek'èezò. Asjì eyi Christ at'ì sòni?" gòhdi. ³⁰ Eyit'à kòta gots'ò dọ hazòò Zezi ts'ò geède.

³¹ Ts'èko naèhtla t'axòò Zezi wecheekeè gits'ò hadi, "K'àowo, t'asì ghò shèitì," giuhdi.

³² Hanikò Zezi gots'ò hadi, "Ayì wegghò shèitì ha sù wek'èahsò nùle," gòhdi.

³³ Eyit'à wecheekeè dalegeenke, "Asjì dọ t'asì yeghànɔ̀dì ghò adì?" gedi.

³⁴ Zezi gots'ò hadi, "Amì jò ts'ò sùhzaa sù wek'èaht'e ha họt'e eyits'ò la seghàɔ̀zòò sù wegghò naht'è ha họt'e. Eyì sedì họt'e. ³⁵ Naxì dọ yàahjì sù dui haahdi: 'Dì sa t'axòò nɔ̀dè t'asì dehshee sù nàts'ehtsì gà xehkò goyats'eewa ha,' dahdi. Hanikò sù dui hanaxèehsì, 'Dèè k'e k'eaht'ì. T'asì dehshee sù dui dì ajà, hòt'a nàts'ehtsì ha nezi.' ³⁶ Dọ t'asì dui dui xàyeht'aa sù hòt'a dui-t'ì wets'àzèedi họt'e. Hòt'a dui-t'ì welò while ts'ò geeda ha dọ lọ nàhtsì. Hanì-ɔ̀dè dọ t'asì dehshee nègelee sù eyits'ò dọ t'asì dui dui nàgehtsì sù jlah elexè gɔ̀nà ha họt'e. ³⁷ Dọ dui hagedi ehkw'ì họt'e, 'Dọ jhè wet'à t'asì dehshee nèyele, eyits'ò dọ jhè wets'ò t'asì dui dui nàyehtsì.' ³⁸ La wek'e eghàlaahdà-le kò, wets'ò t'asì dehshee nàhtsì ha ts'ò naxehza họt'e. Dọ eyi-le hòt'ò gɔ̀ghàlagɔ̀dà, gɔ̀lää gots'ò t'asì nezù nàhtsì ha," Zezi edecheekeè gòhdi.

Samarìa got'jì lọ Zezi ehkw'ì adì gɔ̀hwhò

³⁹ Eyì kòta gots'ò Samarìa got'jì lọ Zezi ehkw'ì adì gɔ̀wòò agejà. Eyì ts'èko yegghò dui hadi t'à, "T'asì hazòò hahlàa sù sets'ò hadi." ⁴⁰ Eyit'à Samarìa got'jì Zezi ts'àgede. Whaà-lea ts'ò gogà wheèda giuhdi t'à nàke dzeè ts'ò gogà aɔ̀t'è. ⁴¹ Zezi weyatì ts'ihzò denahk'e dọ lọ gɔ̀gha ehkw'ì-ahodì agejà.

⁴² Eyit'à ts'èko ts'ò hagedi, “Neyatù zò t'à gogha ehkw'1-ahodi niile, hanikò goxì xàè weyatù ts'ùkw'o t'à. Ededì sù xàè dù nèk'e dọ Edaxàgolee elì họt'e, hotù wek'èts'eezòò ats'ejà,” gùhdi.

Dèe-ts'ò-k'àowo-cheekeè weza k'aat'ì ajà

⁴³ Zezi, nàke dzeè ts'ò eyi dọ goxè aít'è tì'axòò Galilee nèk'e ts'ò ajà. ⁴⁴ (Zezi ededì dù hadì ìlè, “Nakwenàozòò sù wekòta gots'ò dọ agùt'ee sù dọ gùt'ì niile,” hadì.) ⁴⁵ Zezi Galilee nèk'e nùtla ekò ekọ got'ì giazì t'à, gínà. Kòta Jerusalem ekọ dzeèè Passover gixè agòjà t'à Zezi dànì eghàlajà sù giazì ìlè.

⁴⁶ Zezi k'achì Galilee nèk'e kòta Cana nùtla, ekọ tì t'à jietì whehtsì ìlè. Dèe-ts'ò-k'àowo-cheekeè ìlè ekọ wheda, kòta Capernaum ekọ weza eyaelì. ⁴⁷ Eyì k'àowo, Zezi Judea nèk'e gots'ò Galilee nèk'e nùtla yeghò ìkw'o t'à yets'àèhtla. Zezi ghonàdaetì, “Sek'èitla, sezaa elàdaawù sù k'aat'ì awùle,” yèhdi, yeghònadaetì.

⁴⁸ Zezi yets'ò hadì, “Naxidaà eniyah nàhòwo lenqssù naxìgha ehkw'1-ahodi ha niile,” yèhdi.

⁴⁹ Dèe-ts'ò-k'àowo-cheekeè hadì, “K'àowo, sezaa elàawì kwe sek'èitla,” yèhdi.

⁵⁰ Zezi hayèhdi, “Nekò ts'ò naítle. Nezaa eda ha,” yèhdi.

Eyi dọ Zezi ehkw'1 adì nìwọ t'à edekò ts'ò naèhtla.

⁵¹ K'àowo ìlè tìlì k'e naetle ekò wecheekeè godì xè gìghàgùde, hagedì, “Nezaa eda xè k'aat'ì anajà,” gùhdi.

⁵² K'àowo gots'ò hadì, “Dàtlọ nìzọ k'e k'aat'ì ajà?” “Ìxèè, ìlè nìzọ ekìyeè, edì-elì-le ajà ìlè,” gùhdi.

⁵³ Eyit'à k'àowo, Zezi dàyèhdu sù hotù eyi sadzeè k'e agòjà yek'èhoèhzà. “Nezaa eda ha,” Zezi yèhdi ìlè. Eyì hagòjà t'à ededì eyits'ò dọ hazòò wekò nàgedèe sù gıgha ehkw'ı-ahodù agejà.

⁵⁴ Dì xè Zezi nàekeè enıyah hòèhtsı họt'e. Judea nèk'e gots'ò Galılee nèk'e nõõtla tı'axòò eyi hagòjà.

5

Dọ k'eda-le sù k'aat'ı ajà

¹ Eyì tı'axòò Israel got'ı gıgha nàsıdeè hoè ha t'à, Zezi Jerusalem nàhtla. ² Jerusalem ekò enıtò nechàa gà tia whehtò. (Eyì enıtò nechàa sù “sahzòà-gha-enıtò” wıyeh, eyits'ò eyi tia, Aramaic gıyatı k'èè, Betesda wıyeh.) Eyì tia wemòò sagòhıı-k'è sılà gòla. ³⁻⁴ Eyì wetı'a dọ-eyaelı lò whete. Mòhdaa gıdaà goılee, mòhdaa k'egedè-le eyits'ò mòhdaa gıkw'òò ełajdè. ⁵ Dọ ìlè eyi whedaa sù taenò-daats'ò-ek'èdì xo gots'ò k'eda-le họt'e. ⁶ Zezi eyi dọ ekò whetı yazı. Whaà gots'ò hanı eyaelı yeghò ìkw'o t'à dọ eyaelı ts'ò hadı, “Asıı k'aat'ı anede ha neewò?” yèhdi.

⁷ Eyì dọ hadı, “K'àowo, tı nàeda ts'òet'ı tı yıehtla ha dọ sets'àwedı whıle. İlaà tı ts'ò ehtle et'ı dọ sekwe tı yıetla,” hadı.

⁸ Eyit'à Zezi yets'ò hadı, “Nııtla, netè nıızah gà k'eıtlo,” yèhdi. ⁹ Ekòet'ı eyi dọ k'aat'ı ajà. Edetè nıızah gà k'etloò ajà.

Eyì hagòjàa sù Nòhtsı Dzeè k'e agòjà. ¹⁰ Eyit'à Israel gha k'aodèe eyi dọ k'aat'ı ajàa sù ts'ò hagedı, “Nòhtsı Dzeè k'e agòht'e, gonàowoò k'èch'a netè k'enehchı,” gıhdi.

11 Hanikò eyi dọ hadi, “Dọ k'aàt'ì asìl̀l̀a s̀ì sets'ò d̀u hadi, ‘Netè ǹi`za gà k'e`t̀l̀o,’ s̀èhd̀i t'`a aht'̀i,” gòhd̀i.

12 Eyit'`a hagi`hd̀i, “Eyi dọ, ‘Netè ǹi`za gà k'e`t̀l̀o,’ nèhd̀i s̀ì am̀i họt'e?” gi`hd̀i.

13 Dọ k'aàt'ì ajàa s̀ì am̀i ayìl̀l̀a s̀ì yek'èezọ-le, Zezì dọni ts'ò èht̀a t'`a.

14 Eyi t̀'axọọ Nòhts̀kò-gocho gà Zezì k'ach̀i nayat'̀i t'`a, yets'ò hadi, “Negha k'aàt'ì agòjà, nez̀i. K'ach̀i ho`m̀i k'è`è eghàl̀ada-le, hanì-le-ìdè dànì eyanelèe s̀ì wenahk'e nexè hoila agode ha,” yèhd̀i.

15 Eyi dọ k'aàt'ì ajàa s̀ì Israel gha k'aodèe gots'ò èht̀a, hagòhd̀i, “Zezì k'aàt'ì asìl̀l̀a,” gòhd̀i.

Nòhts̀i Weza Edetà ẁnì k'è`è eghàlaeda

16 Zezì, Nòhts̀i Dze`è k'e hanì eghàl̀adà t'`a k'aodèe Zezì gha hoila hogehts̀i agejà. 17 “Nòhts̀i Dze`è k'e kò Setà t'aats'ò`ò edil̀aà ghàlaeda họt'e t'`a, s̀ì s̀ì t'aats'ò`ò eghàlaehda họt'e,” Zezì gòhd̀i. 18 Zezì hadi ts'ìh`z`ò k'aodèe k'èdaà giweè ha`w`ọ. Nòhts̀i Dze`è nà`z`hì zọ nùle gi`w`ọ, hanikò Nòhts̀i xàe setà họt'e d̀i t'`a Nòhts̀i xèht'e`è adìl̀d̀a.

19 Zezì gots'ò hadi, “Ehkw'̀i anaxèehs̀i, Weza s̀ì ededahxà t'asì ghàlaeda nùle. Wetà ayì ghàlaedaa yeghàedaa s̀ì eyi zọ yeghàlaeda họt'e. Wetà dànì eghàlaedaa s̀ì Weza yexèht'e`è eghàlaeda họt'e.

20 Gotà Edeza ghọne`et`ọ họt'e, t'asì haz`ọ`ò ghàlaedaa s̀ì yeghàedaà aye`h`z̀i. Hè`z`è, eyi wenahk'e t'asì deè ghàedaà ayele ha, naxìgha enìyah d̀ì ha ne.

21 Gotà dọ eł̀adèe s̀ì naidà xè geedaà agoh`z̀i. Eyi xèht'e`è Weza wegħa s̀ìghà k'è`è dọ eda ha nıw`ọ`ọ s̀ì haghoh`z̀i họt'e. 22 Eyit's'ò Gotà dọ ẁi`z̀i s̀ìniyaeh̀ti nùle, hanikò Weza dọ haz`ọ`ò gosìniyaeh̀ti ha wet'`aà whe`z`ọ`ò ayìl̀l̀a. 23 Hanì-ìdè dọ haz`ọ`ò Gotà ts'ò nez̀i

nageza lanì Weza ts'ò nezù nageza ha. Gotà Edeza gots'ò yùhza t'à, amù Weza ts'ò nezù nageza-le sù Wetà ts'ò nezù nageza-le họt'e.

²⁴ “Ehkw'ì anaxèehsì, amù seyati ìkw'o xè t'aa sùhzaa sù ehkw'ì adì yùhwhọ sù welọ while ts'ò eda ha, eyits'ọ hoila awedle ha-le. Eławo gots'ọ eda ts'ò łatàèhtła họt'e. ²⁵ Ehkw'ì anaxèehsì, whaà-le-t'ì, hòt'a jọ nèhòwo họt'e, ọ ełàgùdè lagùt'ee sù Nòhtsì Weza gode gùkw'o ha. Ọ egùkw'oo sù geeda ha. ²⁶ Gotà wet'à ts'eeda họt'e, eyì xèht'èè Weza sù t'à ts'eeda họt'e, hanì wet'l'a hòzọ ayùlà. ²⁷ Weza Ọ-wet'àazàa-deè elì ne t'à wedahxà ọ hazọ gosìnyaehtì ha yeghàhòzọ họt'e.

²⁸ “Dù haehsù sù naxìgha enìyah welè-le. Nọde nùdè ọ hazọ gùkw'ọ nìtọ sù gots'ọ gode gùkw'o ha họt'e, ²⁹ deè goyì gots'ọ xàgeedè ha. Ọ nezù eghàlagùdàa sù geeda ts'ò negùdè ha, hanìkò ọ nàowohù k'èè eghàlagùdàa sù gisìnyaehtì ts'ò negùdè ha. ³⁰ Sù whatsoọ t'asì hahle ha dì. Ayì eèkw'ọ ghàà zọ ọ sìnìyahtì họt'e. Sìnì k'èè eghàlaehda nùle, amù sùhzaa sù wìnì k'èè zọ aht'ì. Hanì-ìdè sù ọ gisìnyaehtì nùdè ehkw'ì zọ xàyahtì họt'e.

Zezi wetà yegha gode

³¹ “Sù edeghọ xàyahtì nùdè seyati ità ha nùle. ³² Hanìkò eyì-le seghọ nezù xàyahtì sù ehkw'ì họt'e, seghọ dàdù sù ità ha wek'èehsọ.

³³ “Naxì John-Baptist daweahke ha ọ wets'ọ aahlà jìlè, amù ehkw'ù họt'e sù yeghọ naxìts'ọ gojìde jìlè. ³⁴ Ọ seghọ xàyagehtì ha segha wet'àazà nùle, hanìkò naxìgha weghọ xàyahtì, hanì-ìdè naxìgha

ehkw'1-ahodi nɪdè edaxànaaxeetè ha welè. ³⁵ John-Baptist tleèk'òò dèk'òò laɪt'è, wet'à dzeɣ nɪdɪ ɪlè. Naxɪgha nezɪ t'à whaà-lea gots'ò wexè aaht'ɪ ɪlè.

³⁶ “Hanikò ayɪ eghàlaehdaa sɪ John-Baptist weyatɪ nahk'e wet'àaʒà hɔt'e. Setà la seghàɪʒɔɔ sɪ weghɔ naht'è ts'ò weghàlaehdaa aht'ɪ. Eyɪ la weghàahda weghàà, Setà jɔ ts'ò sɪhʒàa sɪ wek'èahsɔ ha. ³⁷ Eyɪts'ɔ Setà jɔ ts'ò sɪhʒàa sɪ ededɪ xàè seghɔ xàyaɪhtɪ hɔt'e. Setà weàhkw'ɔ eyɪts'ɔ weahʒɪ sɪ whìle. ³⁸ Dɔ naxɪts'ò yɪhʒàa sɪ naxɪgha ehkw'1 adɪ-le t'à, weyatɪ naxɪdzeè yɪ wheʒɔ-le. ³⁹ Nɔhtsɪ Nɪhtl'è wet'à welɔ whìle ts'ò ts'eeda ha dahwhɔ t'à, hotɪ weghàdeahtɔ. Eyɪ Nɔhtsɪ Nɪhtl'è sɪ seghɔ godeè adɪ hɔt'e, ⁴⁰ hanikò aahda anaxeɬe ha sɪ sets'ò aahde ha dahwhɔ-le.

⁴¹ “Dɔ seghɔ nezɪ agedɪ gha aht'ɪ-le, ⁴² hanikò naxɪk'èehsɔ; naxɪdzeè t'à Nɔhtsɪ ghɔnɪahtɔ nɪle. ⁴³ Setà wedahxà jɔ nèehtɪ, hanikò ehkw'1 aehsɪ seahwhɔ-le. Ekò dɔ ededɪ ededahxà jɔ nɪtɪ nɪdè eyɪ dɔ naxɪgha ehkw'1 adɪ ha hɔt'e. ⁴⁴ Dɔ naxɪghɔ nezɪ agedɪ ha dahwhɔ, hanikò Nɔhtsɪ naxɪghɔ nezɪ adɪ gha hots'ɔnɪahʒà-le. Hanɪ-ɪdè dànɪ naxɪgha ehkw'1-ahodi lì?

⁴⁵ “Hanikò Setà wenadaɣà naxɪk'e nɪdahoeʒà ha dahwhɔ-le. Moses weyatɪ k'èats'ɪt'e dahwhɔ t'à ededɪ naxɪk'e nɪdahoeʒà ha. ⁴⁶ Moses seghɔ ɪt'è hɔt'e, naxɪgha ehkw'1 adɪ nɪdè sɪ sɪ naxɪgha ehkw'1 aehsɪ ha ɪlè. ⁴⁷ Hanikò ayɪ dek'enèyɪt'è sɪ naxɪgha ehkw'1-le. Eyɪt'à dàehsɪ sɪ dànɪ naxɪgha ehkw'1 lì?” Zezɪ gòhdi.

Zezi dọ lọ wànyùdì

¹ Whaà hoòwo t'axò, Zezi Galilee nèk'e tì whetqò (Tiberias-tì sɪ wiyeh) wetadà ts'ò ajà. ² Zezi dọ-eyaeli gha eniyah ghàlajà dà gɪaɪ t'à dọ lọ gɪk'èè goòhwho. ³ Dọ eyi nègùdè kwe, Zezi shìh dekegòzà k'e edecheekeè xè latsaa ìdà. ⁴ Ekìyèè k'e Israel got'ì gɪts'ò dzèdèè Passover ts'ò hawe.

⁵ Zezi dọdèè gɪts'òdèè goaɪ ekò Zezi Philip ts'ò hadì, “Dù dọ gɪghò shèzhe ha edì gots'ò lèt'è nàts'eèhdì lì?” yèhdì. ⁶ Zezi ayì dàyele ha sù yek'èezò, hanìkò ekì yeèhdzà ha t'à dayiuhke.

⁷ Philip yets'ò hadì, “Ek'èdì sa eghàlats'ùdà kò dọ haàt'qò gha lèt'è nàts'eèhdì ha dì. Hazò nèchà-lea gɪwàhòdì kò lèt'è gɪxèt'qò ha-le,” yèhdì.

⁸ Wecheekeè ìlè, Andrew, Simon-Peter wechì, hadì, ⁹ “Jò chekoa lèt'è nèchà-lea sɪlài eyɪts'ò hìwe nàke k'ele, hanìkò sù dọ lọ t'à t'asì elì ha-le,” yèhdì.

¹⁰ Zezi edecheekeè ts'ò hadì, “Dọ hazò geèhkw'eè agiàhè,” gòhdì. Ekò t'oh ló gòhì, eyɪt'à dọ gɪk'eèhkw'e. Dòzhì zò ts'ùhtà nùdè sɪlài-lemì eyì dèhkw'e. ¹¹ Eyì t'axò Zezi lèt'è neyìwa, yek'eèyàhtì gà dọ geèhkw'ee sù gotaàgìla. T'agùwò ts'ò shègɪazhe. Eyì xèht'eè hìwe hayìlà.

¹² Dọ hazò nezhì shègɪazhe t'axò Zezi edecheekeè ts'ò hadì, “T'asì weghàhoòwo sù nàahstì. T'asì wùzì ekì ka zògùhdè-le,” gòhdì. ¹³ Eyɪt'à dọ t'asì ghàgèèzà sù wecheekeè hazò nàgèhtì. Dọ shègɪazhe t'axò lèt'è dezò whelaa sù t'òhtò hoòno-daats'ò-nàke dagoòzò nàgèhtì.

¹⁴ Zezi dù hanì dọ gha eniyah hòèhtì gɪaɪ t'à dọ elèts'ò hagedì, “Nakwenàozò deè dù nèk'e nùtla ha ìlè sù eyì at'ì sɪnì,” gedì. ¹⁵ Zezi k'àowocho

gehtsı ha gıwq, yek'èezq. Hanikò ededı hanıwq-le t'à whatsqđ shıhta ts'ò anajà.

Zezi tı ka naetle

¹⁶ Xèhts'ò agòjà ekò Zezi wecheekeè tabàa ts'ò geède. ¹⁷ Elà yì gıde gà ınòq kòta Capernaum ts'ò nageèht'e. Hòt'a gıxè to agòjà, hanikò Zezi gots'ò nıitla-le. ¹⁸ Nıhts'ı nàtso xè taatıı nechà ajà. ¹⁹ Tai echı hanı-le-ıdè tai-àtanı echı ts'ò nègıze ekò Zezi tı ka elà ts'ò etle gıazı, eyıt'à sù geèhyeh. ²⁰ Hanikò Zezi gots'ò hadı, “Sı aht'ı. Dahı-le!” gòhdı. ²¹ Zezi hagòhdı t'à elà yì etlaà agıılà. Edıı ts'ò aget'ı ılèe sù ekòet'ıı elà gıxè tàèhtla.

²² Ek'èdaedzèq k'e ınòq dq lq ageèhk'ee sù elà ıle zq gıazı gınadı. Zezi edecheekeè xè elà yietla-le ıle, eyıts'q whatsqđ nageèht'e ıle gınadı. ²³ Eyıt'à kòta Tiberias gots'q dq mòhdaa elà t'à geèze. Edıı Zezi lét'è k'eéyahı eyıts'q edıı dq shègıazhe ılèe sù ekq dàgıde. ²⁴ Zezi eyıts'q wecheekeè ekq geèhk'w'e-le nòq dq hazqđ gık'èhoèhzà ekò k'achı elà yì nagıde, Zezi hagıwq ha kòta Capernaum ts'ò nageèht'e.

Zezi lét'è wet'à ts'eedaa elı

²⁵ ınòq dq Zezi gıazı ekò dageehke, “K'àowo, dàht'e jq nòqneetla?” gıhdı.

²⁶ Zezi hadı, “Ehk'w'ıanaxèehsı, t'aahwhq ts'ò lét'è ghq shèahzhe t'à sekaahwhq hqt'e, naxıdaà enıyah nàhòwo t'à sekaahwhq nıle. ²⁷ Lét'è tsıwı ha sù gha eghàlaahda-le, hanikò lét'è wet'à welq while ts'ò aahda ha sù gha eghàlaahda. Dq-wet'aaazàa-deè eyı lét'è naxıghazà ha. Ededı sù Nòhtsı-Gotà wını k'èè eghàlaeda wek'èedzqđ ayıılà hqt'e,” hadı.

28 Zezi edegho hadi t'axòò dọ dageehke, “Nòhtsị dànì wegħa eghàlats'eeda ha gojhwħò?” giùhdi.

29 Zezi hadi, “Nòhtsị sị dı hanì eghàlaahda ha naxıhwħò: dọ naxıts'ò yjhwàa sị ehkw'ı adı weahwhò ha,” gòhdi.

30 Eyıt'à hagiùhdi, “Godaà enıyah deè hojhtsı njìdè wegħàà ehkw'ı aıdı nets'ıhwħò ha. 31 T'akwe whaà gocho ekı-kà nèk'e ‘manna’ ts'edi gıjzà jìè, enıhtl'è k'e dek'eèhtl'è: ‘Yak'e gots'ò jèt'è goghànıdı,’ ” Zezi ts'ò hagedı.

32 Zezi gots'ò hadi, “Ehkw'ı anaxèehsı, Moses ededı yak'e gots'ò jèt'è naxıghàıdı nıile, hanıkò Setà ededı sị yak'e gots'ò jèt'è wedeèdlı naxıghàıdı họt'e. 33 Yak'e gots'ò hodàèhtłaa sị ededı, Nòhtsı welèt'è họt'e, dı nèk'e dọ geedaà agohzı,” gòhdi.

34 Zezi ts'ò hagedı, “K'àowo, jọ gots'ò jıdaà eyı jèt'è goghàıdı,” giùhdi.

35 Eyıt'à Zezi edegho dı hadı xàyaıhtı, “Sı eyı jèt'è wet'à ts'eeda aht'e. Amı sets'ò at'ı sị k'achı deèhđı hıjı ha-le, eyıts'ò amı wegħa ehkw'ı aehsı sị k'achı tı għaewı ha-le. 36 Hanıkò dı hanaxèehsı jìè, ‘Seahzı, hanıkò jłàà naxıgha ehkw'ı aehsı-le.’ 37 Setà dọ hazòò seghàılaa sị sets'ò agede ha, amı sets'ò at'ı sị naweehzà hıjı ha-le. 38 Sını k'èè eghàlaehda ha yak'e gots'ò jọ nèehtł nıile, hanıkò amı sıjhwàa sị ededı wını k'èè eghàlaehda ha ahjà. 39 Amı sıjhwàa sị dı hanıwò: dọ hazòò seghàılaa sị jìè kò seghò dıkwetł ha-le, hanıkò nọde dzeè k'e njìdè hazòò nagıdà agehłe ha. 40 Dọ hazòò Weza ts'ò nageza xè gıgha ehkw'ı ahodı sị welò whıle ts'ò geeda ha, Setà hanı ha nıwò họt'e. Amı

ehkw'i aehsı sũhwhqo sũ nõode dzeè k'e nõdè naidà awehle ha," Zezi hadı edegho gode.

⁴¹ "Yak'e gots'ò lèt'è dũ nèk'e ts'ò ajàa sũ eyı aht'e," Zezi hadı t'à Israel got'ıı gıgho sqagedı.

⁴² Hagedı, "Dũ Joseph weza Zezi ni-ıt'e? Wetà eyıts'ò wemqo gık'èts'eezqo hqot'e. Eyıt'à dãnıgho edegho hadı, 'Yak'e gots'ò hodàèhtla,' " gedı.

⁴³ Zezi gots'ò hadı, "Segho sqahdı-le. ⁴⁴ Setà jò ts'ò sũhzaa sũ dq sets'ò ayehzı lenqsıı, dq wıızıı sets'ò ade ha dıı. Hanikò dq sets'ò ajà nõdè nõode dzeè k'e naidà awehle ha. ⁴⁵ Nakwenàoꝛꝛo dũ hanı gııtl'è jlè: 'Nòhtsı dq hazqò hoghàgoehtq ha,' gedı jlè. Dq hazqò Setà weyatıı gııkw'o xè gık'èè eghàlaedaa sũ sets'òaget'ı. ⁴⁶ Dq wıızıı Gotà azı whıle, Nòhtsı wets'ò ne sũ ededı zq Gotà ezı hqot'e. ⁴⁷ Ehkw'i anaxèehsı, amı ehkw'i adı sũhwhqo sũ welq whıle ts'ò edaa sũ hòt'a weghòt'q hqot'e. ⁴⁸ Sı lèt'è wet'à ts'eedaa aht'e. ⁴⁹ T'akwe whaà naxıcho ekıı-ka nèk'e 'manna' ts'edı gııza jlè, hanikò efaàgııdè.

⁵⁰ Ekò dıı yak'e gots'ò lèt'è dũ nèk'e ts'ò ajàa sũ jò wheda hqot'e. Dq yegho shètıı sũ efaàwı ha-le.

⁵¹ Yak'e gots'ò lèt'è dũ nèk'e ts'ò ajàa sũ, eyı aht'e. Dũ lèt'è dq yegho shètı nõdè welq whıle ts'ò eda ha. Dũ lèt'è sezhiı hqot'e, dũ nèk'e dq hazqò gıgha hqot'e, wet'à dq eda ha," Zezi gòhdı.

⁵² Zezi hadı t'à Israel got'ıı sũ gıgha nezı-le t'à elets'ò hagedı, "Eyı dq ayıı ayèhdı? Dãnı wezhıı ghq shèt's'etıı agole ha?" gedı.

⁵³ Zezi gots'ò hadı, "Ehkw'i anaxèehsı, Dq-wet'aaazàa-deè wezhıı aahdè xè wedoò aahdq lenqsıı, aahda ha nııle. ⁵⁴ Dq sezhiı ghq shètı xè sedoò edqo sũ welq whıle ts'ò edaa awııdlà hqot'e,

eyits'ò nòode dzeè k'e naidà aweh̄le ha. ⁵⁵ Sezhiì s̄i weghò shèt's'et̄i wedeèdl̄i hòt'e, eyits'ò sedoò s̄i wet'à ts'eedaa wedeèdl̄i hòt'e. ⁵⁶ Am̄i sezhiì ghò shèt̄i xè sedoò edòò s̄i, sexè nàdè ha, eyits'ò s̄i s̄i wexè nàhdè ha. ⁵⁷ Setà edaa el̄i s̄i jò ts'ò s̄ihzà hòt'e, eyits'ò Setà wets'ihzò s̄i ehda hòt'e. Eyi xèht'eè am̄i seghò shèt̄i s̄i sets'ihzò eda ha hòt'e. ⁵⁸ D̄i lèt'è s̄i yak'e gots'ò nìt̄la hòt'e. Naxicho 'manna' ghò shègiazhee s̄i ēlaàḡudè, hanikò am̄i d̄i lèt'è ghò shèt̄i s̄i welò while ts'ò eda ha hòt'e," gòhdi. ⁵⁹ Zezi hadi kòta Capernaum elèghèdèe-kò goyì dò hoghàgoehtò.

Zezi wecheekeè lò gits'ò nageèhde

⁶⁰ Dò lò Zezi k'èè k'egedèe s̄i hadi giikw'o ekò hagedi, "Dadi hoghàgoehtò s̄i gogha dezhi d̄i. Weyati ts'ihchi ha gogha d̄i," gedi.

⁶¹ Dò eyi ghò sòagedi Zezi gok'èezò t'à gots'ò hadi, "Dàehs̄i s̄i naxik'èch'a aehs̄i nì? ⁶² Dò-wet'aaàa-deè ed̄i gots'ò at'̄i s̄i naxidaà idòò anajà n̄dè weghò dàahwhò ha? ⁶³ Yedayeh Nez̄i wet'à ts'eeda hòt'e, dò wezh̄i t'as̄i el̄i n̄ile. Ayi ghò gohdee s̄i Yedayeh Nez̄i wets'ò hòt'e, eyi yati wet'à ts'eeda hòt'e. ⁶⁴ Hanikò naxita dò mòhdaa ḡgha ehkw'i aehs̄i-le," Zezi gòhdi. Kèhoḡihwho gots'ò am̄i ḡgha ehkw'i-ahodi ha-le eyits'ò am̄i k'aodèe gotl'aàyehtè ha s̄i Zezi gok'èezò hòt'e. ⁶⁵ Eyi t'à hagòhdi, "Eyi ts'ihzò d̄i hanaxèehs̄i l̄è, 'Setà dò sets'ò ayil̄a lenq̄s̄i dò w̄iz̄i sets'ò ade ha d̄i,' " gòhdi.

⁶⁶ Ekò gots'ò, dò lò Zezi xè agèt'ì l̄èe s̄i ek'èt'à nageèhde, gixè k'edè-le agejà.

⁶⁷ Zezi edecheekeè hoònq-daats'ò-nàke ts'ò hadi, “Dànìghq naxi sɪ sets'ò naahdè-le?” gòhdi.

⁶⁸ Simon-Peter yets'ò hadi, “K'àowo, amì ts'ò ats'ejà li? Nì zq neyatì t'à welq while ts'ò ts'eeda hq't'e. ⁶⁹ Nì sù Nòhtsɪ wets'q Degai anet'e wek'èts'eezq, eyɪ gogha ehkw'ɪ-ahodi,” yèhdi.

⁷⁰ Zezi edecheekeè ts'ò hadi, “Naxi hazqò hoònq-daats'ò-nàke aah't'ee sù naxihchì t'ìt'e. Hanikò naxita ts'ò jì sù wehɪ hq't'e,” gòhdi. ⁷¹ (Eyɪ hadi sù Zhidàà, Simon-Isariyot weza, ayèhdi. Zhidàà, ededi wecheekeè hoònq-daats'ò-nàke gota wheda kò, nqðde-ɪdè Zezi, k'aodèe gotl'aàyehtè ha hq't'e.)

7

Zezi dzèdèè gha Jerusalem ts'ò èhtla

¹ Eyɪ hagòjà t'axqò Zezi Galilee nèk'e hazqò nàhtla. Israel got'jì gha k'aodèe weweè hagiwq t'à, Judea nèk'e ts'ò ade ha nıwq-le. ² Israel got'jì gıts'q dzèdèè k'e kqà nàgehge ts'ò nıwà-le agodaade. ³ Zezi wechi gıts'q hadi, “Judea nèk'e ts'ò aade. Hani-ɪdè eniyah hojhtsɪ sù necheekeè gıghàeda ha. ⁴ Dq t'asì wehlè nıwq sù dq naàhtq eghàlaeda nıle. Eniyah hojhtsɪ nıdè dq hazqò neghàidà agıle,” gıhdi. ⁵ Wechi kò gıgha ehkw'ɪ-ahodi-le t'à hagiɪhdi jì.

⁶ Eyit'à Zezi gots'q hadi, “Sɪ segħa jlaà while hq't'e, hanikò naxi sù t'alàa-sì k'e naxıgha hòzq hq't'e. ⁷ Du nèk'e dq hazqò naxızagıhwhq ha dı, hanikò sɪ nàowohı k'èè eghàlageeda gèehsɪ t'à, sedzagıhwhq. ⁸ Naxi kqta Jerusalem nàsı ts'ò aahdè. jlaà segħa eyɪ nèhokw'ɪ-le t'à jq whıhda ha,” gòhdi. ⁹ Hadı t'à Zezi Galilee nèk'e ɪdè àida.

10 Hanikò wechɪ Jerusalem ts'ò geède tɪ'axòò Zezì ededɪ sɪ ekò èhtɫa, hanikò dọ naàhtòò ajà.
 11 Jerusalem ekò dzèdeè hoèè ekò Israel got'ɪ̀ì gha k'aodèè Zezì hak'egeet'ì. K'aodèè dọ hazòò dageehke, “Eyɪ dọ asɪ̀ì weahɪ?” gògedɪ.

12 Hanikò dọdèè nɪ dọ lọ Zezì ghọ elets'ò gogede. Dọ mọhdaa hagedɪ, “Dọ nezɪ họt'e,” mọhdaa hagedɪ, “Ìle ne, eghoyaeɪàa-dòò elɪ ne,” gedi.

13 Hanikò Israel got'ɪ̀ì gha k'aodèè ts'àgeejɪ t'à, dọ wɪ̀zɪ Zezì ghọ xáyagehtɪ ha gɪ̀wọ-le.

Zezi Nòhtsɪkò-gocho gà dọ hoghàehtọ

14 Ìlè dzèahta ts'ò dzèdeè hoèè sɪ tani nihoqwo ekò, k'òt'a Zezì Nòhtsɪkò-gocho gà dọ hoghàehtọ ha ekò èhtɫa. 15 Israel got'ɪ̀ì gha k'aodèè wey-atɪ̀ì gɪ̀kw'o ekò gɪ̀gha enɪyah t'à hagedɪ, “Eyɪ dọ hoghàweètọ-le kò, dànɪ t'à t'asɪ̀ì k'èezọ nọò?” gedi.

16 Zezì gots'ò hadɪ, “Sɪ sedaxà dọ hoghàehtọ nɪle. Amɪ̀ sɪ̀hɪ̀àa sɪ̀ì wedaxà dọ hoghàehtọ họt'e.

17 Amɪ̀ Nòhtsɪ k'èɪt'e ha sɪ̀ì asɪ̀ì Nòhtsɪ wedaxà gohde, hani-le-ɪ̀dè ededahxà gohde, yek'èezọ ha họt'e. 18 Dọ ededahxà godee sɪ̀ì dọ nayeet'ɪ̀ì gha at'ɪ̀ì họt'e. Ekò amɪ̀ yɪ̀hɪ̀àa sɪ̀ì yɪ̀zɪ nezɪ ehtsɪ gha at'ɪ̀ì nɪdè, eyɪ dọ sɪ̀ì ehkw'ɪ̀ì gode họt'e. Eyɪ dọ sɪ̀ì hots'ɪ̀ì nɪle. 19 Moses Nòhtsɪ nàowoò naxɪghàɪ̀zọ họt'e, hanikò naxɪta ts'ò dọ ìlè kò eyɪ nàowo k'èɪt'e nɪle. Eyɪt'à dànìghọ èlāsèahwhɪ ha dahwhọ nọò?”

20 Dọdèè nɪ gots'ò dọ mọhdaa haguɪ̀hdɪ, “Ìnɪ̀ì nets'ò-èlɪ. Amɪ̀ èlànìhwhɪ ha ghọ aɪ̀dɪ,” gɪ̀hdɪ.

21 Zezì gots'ò hadɪ, “Enɪyah ìlè hòwhɪhtsɪ t'à sets'àahyeh laahjà. 22 Hanikò naxɪ Moses gokwò nàt'à nàowoò naxɪghàɪ̀zọ t'à Nòhtsɪ Dzèè k'e dọzhɪa gɪ̀kwò k'e nàaht'à họt'e. (Moses ededɪ xàè nàgoet'àa

nàowoò naxìghàìzò nùile, naxìcho Abraham, Isaac eyits'ò Jacob gıts'ò nàowo hòt'e.) ²³ Moses wenàowoò nàahzhì ha-le dahwhò t'à Nòhtsı Dzeè k'e dọzhìa nàweet'aa sị naxìgha t'asanìle hòt'e. Ekò sị Nòhtsı Dzeè k'e dọ deghàà k'aat'ì ahzì nịdè dànìghò weghò sets'ò ààhch'e? ²⁴ T'asì wègaat'ì zò ghàà dọ sınıyaahtı-le, ehkw'ı zò k'èè dọ sınıyaahtı," Zezì gòhdi.

Asì Zezì Christ hòt'e?

²⁵ Hadı ekıyeè k'e Jerusalem gots'ò dọ mòhdaa hagedı, "Dọ ełàgıhwhı ha gıwò jìlè sị eyı nıtt'e?" ełègeedi, ²⁶ "Eyı dọ jò wheda xè dọnı ts'ò gode hanìkò k'aodèe t'asagıhdi-le. Christ hòt'e gıwò agejà nì-ghò agıtt'e? ²⁷ Hanìkò eyı dọ edı gots'ò at'ı sị wek'èts'èezò hòt'e. Christ nıttı nıdè edı gots'ò at'ı sị dọ wızzı yek'èezò ha nùile," gedi.

²⁸ Zezì ılaà Nòhtsıkò-gocho gà dọ ts'ò godeè ekò dọnı ts'ò hòtt'ò hadı, "Hèzè, sek'èahsò, eyits'ò edı gots'ò aht'ı sị wek'èahsò hòt'e. Sı sedahxà jò whıhda nùile. Amı sıhzaà sị ededi sị ehkw'ı hòt'e. Naxı wek'èahsò nùile, ²⁹ hanìkò sı wets'ò aht'ı eyits'ò jò ts'ò sıhzaà hòt'e t'à, wek'èahsò hòt'e," gòhdi.

³⁰ Zezì hadı t'à Israel got'ı gha k'aodèe dageechı ha hogeèhdzà, hanìkò ılaà wegħa nèhòkw'ı-le t'à dọ wızzı t'asayılà-le. ³¹ Eyı hagog'ı, hanìkò dọ lò ehkw'ı adı gıhwhò agejà t'à hagedı, "Christ nıttı nıdè dı dọ nahk'e enıyah lò hohtsı ha nı? İle sını," gedi.

³² Pharısee gıı sị dọ hagedı ełets'ò gogede gogıkw'o. Eyıt'à yahtı-gha-k'aodèe eyits'ò Pharısee gıı sị Zezì dageechı ha Nòhtsıkò-xogıhdi-dò kayagıhtı.

³³ Zezi dọ ts'ò hadi, “Whaà-lea gots'ò zọ naxixè whihda ha họt'e, eyi t'axqò-ìdè amì sùhàa sù wets'ò anahde ha. ³⁴ Sekak'eaht'ì ha, hanikò segòahzà ha-le, eyits'ò edù whihdaa sù ekọ ts'ò aahde ha dii,” Zezi gòhdi.

³⁵ Israel gha k'aodèe elets'ò hagedi, “Eyi dọ we-gots'ihzà ha-le, di t'à, edù ts'ò ade ha ghọ adi. Gòet'ì eyi-le nèk'e Greece got'ì ta nàgedèe sù gots'ò ade ha ni? Ekọ hoghàgoehtọ ha ni? ³⁶ Di hadi sù dàdi-adi, ‘Sekak'eaht'ì ha, hanikò segòahzà ha-le,’ eyits'ò ‘Edù whihdaa sù ekọ aahde ha dii,’ eyi dàdi-adi?” gedi.

³⁷ Dzeḍeè gha nọḍe dzeḍè nàtsoo whezọ k'e Zezi dọni ts'ò hòt'ò hadi, “Amì tì ghaewi sù sets'ò awede gà tì wedò. ³⁸ Amì wegħa ehkw'ì aehsù sù tì wet'à ts'eadaa wedzeè yì gots'ò xàlì ha. Hanì Nòhtsì Nìht'è k'e dek'eèht'è,” Zezi gòhdi. ³⁹ Zezi ayì ghọ godee sù Yedàyeh Nezù ghọ godeè-adi. Dọ hazọ ehkw'ì adi yùhwhọ sù nọḍe-ìdè Yedàyeh Nezù gik'e ade ha. Zezi ìaà yak'e ts'ò ajà-le t'à Yedàyeh Nezù dọ k'e ajà-le.

⁴⁰ Dọ mọhdaa Zezi hadi gùkw'o ekò, hagedi, “Eyi dọ nakwenàozọḍ deè elì ne sọni,” gedi.

⁴¹ Ekò dọ mọhdaa hagedi, “Christ awèts'edi là eyi at'ì,” gedi. Hanikò dọ mọhdaa hagedi, “Christ Galilee nèk'e gots'ò at'ì ha dii ne. ⁴² Nòhtsì Nìht'è k'e di hanì dek'eèht'è: Christ wèts'edu sù k'àowocho David wèot'ì gots'ò dọ ìè ade ha, eyits'ò kòta Bethlehem wegòhì ha, ekọ k'àowocho David nàìdè t'à,” gedi. ⁴³ Eyi t'à Zezi wets'ihzò dọ ełek'èè agùwọ-le agejà. ⁴⁴ Dọ mọhdaa wedaitì ha gùwọ, hanikò dọ wùzì gixèlaidì-le.

Israel got'ù gha k'aodèe gùgha ehkw'i-ahodi-le

⁴⁵ Nòqdea, Nòhtsìkò-xoguhdu-dòò nageèhde, yahtu-gha-k'aodèe eyits'ò Pharisee gùlù ts'ò anagejà. Eyi nègùde ekò k'aodèe dagogeehke, “Dànìghò jò nèweahù-le?” gògedi.

⁴⁶ “Dò wùzù eyi dò lanì gojde while,” Nòhtsìkò-xoguhdu-dòò hagedi.

⁴⁷ Eyt'à Pharisee gùlù sù hagògedi, “Naxì sù naxìghòyaèh?ò nì-ghò aahdi?” gògedi. ⁴⁸ “K'aodèe gots'ò hanì-le-ìdè Pharisee gùlù gots'ò dò wùzù ehkw'i adì gùhwhò nùile. ⁴⁹ Hanìkò dò hazòò Moses wenàowoò k'ègeezò-le sù gha ehkw'i adì. Eyi k'èxa gùgha hoilà ha,” gedi.

⁵⁰ Dò jùè Nicodemus wiyeh Pharisee gùlù goxè wheda elì hòt'e. Ededù ìdì Zezì ts'àèhtlà jùè. Nicodemus dagoehke, hadì, ⁵¹ “Gonàowoò k'èè ha nùdè, dò weghò nàyaeti-le et'ù, hoilà gha wesinìyats'ehti nì?” gòhdi.

⁵² K'aodèe gits'ò hadì, “Nì sù Galilee got'ù anet'e nì? Enìht'è wek'eyaahù nùdè, Galilee nèk'e gots'ò nakwenàozòò nùtlà ha nùile wek'èizò ha jùè,” gùhdi.

⁵³ Eyi t'axòò hazòò edekò ts'ò nageèhde.

8

¹ Zezì ededù t'aa shìh Olivet gòyeh ts'ò ajà. ² Èhkò ekò Zezì Nòhtsìkò-gocho gà nòqtlà, ekò dò lò wets'ò elèwhede, eyits'ò hoghàgoehtò. ³ Nòhtsìyatù-k'ègedù-dòò eyits'ò Pharisee gùlù sù ts'èko eyi nègùhtì. Eyi ts'èko, dòzhì eyi-le xè hoùù hòèhtsì wegòt'ò t'à, dò eyi nàgeèhzaa sù gonadaà nàwo agùlà. ⁴ Eyt'à Zezì ts'ò hagedi, “K'àowo, dù ts'èko sù dòzhì eyi-le xè hoùù hòèhtsì wegòt'ò.

⁵ Moses wenàowoò k'èè ha n̄dè ts'èko hanu s̄i ełààw̄i ts'ò kwe t'à wets'ı̄sh̄i ha dek'eèht'è. Ekò n̄i eyi weghò d̄aneewò?" Zezi ts'ò hagedi. ⁶ Hanì dageehkee s̄i yatı t'à geèhdzà, ekò-le x̄ayahtı n̄dè gık'e n̄idahogeezà ha ḡıwò t'à, agı̄hdi.

Hanikò Zezi edelakw'ò t'à dèè k'e eet'è. ⁷ İ̄laà dageehke t'à Zezi n̄it̄la, gots'ò hadı, "Naxıta d̄o we-hoıı while s̄i ededı t'akwełò kwe t'à n̄ayıhk'a," gòhdi. ⁸ Hadı t'axò k'achı dèè k'e eet'è.

⁹ Zezi hanı gots'ò x̄ayahtı egıkw'o ekò hazò èlek'èdaà nageèhde, q̄hdah ḡııı s̄i t'akwełò agej̄a. Zezi ededı zò aida, eyıts'ò ts'èko İ̄laà eyi n̄awo. ¹⁰ Zezi n̄it̄la ḡa yets'ò hadı, "Ts'èko, d̄o gılaedi? D̄o w̄ızı hoıla anı̄l̄a-le n̄i?" yèhdi.

¹¹ Ts'èko yets'ò hadı, "K'àowo, d̄o while," yèhdi. Zezi yets'ò hadı, "Sı sı hoıla anehle ha-le. Hòt'a, nekò ts'ò n̄at̄le, k'achı hoıı n̄awoò k'èè İ̄da-le," yèhdi.

Zezi edeghò ehkw'ı gode

¹² Zezi k'achı d̄o ts'ò hadı, "Dı nèk'e d̄o hazò gıgha dzèh n̄ıdı aht'e. Amı sexè at'ı s̄i wexè to-goòt'ò ha-le, dzèh wet'à ts'eadaa wexè hòzò h̄ot'e," gòhdi.

¹³ Eyıt'à Pharisee ḡııı s̄i Zezi ts'ò hagedi, "T'ası deè aht'e n̄ıdı t'à edeghò goıdeè aıdı. Edegha goıdee s̄i it̄a n̄ıle," gı̄hdi.

¹⁴ Zezi gots'ò hadı, "Sı edegha gohde kò, dàehsı s̄i it̄a h̄ot'e, edı gots'ò aht'ı eyıts'ò edı ts'ò ahde ha wek'èehsò t'à. Hanikò naxı s̄i edı gots'ò aht'ı eyıts'ò edı ts'ò ahde ha s̄i wek'èahsò n̄ıle. ¹⁵ Naxı s̄i d̄o n̄awoò k'èè d̄o gısnıyaahı h̄ot'e, hanikò sı s̄i d̄o w̄ızı wesnıyaahı n̄ıle. ¹⁶ Hanikò t'ası

wesinìyahti nìdè sɪ zɔ aht'ɪ nùlè t'à, dànì wegħɔ nànihwɔo sù ehkw'ɪ hɔt'e. Setà jɔ ts'ò sɪhʔàa sù sexè at'ɪ hɔt'e. ¹⁷ Moses wenàowoò dɪ hanì dek'eèht'è hɔt'e, 'dɔ nàke gɪdàà dàgòjàa sù ghɔ elèht'eè xàyagɪhtɪ nìdè gɪgodɪ ità hɔt'e' dek'eèht'è. ¹⁸ Sɪ sù edegħa goħde hɔt'e, eyɪts'ɔ Setà sɪhʔàa sù segħa gode hɔt'e," Zezì gòħdɪ.

¹⁹ Eyɪt'à dageehke, "Edɪ netà wheda?" gùħdɪ.

Zezì gots'ò hadɪ, "Sek'èahsɔ nùlè eyɪts'ɔ Setà sɪ wek'èahsɔ nùlè. Sek'èahsɔ nìdè Setà sɪ wek'èahsɔ ha jlè," gòħdɪ. ²⁰ Zezì hadɪ gots'ò goɪde ekò Nɔhtsɪkò-gocho gà dɔ hogħàgoehtɔ jlè. Sɔ̀ɔmba nègelee k'è gà nɪwà-lea wheda jlè, hanìkò ɪlǎà wegħa nèhòkw'ɪ-le t'à dɔ wɪzɪ dayaachì-le.

²¹ K'achɪ Zezì gots'ò hadɪ, "T'asɪ ahde ha eyɪts'ɔ sekak'eaht'ɪ ha. Hanìkò naxihoɪ xè ɛlǎahde ha hɔt'e. Edɪ ts'ò aht'ɪ sù ekɔ aahde ha dɪ," Zezì gòħdɪ.

²² Hadɪ t'à Israel got'ɪ għa k'aodèe daɓegeehke, " 'Edɪ ts'ò aht'ɪ sù ekɔ aahde ha dɪ,' hadɪ t'à, ɛlǎadiwɪ ha nì-ghɔ adɪ?" gedɪ.

²³ Hanìkò Zezì gots'ò hadɪ, "Naxɪ sù ɪzħɪ gots'ɔ aah't'e, sɪ sù ɪdòo gots'ɔ aht'e. Naxɪ sù dɪ nèk'e gots'ɔ aah't'ɪ, sɪ sù dɪ nèk'e gots'ɔ aht'ɪ nùlè. ²⁴ Naxihoɪ xè ɛlǎahde ha naxèehsɪ jlè. Amɪ aht'e naxèehsɪ sù naxɪgha ehkw'ɪ aehsɪ-le nìdè naxihoɪ xè ɛlǎahde ha hɔt'e," Zezì gòħdɪ.

²⁵ "Amɪ anet'e?" gùħdɪ. "Amɪ aht'ee sù hòt'a edegħɔ goɪħde jlè. ²⁶ T'asɪ ɪɔ ghɔ naxɪsɪnìyahtɪ ha dɪ-le, hanìkò amɪ sɪhʔàa sù weyatɪ ehkw'ɪ hɔt'e. Dàsèħdɪ sù dɔ hazɔɔ ts'ò haehsɪ hɔt'e," Zezì gòħdɪ.

27 Edetà ghò gots'ò godee-adu sù gmedì-le.
 28 Eyt'à Zezi gots'ò hadi, “Dò-wet'aaàa-deè idòo dexewiitsò awèahlà nùdè, amì aht'e naxèehsù sù k'òòt'a wek'èahsò ha. Sì sedahxà t'asì ghàlaehda nùile, Setà ayì hoghàseèhtqò sù eyi zò t'à gohde hq't'e. 29 Amì sùhàa sù t'aats'òò winì k'èè eghàlaehda t'à, sexè at'ì hq't'e eyits'ò sets'òò ajà nùile,” Zezi hadi dò ts'ò gojde. 30 Zezi hadi gode t'à dò lò ehkw'ì adì gùhwhòò agejà.

Abraham wets'ihzòò-dòò

31 Israel got'ù gogha ehkw'ì adù sù Zezi gots'ò hadi, “Seyatù k'èahdì nùdè xàè secheekeè aah't'e. 32 Secheekeè aah't'e nùdè nàowo ehkw'ù k'èhoahsò ha, nàowo ehkw'ù k'èhoahsò nùdè k'achù t'asì wùzì naxits'ò k'àowo ha nùile,” Zezi gòhdi.

33 Dò hagiùhdi, “Abraham wets'ihzòò-dòò ats'ùt'e, dò wùzì gots'ò k'àowo gòlè nùile. Eyt'à dànìghò, t'asì wùzì naxits'ò k'àowo ha nùile, nùdì?” giùhdi.

34 Zezi gots'ò hadi, “Ehkw'ì anaxèehsù, amì hoù hohtsù sù hoù yets'ò k'àowo hq't'e. 35 Dò, k'àowo gha eghàlaeda elù sù xàè weza elù nùile, hanìkò k'àowo xàè weza sù welò whìle ts'ò weza elù hq't'e. 36 Eyt'à Nòhtsù Weza sù t'asì naxits'ò k'àowo-le anaxùlà nùdè hòt'afòò t'asì wùzì naxits'ò k'àowo ha nùile. 37 Abraham wets'ihzòò-dòò aah't'e wek'èehsò, hanìkò naxìdzeè yì seyatù ààhchì-le t'à èlààsèahwhì ha dahwhò. 38 Setà wegà whìhda ekò ayì ghàihdàa sù naxits'ò haehsù hq't'e, hanìkò naxì naxità dānaxèhdù sù wek'èè eghàlaahda hq't'e,” Zezi gòhdi.

39 Zezi ts'ò hagedì, “Abraham gotà hq't'e ne,” gedi.

Zezi hagòhdi, “Abraham wets'ihzòq-dòq aah't'e nùdè Abraham dànì eghàlajdàa sì naxì wexèht'e eghàlaahda ha ìlè. ⁴⁰ Hanìkò Nòhtsì dàsèhdì sì eyì naxìts'ò ehkw'ì xàyaeh'tì t'à ełààsèahwhì ha dah-whò. Abraham hanì eghàlajdà while. ⁴¹ Naxì naxìtà dànì eghàlaedaa sì wek'èè eghàlaahda họt'e,” Zezi gòhdi.

“Tshìkò gòqza ats'ìt'e nùle. Nòhtsì ededì zò gotà họt'e ne,” gùhdi.

Dò Nòhtsì ts'ò agüt'e-le sì gùnedì ha dùi

⁴² Zezi gots'ò hadì, “Nòhtsì naxìtà elì nùdè seghònahtò ha ìlè. Nòhtsì gots'ò aht'ì eyìts'ò dùi jò whìhda họt'e. Sì sedahxà jò ts'ò ahjà nùle, Nòhtsì jò ts'ò sùhza họt'e. ⁴³ Dànìghò seyatiì weniahdì-le? Ayì dàehsì sì aàhk'w'o ha naxìgha dùi t'à họt'e. ⁴⁴ Wehì sì naxìtà họt'e, naxìtà wìnì k'èè eghàlaahda ha dahwhò. Kèhojwo gots'ò wehì eweèt'ì elì họt'e. Nàowo ehkw'ì wets'ò-èlì-le t'à ehkw'ì eghàlaeda-le. Hots'ì zò t'à gode, eyì weyatiì họt'e, eyìts'ò hots'ets'ì nàowoò hazò yèhtsì họt'e. ⁴⁵ Sì ehkw'ì gohde t'à, naxìgha ehkw'ì aehsì-le. ⁴⁶ Asì naxì ìlè hojì hòwhìtsì sèhdì sek'e nìdahoezà ha dùi-le? Ehkw'ì gohde nùdè dànìghò naxìgha ehkw'ì aehsì-le? ⁴⁷ Amì Nòhtsì wets'ò dò elì sì Nòhtsì dàdì sì yeèhk'w'ò họt'e. Nòhtsì wets'ò dò aah't'e nùle t'à weàhk'w'ò nùle,” Zezi gòhdi.

Zezi Abraham nahk'e elì

⁴⁸ Israel got'ì gha k'aodèè Zezi ts'ò hagedì, “Samaria got'ì anet'e eyì xè ìnìhì nets'ò-èlì, hanèts'edi ìlè sì ehkw'ì anèts'edi ìlè!” gùhdi.

⁴⁹ Zezi gots'ò hadì, “Ìnìhì sets'ò-èlì nùle. Sì Setà weghàsòhoedi ahlà họt'e, hanìkò naxì yatì laòt'ì-le

t'à sets'ò goahde. ⁵⁰ Dò seghàsògeedi gha jò ts'ò ahjà nùile. Hanikò ededi seghàsòhoedi ha nìwòq sù dò sinìyaehtì elì họt'e. ⁵¹ Ehw'ì anaxèehsì, amì seyati k'èdì sù ẹ̀lǎàwì ha nùile,” Zezì gòhdi.

⁵² Zezì hadì t'à k'aodèe dì hagedì yagìzeh, “Hòt'a mìnì nets'ò-èlì hotì wek'èts'eezò ne! Abraham ẹ̀lǎwò ɹlè eyìts'ò nakwenàòzòq sì hazòq ẹ̀lǎàgùdè ne, hanikò dò neyatì k'èdì nùdè ẹ̀lǎàwì ha nùile nùdi. ⁵³ Gocho Abraham wenahk'e nelì nìghò aidi? Abraham eyìts'ò nakwenàòzòq hazòq ẹ̀lǎàgùdè ɹlè. Amì aht'e edeḡewò?” gùhdi.

⁵⁴ Zezì hadì, “Sì edeghàsòqehdi nùdè eyì t'asì nùile. Setà, Naxìnòhtsì họt'e dahdì sù, ededi seghàsòhoedi asìlǎ họt'e. ⁵⁵ Naxì sù Nòhtsì wek'èahsò nùile, sì Nòhtsì wek'èehsò họt'e. Wek'èehsò-le dehsì nùdè naxìxèht'e è hots'ì-dòq ehì ha ɹlè, hanikò wek'èehsò họt'e eyìts'ò weyatì sù k'èhdi họt'e. ⁵⁶ Naxìcho Abraham sù jò ts'ò ahde ghò nadaḡ k'et'ì t'à wìnà ɹlè. Saḡ t'à wìnà ɹlè,” Zezì gòhdi.

⁵⁷ K'aodèe hagedì, “Ìlǎà sùlǎenq neghò-le, hanikò Abraham neezì nùdi nì?” gùhdi.

⁵⁸ Zezì gots'ò hadì, “Ehw'ì anaxèehsì, Abraham wegòhì kwe gots'ò aht'e,” gòhdi. ⁵⁹ Zezì hadì t'à kwe negìwa, nàgeehshì ha ɹlè hanikò Zezì gonaḡ-èhtǎ, Nòhtsìkò-gocho gots'òq naèhtǎ.

9

Dò wedaà goilee sù k'aat'ù ajà

¹ Zezì tǎlì k'e naetle ekò dò ɹlè wegòhì gots'ò wedaà goilee yaḡ. ² Wecheekeè dageehke, “K'àowo,

amù wehoḥì k'èxa dui dọ wedaà goilee wegòhì, ededì hanì-le-ìdè wetà eyits'ọ wemọ?" giùhdi.

³ Zezì gots'ọ hadì, "Dui dọ hoḥì hòèhtsì t'à ajà nuile, eyits'ọ wèot'ì hoḥì hogèhtsì t'à hajà nuile. Nòhtsì naxídaà eyi dọ gha eniyyah hohtsì ha niwọ t'à, ajà họt'e. ⁴ Iḥàà goxè dzèh agòht'e et'ì amù jọ ts'ọ sùhḥàa sù wegħa eghàlats'eeda ha họt'e. Whaà-le-t'ì to agode ha, hanì-ìdè dọ wùzì eghàlaeda ha dii agode ha. ⁵ Iḥàà dui nèk'e whìhda et'ì dọ hazọ gìgha dzèh aht'e," gòhdi.

⁶ Zezì hadì t'axọ dèè k'e dèèze. Eht'è edewazèè ta ayìlà gà dọ wedaà k'e ayìlà. ⁷ Zezì eyi dọ ts'ọ hadì, "Siloam tia whehtọ ekọ nàatla gà nedaà k'enahtse," yèhdi. ("Siloam" gedì nìdè "wets'ùhḥà" gedì-agedì.) Eyt'à eyi dọ ekọ nàhtla gà ededaà k'enahtso. Edekọ ts'ọ naetle ekọ wegħa xègoèht'ì ajà.

⁸ Dọ gìgà nàdèè eyits'ọ inèè t'asì eekèè zọ t'à dọ gik'èezọọ sù dalegeehke, "Dui dọ t'aats'ọọ t'asì eekè là eyi nì-ìt'e?" gedì. ⁹ Dọ mòhdaa hagedì, "Hèzè, eyi at'ì," hanìkò mòhdaa, "Ìle, eyi nuile, ekù yexèht'èè wègaat'ì," gedì.

Hanìkò eyi dọ sù hadì, "Eyi dọ aht'e ne," gòhdi.

¹⁰ Eyt'à dageehke, "Dànìghọ dui negħa xègaat'ù agòjà?" giùhdi.

¹¹ Gots'ọ hadì, "Dọ Zezì giùhdi, eht'è edewazèè ta ayìlà gà sedaà k'e ayìlà. Siloam tia whehtọ ekọ edek'enahtse sèhdi. Ekọ sedaà k'enahtso là segħa xègoèht'ì agòjà," gòhdi.

¹² "Eyi dọ welaedi?" giùhdi. "Wek'èehsọ-le," gòhdi.

Pharisee gùlù sù dọ wedaà goilee ìlèè sù dageehke

13 Eyi dọ sị Pharisee gụlụ ts'ò geèhchì. 14 Eyi dzeè k'e Zezi ehtl'è edewazeè ta ayìlà gà dọdaà k'e ayìlà sị Nòhtsị Dzeè k'e ayìlà. 15 Pharisee gụlụ sị eyi dọ dageehke, “Dàni nedaà k'aàt'ìì ajà?” gùhdi. Dọ gots'ò hadi, “Ehtl'è sedaà k'e ayìlà, sedaà k'enaihtso, eyits'ò dii segha xègaat'ìì agòjà,” gòhdi.

16 Pharisee mọhdaa Zezi ghọ hagedi, “Eyi dọ at'ìì sị Nòhtsị Dzeè k'èdì nìlè t'à, Nòhtsị gots'ò at'ìì nìlè,” gedi.

Hanikò mọhdaa hagedi, “Dii hanì eniiyah hòèhtsị nìdè dànì hòhì-hohtsì-dọò welè?” gedi t'à elek'èè agụwọ-le agejà.

17 K'achì ịlàà eyi dọ dageehke, “Nì nedaà k'aàt'ìì ayìlà ne t'à eyi dọ sị weghọ dàidì?” gùhdi.

Dọ gots'ò hadi, “Eyi dọ nakwenàozọọ họt'e,” gòhdi.

18 Dọ wedaà k'aàt'ìì ajàà sị Israel gha k'aodèe ịlàà gìgha ehkw'ì-ahodì-le t'à eyi dọ wèot'ìì gokàgehà. 19 “Dii naxìza nì-ìt'e?” gedi dagogeehke. “Dii dọ wedaà goilee wegòhì nì? Dànìghọ dii wedaà k'aàt'ìì ajà?” gedi dagogeehke.

20 “Dii goza họt'e, eyits'ò wedaà goilee xè wegòhìì wek'èts'eezọ,” wèot'ìì hagedi, 21 “Hanikò dii dànì k'èet'ìì ajàà sị eyits'ò amì k'èet'ìì ayìlà sị wek'èts'eezọ-le. Naxì daweahke, wegòò k'ètìọ ne. Edegha gode ha dii nìlè,” gedi. 22 Dọ wèot'ìì Israel got'ìì gha k'aodèe ts'àgeeji t'à agedi. Israel got'ìì gha k'aodèe dii hagedi ịlè, “Amì, ‘Zezi, Christ họt'e,’ hadi sị elèts'ehdèe-kò at'ìì ha-le,” gedi yatì gèhtsì ịlè. 23 Eyi t'à wèot'ìì hagedi, “Wegòò k'ètìọ ne, naxì daweahke,” gedi.

24 Dọ wedaà k'aat'ìì anajàa sì k'achị dageehke, hagedi, “Nòhtsị wenadaà ehkw'ı goıde. Eyı dọ sì hoḣḣ-hohtsı-dọọ họt'e wek'ets'eezọ,” gıhdi.

25 Dọ hadı, “Hoḣḣ-hohtsı-dọọ elı, elı-le wek'èehsọ-le. Dıı zọ wek'èehsọ: Sedaà goile ı̀lè hanıkò dıı segha xègaat'ı̀ı̀ agòjà!” gòhdi.

26 K'achı dageehke, “Ayı daniilà? Dànì nedaà k'aat'ìì ayı̀là?” gıhdi.

27 Dọ gots'ọ hadı, “Hòt'a hanaxèehsı ı̀lè hanıkò seàhkw'ọ-le. K'achı naxıts'ọ haehsı ha dahwhọ nı? Naxı sı wecheekeè aahı ha dahwhọ nı-ghọ aahdi?” gòhdi.

28 Hagòhdi t'à yatııı t'à gık'adaedè, hagiıhdi, “Nı wecheekeè anet'e! Goxı Moses wecheekeè ats'ııt'e.

29 Nòhtsı Moses ts'ọ goıde wek'ets'eezọ họt'e, ekò eyı dọ awııdı sì edıı gots'ọ dọ ne wek'ets'eezọ-le,” gedi.

30 Eyı dọ gots'ọ hadı, “Sıı segha enıyah aahdi! Sedaà k'aat'ìì ayı̀là kò edıı gots'ọ dọ ne sì wek'èahsọ-le nı? 31 Nòhtsı sì hoḣḣ-hohtsı-dọọ eèhkw'ọ nıle wek'ets'eezọ. Dọ Nòhtsı wıı k'èè eghàlaedaa sì yeèhkw'ọ họt'e. 32 Dọ wedaà goile xè wegòhıı sì wedaà k'aat'ìì adlà ghọ ets'ııkw'o whıle họt'e. 33 Eyı dọ Nòhtsı dahxà eghàlaeda-le nıdè t'ası hale ha wegħa dıı ha ı̀lè,” eyı dọ gòhdi.

34 Hadı t'à gıts'ọ hadı, “Negòhı gots'ọ hoḣḣ-hohtsı-dọọ anet'e, hogħagòhtọ ha neewọ nı?” gıhdi t'axọọ xàdegeèzhı.

Dọ gıgha xègaat'ı̀ı̀ sì gıdaà goile agode ha

35 Elègehdeè-kò gots'ọ xàgeèhxà Zezi yegħọ ııkw'o, k'achı yazı ekò hayèhdi, “Dọ-wet'àaàa-deè negħa ehkw'ı adı nı?” yèhdi.

36 Dọ hadi, “K'àowo, amì awùdí? Segha ehkw'i adi ha t'à, sets'ò hađi,” yèhdi.

37 Zezi yets'ò hadi, “Dọ weghàda xè nets'ò godee sù eyi họt'e,” yèhdi.

38 Ekòet'ìi dọ hadi, “Sets'ò K'àowo, segha ehkw'i ađi,” hadi t'axòọ yets'ò nàgòìhgè.

39 Zezi hadi, “Dii nèk'e dọ gisìnyàeti ha jọ ts'ò ahjà. Dọ gidaà goilee sù k'egèet'ì agede ha, eyits'ò dọ gigha xègaat'ì sù gidaà goile agode ha,” gòhdi.

40 Pharisee gùlù mọhdaa Zezi gà nàgèèhzaa sù hadi gùkw'o t'à Zezi dageehke, “Goxi sù godaà goile nùdii nì-ađi?” gùhdi.

41 Zezi hadi, “Naxidaà goile nùdè naxihođi while ha ìlè, hanikò gogha xègaat'ì dahdi t'à naxihođi ìlaà naxik'e whela họt'e,” gòhdi.

10

Sahzọq-k'èdii-dọọ eyits'ò wesahzọq

1 “Ehkw'i anaxèehsi, dọ, sahzọq k'èhodii gha eniṭọ k'è goyaetla-le, hanikò ekọ-le gots'ò goyaèhtla nùdè eyi dọ sù eezii-dọọ elì họt'e. 2 Dọ eniṭọ k'è goyaetlaa sù ededi sahzọq-k'èdii-dọọ elì họt'e. 3 Eniṭọ-k'èdii-dọọ yets'ò enixàechi, eyits'ò wesahzọq gohaezeh ha egeèhkw'ọ. Edesahzọq guzi t'à gozi, eyits'ò mọht'a xàgoèwa. 4 Edets'ò sahzọq hazọọ xàgoèwa t'axòọ, ìdaà gonadaa naetle. Wesahzọq gik'èezọ t'à gots'ò gode nùdè gik'èedè. 5 Hanikò dọ eładù k'èè agede ha nuile. Dọ eładù gots'ò godee nùdè gik'èezọ-le t'à, gits'òọ natimọgeedè ha ne,” gòhdi. 6 Zezi wet'à naniṭs'ewoo godii t'à dọ xè godo, hanikò dàdii-adii sù ginièdi-le.

7 Eyit'à Zezi k'achɪ hadɪ, “Ehkw'ɪ anaxèehsɪ, sɪ sɪ sahzòǎ gɪgha enìtɔ laaht'e. 8 Dɔ sekwe nègɪidee sɪ hazòǎ egeezɪ-dòǎ agɪt'e, eyit'à sahzòǎ gogeèhkw'ò-le. 9 Sɪ enìtɔ laaht'e. Amɪ eyɪ enìtɔ k'è goyaetɫaa sɪ edaxàweetè ha hɔt'e. Ededɪ goyaetɫa xè xàetɫa ha, hanì-ɪdè nezɪ shètɪ xè wek'èhodì. 10 Eezɪ-dòǎ sɪ sahzòǎ deɪɪ xè ɛ̀aàgòhde zɔ gha at'ɪ, hanìkò sɪ set'à geeda ha jɔ ahjà, eyits'ò denahk'e gɪxè sìghà hòzɔ gha jɔ ahjà.

11 “Sɪ sahzòǎ-k'èdì-dòǎ nezɪ aht'e. Sahzòǎ-k'èdì-dòǎ nezɪ sɪ edesahzòǎ gha ɛ̀aàwɪ hɔt'e. 12 Sahzòǎ-k'èdì-dòǎ gha eghàlaedaa sɪ sahzòǎ-k'èdì-dòǎ elɪ nùle, xàè wets'ò sahzòǎ agɪt'e-le t'à. Eyit'à dɪga gots'ò etɫe yeɪɪ nɪdè sahzòǎ gots'òǎ natɪmɔeda. Dɪga sahzòǎ godzɪhɪzà xè ehkègehɪzà agohɪ. 13 Dɔ weèht'èe sɪ sòǎmba zɔ k'èxa at'ɪ, eyits'ò sahzòǎ goghòneètò-le t'à sahzòǎ ts'òǎ natɪmɔeda.

14 “Sɪ sahzòǎ-k'èdì-dòǎ nezɪ aht'e. Sesahzòǎ hazòǎ gɪk'èehsɔ, eyits'ò sesahzòǎ sek'ègeezɔ hɔt'e. 15 Eyɪ xèht'èe Setà sek'èezɔ, eyits'ò Setà wek'èehsɔ hɔt'e, eyits'ò sesahzòǎ gɪgha ɛ̀aehwhɪ ha. 16 Sesahzòǎ eyɪ-le gòhɪ, jɔ gɪk'èhodì gots'ò agɪt'e-le. Ededɪ sɪ goyageehwha ha hɔt'e. Gɪts'ò gòhde nɪdè, segɪkw'o ha hɔt'e. Hanì-ɪdè sesahzòǎ hazòǎ ɛ̀lexè geèhkw'e ha, eyits'ò gok'èdì-dòǎ ɪ̀è zɔ gòhɪ ha. 17 Sesahzòǎ gɪgha ɛ̀aehwhɪ ha t'à Setà seghòneètò hɔt'e. Eyɪ t'axòǎ-ɪdè nàihdà ha hɔt'e. 18 Dɔ wɪzɪ ɛ̀aehwhɪ asele ha dɪ, sɪ sɪnì k'èè ɛ̀aehwhɪ ha hɔt'e. ɛ̀aehwhɪ ha eyits'ò nàihdà ha sɪ sets'ò hoèlɪ hɔt'e. Setà hanì seghàhòɪzɔ hɔt'e,” Zezi gòhdì.

19 Zezi hanì xàyałhtı t'à Israel got'ıı k'achı ełek'èè agıwq-le agejà. 20 Dq ıq hagedı, “İnıı wets'ò-èlı eyıts'q ezhıne whelı. Ayııha wets'eèhk'w'q ıı?” gedi.

21 Hanikò dq mòhdaa hagedı, “Dq ınıı wets'ò-èlı sı hanı gode ha nıle. Asıı ınıı, dqdaa k'aat'ıı ayehı?” gedi.

Israel got'ıı gıgha ehkw'ı-ahodı-le

22 Gøk'òo-zaà k'e Jerusalem ekq Nòhtsıkq-gocho gha dzèdeè hołè. 23 Zezi Nòhtsıkq-gocho gà k'etłò, Solomon wets'q sagòhı-k'è ekq k'etłò. 24 Israel got'ıı gha k'aodèe gımqò nıde, hagiıhdı, “Dàwhaa nek'eenats'eèhı ha? Christ wets'edu eyı anet'e nıde, gots'ò ehkw'ı haıdı,” giıhdı.

25 Zezi gots'ò hadı, “Hanaxèehsı ıle hanikò naxıgha ehkw'ı aehsı-le. Setà wedahxà enıyah eghàlaehdaa sı eyı weghàa sek'èahsq ha ıle.

26 Hanikò sesahzòq aaht'e-le t'à, naxıgha ehkw'ı-ahodı-le. 27 Sesahzòq agıt'ee sı gıts'ò gohde nıde segeèhk'w'q, gık'èehsq eyıts'q sek'èè k'egedè.

28 Welq whıle ts'ò geedaà agehıe ha, ełààgede hoıı ha-le. Dq wıızı seghq nıgoòwa ha nıle. 29 Setà hazòq t'à gonahk'e eıı sı, seghàgòqıa hqt'e. Dq wıızı Setà ghq nıgoòwa ha nıle. 30 Sı eyıts'q Setà sı ıle zq lawııt'e,” Zezi gòhdı.

31 Israel got'ıı gha k'aodèe nàgeehshı ha gıwq t'à, k'achı kwe negıwa. 32 Hanikò Zezi gots'ò hadı, “Setà wedahxà enıyah deè ıq naxıdaà eghàlaıhdà hqt'e, enıyah dàhòt'ıı k'èxa kwe t'à ełààsèahwhı ha dahwhq?” gòhdı.

33 K'aodèe hagedı, “Enıyah hòwhehtsı k'èxa ełàànets'èhwhı ha nıle, hanikò Nòhtsı k'èch'a

xàyaneh̄tì k'èxa kwe t'à ełàànets'èhwhì ha. Nì ekì dọ anet'e kò Nòhtsì aht'e, edjìdì,” gùhdì.

³⁴ Zezì gots'ò hadì, “Nòhtsì Njhtf'è k'e dũ hanì dek'eèhtf'è, 'Naxì sù nòhtsì laaht'e,' dek'eèhtf'è.

³⁵ Nòhtsì Njhtf'è dàdũ sù wek'èch'a gots'ede ha dũ họt'e wek'èts'eezọ. Dọ Nòhtsì yatũ gits'ọ ajàa sù Nòhtsì ededì 'nòhtsì,' gòhdũ goızı njdè, ³⁶ Setà edegha dọ jhchì eyits'ọ dũ nèk'e ts'ọ ayjìlàa sù, dànì yızı ha dahwhọ? Eyit'à 'Nòhtsì Weza aht'e,' dehsì njdè dànìghọ Nòhtsì k'èch'a gohde sèahdì?

³⁷ Setà xèht'eè eghàlaehda-le njdè ehkw'ì aehsì seahwhọ-le. ³⁸ Hanikò Setà xèht'eè eghàlaehda njdè, naxìgha ehkw'ì aehsì-le kò eniyyah ghàlaehdaa sù eyi weghàà naxìgha ehkw'ì-ahodì welè. Hanìjdè, Setà sexè at'ì eyits'ọ sù Setà xè aht'ũ sù, eyi wek'èahsọ xè weniahdì ha,” Zezì gòhdì. ³⁹ K'aodèe k'achì dageechi ha hogeèhdzà, hanikò gotf'aetla.

⁴⁰ Eyì t'axọẹ Zezì ek'èt'à Jordan deh nızàa ts'ọ anajà. John-Baptist edjì dọ k'ètaidzọ jlèe sù ts'ọ ajà. Zezì ekọ wheda ekò ⁴¹ dọ lọ gits'òède. Hagedì, “John-Baptist eniyyah hòèhtsì-le, hanikò dũ dọ ghọ dàdì jlèe sù hazọẹ ehkw'ì họt'e nọẹ,” gedì. ⁴² Eyì nèk'e dọ lọ Zezì ehkw'ì adì gũwọẹ agejà.

11

Lazarus ełajwo

¹ Dọ jlè Lazarus wiyeh kọta Bethany nàdè. Eyì dọ sù eyaelì. Weba nàke eyì kọta nàgedè. Jhè Mary wiyeh eyits'ọ jlè Martha wiyeh. ² (Jlèa Mary yik'eetf'òo Zezì wekè k'e ayjìlà gà edekwìghà t'à yedjìtso jlè. Eyì wechì Lazarus dũ eyaelì.)

³ Eyit'à weba Zezi danatigũrɔ, “K'àowo, neàgĩa weghoneètɔ sù eyaeli,” gũhdi.

⁴ Zezi yeghɔ iikw'o ekò hadi, “Eyi tàda t'à ełàawı ha niile, hanikò eyi ts'ihzò Nòhtsi weghàsɔhoedi ha eyits'ɔ Nòhtsi Weza sı weghàsɔhoedi ha hɔt'e,” gòhdi. ⁵ Zezi Martha, Mary eyits'ɔ Lazarus goghoneètɔ hɔt'e. ⁶ Hanikò Lazarus eyaeli yeghɔ iikw'o ekò nàke dzeɛ ts'ò edji whedaa sù ekò ɔdà.

⁷ Eyi t'axɔ̀̀ edecheekeè ts'ò hadi, “Judea nek'e ts'ò anats'ide,” gòhdi.

⁸ Wecheekeè gits'ò hadi, “Gots'ò K'àowo, dii whaà-lea Judea nek'e gots'ɔ k'aodèe kwe t'à ełàanegihwhi ha gũwɔ ɔlè, hanikò ɔlè ekò naɔtla ha neewɔ ni?” gũhdi.

⁹ Zezi gots'ò hadi, “Hoònɔ-daats'ò-nàke sadzeè gots'ò dzeɛ agòht'e sɔnaà? Dɔ dzeɛ k'etlo niɔdè daèkw'i ha niile. Dzeɛ t'à wegħa xègaat'i hɔt'e. ¹⁰ Hanikò to k'etlo niɔdè daèkw'i ha, wexè dzeɛ while t'à,” Zezi gòhdi.

¹¹ Eyi t'axɔ̀̀ Zezi hadi, “Goàgĩa Lazarus dètɔ hɔt'e, hanikò ts'ewèehwhi ha,” gòhdi.

¹² Eyit'à wecheekeè hagedi, “Gots'ò K'àowo, Lazarus whetɔ niɔdè k'aat'ii ade ha ne,” gũhdi.

¹³ Zezi Lazarus eławo dii-adi, hanikò wecheekeè eki whetɔ hɔt'e dii-adi gũwɔ ɔlè.

¹⁴ Eyit'à Zezi ehkw'i gots'ò hadi, “Lazarus eławo hɔt'e. ¹⁵ Naxigha sinà wegà whihda-le ɔlè. Hanì-ɔdè ehkw'i adi seahwhɔ ha. Hòt'a wets'ò ts'ide,” gòhdi.

¹⁶ Thomas (Ełèchɔkèa wiyeh) Zezi wecheekeè ts'ò hadi, “Zezi wexè ełàats'ide nɔ̀̀ t'à wek'ets'ide,” gòhdi.

Zezi Lazarus weba gots'ò gode

¹⁷ Zezi kòta Bethany gà nɔwà-lea nìttla ekò hòt'a dɪ dzɛ̀ɛ̀ ts'ò Lazarus wekw'òò nègùtò ɲlè yeghò ɲkw'o. ¹⁸ Kòta Jerusalem gots'ò kòta Bethany ts'ò nàke echɪ hɔt'e. ¹⁹ Eyit'à dɔ ɲò Mary eyits'ò Martha ts'àgede. Gichɪ ɛ̀ɲɔwò t'à gogà geèkw'e. ²⁰ Martha Zezi naetle yeghò ɲkw'o ekò yenìhdòò èhtla. Hanikò Mary edekò wheda.

²¹ Martha Zezi ts'ò hadɪ, “K'àowo, ɲò needà ɲɪdè sechɪ ɛ̀ɲàwɪ ha-le ɲlè. ²² Hanikò dɪ kò Nòhtsɪ wɲkè ɲɪdè nìkw'o ha, wek'èehsò,” Martha yèhdi.

²³ Zezi yets'ò hadɪ, “Nechɪ nàidà ha hɔt'e,” yèhdi.

²⁴ Martha hadɪ, “Hɛ̀ɛ̀ɛ̀, ɲòɔde dzɛ̀ɛ̀ k'e ɲɪdè nàidà ha, wek'èehsò,” yèhdi.

²⁵ Zezi yets'ò hadɪ, “Sɪ set'à dɔ nàidà xè eda hɔt'e. Amì ehkw'ɪ adɪ sɲhwhòò sɪ, ɛ̀ɲàwɪ kò, eda ha. ²⁶ Eyits'ò amì ɲlè eda xè ehkw'ɪ adɪ sɲhwhòò sɪ ɛ̀ɲàwɪ hòɲɲ ha-le. Eyɪ asɲì negha ehkw'ɪ-ahodi?” Zezi yèhdi.

²⁷ Martha hadɪ, “Hɛ̀ɛ̀ɛ̀, ɲɪ sɪ Chrɪst, Nòhtsɪ Weza dɪ nèk'e ts'ò ade ha sɪ eyɪ anet'e. Eyɪ segha ehkw'ɪ-ahodi hɔt'e,” Martha yèhdi.

²⁸ Hadɪ tɪ'axòò ek'èt'à naèhtla gà ededè ts'ò gode. Whatsò yets'ò hadɪ, “Gots'ò K'àowo nìttla, nets'ò gode ha ɲwò,” ededè èhdi. ²⁹ Hadɪ t'à ekòet'ɲ Mary nìttla gà ɲwhàà Zezi ts'ò èhtla. ³⁰ Zezi ɲlè eyɪ kòta ts'ò nìttla-le; edɲ Martha yenìhdòò èhtla sɪ ɲlè eyɪ wheda. ³¹ Dɔ gɪgà geèkw'ee sɪ Mary ɲwhàà xàèhtla gɪazɪ t'à gɪk'èè xàgèede. Wechɪ wekw'òò whetòò gà etse ha at'ɲ gɲwò ɲlè.

³² Mary, Zezi edɲ whedaa sɪ eyɪ nìttla. Zezi eɲ ts'òet'ɲ yets'ò nàgòɲhgè, hadɪ, “Sets'ò K'àowo, ɲò needà ɲɪdè sechɪ ɛ̀ɲàwɪ ha-le ɲlè,” yèhdi.

³³ Mary etse, dọ gixè at'ì sị getse. Zezì goazì ekò wedzeè nàèhdọ t'à wegħa dīì agòjà. ³⁴ Dagoehke, “Edjì nèweahṭì?” gòhdi. Hagedì, “Gots'ò K'àowo, gok'èatle gà wegħàida,” gūhdi.

³⁵ Zezì goghọ ɿtsè.

³⁶ Eyit'à dọ hagedì, “Sì yegħoneètọ ɿlè nọ̀,” gedì.

³⁷ Hanikò dọ mọhdaa hagedì, “Dọ gidaà goilee k'egeet'ì agòḡlà, sọnaà? Lazarus ełàawì-le ayele ha ɿlè,” gedì.

Zezì Lazarus naidà ayìl̀à

³⁸ Zezì k'achì wegħa dīì agòjà. Dọkw'òḡ whetḡḡ ts'ò èhtla. Kwe yì dọkw'òḡ whetḡḡ k'è kwe nechaa eninìḡḡ. ³⁹ Zezì dọ ts'ò hadì, “Kwe ɿḡḡ aahle,” gòhdi.

Martha, Lazarus weba, yets'ò hadì, “K'àowo, wekw'òḡ nìḡ ts'ò dì dzeḡ agòjà t'à goyì goma ha sọnì,” yèhdi.

⁴⁰ Zezì yets'ò hadì, “Negħa ehkw'ì-ahodì nḡdè Nḡhtsì enìyah t'à nàtsoo eɿ sì neḡ anehle ha, nèhsì ɿlè,” yèhdi.

⁴¹ Dọ kwe ɿḡḡ agūl̀à. Zezì ɿḡḡ k'et'ì, hadì, “Setà, sḡḡkw'ò t'à masì neehwhḡ. ⁴² T'aats'òḡ sḡḡkw'ò ne wek'èehsḡ, hanikò dū haehsì sì dọ gīgha aehsì. Hanì-ɿdè dū nèk'e ts'ò seneehzaa sì gīgha ehkw'ì-ahodì ha,” hadì yaḡḡḡ.

⁴³ Zezì hadì t'axḡḡ hòt'ò whezeh, “Lazarus, xàḡḡ!” hadì. ⁴⁴ Lazarus kwe yì wekw'òḡ whetḡḡ gots'ò xàèhtla. Wìl̀à eyits'ò wekè eht'ì t'à wexèhchì eyits'ò wekwì sì eht'ì wemoèhdo.

Zezì dọ ts'ò hadì, “Eht'ì wek'e nàahwha gà yeyì xàetla aweahle,” gòhdi.

Zezi ełàgùhwhi ha snìhogià

⁴⁵ Dọ ọ Mary gà geèkw'ee sù Zezi ayì dáyìlà gıazı t'á, gıgha ehkw'ı-ahodì agejà. ⁴⁶ Hanìkò dọ mọhdaa Pharisee gıllı ts'ò geède, Zezi ayì eghàlaidàa sù gots'ò hagedı. ⁴⁷ Eyıt'á yahtı-gha-k'aodèe eyıts'ò Pharisee gıllı sù elegeèhdì gha Israel got'ı gha k'aodèe hazòò gokayagıhtı, hagedı, “Eyı dọ enıyah ọ hohtı, eyıt'á ayì dāwets'ele ha? ⁴⁸ Nāwets'eɔq-le nıdè dọ hazòò ehkw'ı adı gıwòò agede ha. Hanı-ıdè Rome dèe-ts'ò-k'aodèe gıllı sù kòta Jerusalem eyıts'ò gonèè hazòò goghò gıhchı ha,” gedı.

⁴⁹ Dọ ı̀lè Caiaphas wıyeh eyı xo k'e yahtı-wet'áazàa-deè elı, dı hadı xàyahtı, “T'ası wızı k'èahsò nıle! ⁵⁰ Dọ ı̀lè dọ hazòò gha ełàawı nıdè gòet'ı hazòò gıdihòlè nahk'e nezı họt'e. Hanìkò eyı wek'èhoahsò nıle,” gòhdı.

⁵¹ Hadı xàyahtı sù ededahxà adı nıle, hanìkò eyı xo k'e yahtı-wet'áazàa-deè elı t'á Zezi ghò nadàà gòıde, Zezi Israel got'ı gha ełàawı ha, hadı xàyahtı. ⁵² Israel got'ı zòò-le, hanìkò Nòhtı Weza hazòò dı nèk'e ehkègııdee sù gogha ełàawı ha họt'e. Elènaoowa xè dọ ı̀lè gıllı agole ha. ⁵³ Eyıt'á eyı dzèè gots'ò k'aodèe elegeèhdı sù dọ naàhtò Zezi ełàgùhwhi ha k'ehogeza.

⁵⁴ Eyı ts'ıhò Zezi Israel got'ı gonı k'etlò-le ajà, hanìkò ekı-ka nèk'e gà nıwà-lea kòta Efrayım gòyeh ts'ò ajà. Ekò whatsòò edecheekè xè aıt'è.

⁵⁵ Israel got'ı gıts'ò dzèdè Passover ts'ò hawe ekò, hazòò gınèe gots'ò Israel got'ı ọ dzèdè kwe Moses wenàowoò k'èè edexè sùgogele ha t'á kòta Jerusalem ts'ò agejà. ⁵⁶ Jerusalem ekò dọ

lọ Zezi hak'egeet'ì. Nòhtsìkò-gocho gà nàgeèhza ekò dalegeehke, hagedi, “Asìì nàsìdeè nàtlà ha sòní?” elègeedi. ⁵⁷ Hanìkò yahtù-gha-k'aodèe eyìts'ọ Pharisee gùlù sù dọ ts'ọ dú hagedi ìlè, “Zezi edù wheda dọ gìk'èezọ nùdè k'aodèe ts'ọ hagedi ha,” gedi. Zezi dageechi ha gùwọ t'à, agedi.

12

Ts'èko Zezi k'e yìk'èet'òo ayìlà

¹ Dzèdeè Passover wexèhoiwì kwe ek'ètaì dzèè k'e Zezi kòta Bethany nùtlà. Ekọ Lazarus nàdè, eyì dọ Zezi nàidà ayìlà ìlè. ² Zezi goghọ nùtlà t'à wegħa nàsìlọ gèhtsì. Martha gotaàzèedi eyìts'ọ Lazarus dọ xè Zezi gà shètì. ³ Mary yìk'èet'òo dètì nìyùxè; Zezi wekè k'e nałayeèdo gà edekwìghà t'à yekè dezeedi. Eyì kọ goyì hazọọ ts'ọ yìk'èet'òo lèkọọ lèdi ajà.

⁴ Hanìkò wecheekè ìlè Zhìdàà-Isariyot wiyeh, k'aodèe gotl'aàyehtè ha sù, yegħọ sọadi, hadì, ⁵ “Dànìghọ eyì yìk'èet'òo wegħọ nàèdi-le? Wesọọmbaà dọ-teèt'ù ghàgele ha ìlè, ìlè xo eghàlats'ùdà xètìlọ họt'e,” hadì. ⁶ Eyì hadì sù dọ-teèt'ù ghọneètọ t'à adì nùle, hanìkò eezi-dọ elì t'à, hadì. Ededì sọọmbawò-k'èdì elì, eyìts'ọ ìhk'è edegħa sọọmba ìhchì ìlè.

⁷ Zezi yet'sọ hadì, “Whatsọ awet'ì! Dú yìk'èet'òo sù sekw'ọ nìtù dzèè għa yek'èdì họt'e. Hanì hòzọ ha t'à at'ì. ⁸ Dọ-teèt'ù sù t'aats'ọ naxìxè geeda ha họt'e, hanìkò sù sù t'aats'ọ naxita whìhda ha nùle,” yèhì.

⁹ Ekìnyè k'e Zezi eyì wheda ghọ egùkw'o t'à, Israel got'ù lọ eyì nègùde. Zezi gezi zọ għa aget'ì nùle,

hanikò Lazarus naidà ayìl̀l̀àa sɪ geʒì gha aget'ɪ.
 10-11 Lazarus wets'ihʒò Israel got'ɪ̀ l̀ò Zezì ehkw'ɪ
 adɪ gɪwòqò agejà xè Zezì ts'ò ɪatageède. Eyit'à yahtu-
 gha-k'aodèe sɪ Lazarus sɪ eɪààgɪhwɪ ha eɪexè yatɪ
 gèhtsɪ.

Zezi tɪtsoa k'e Jerusalem nùtla

12 Ek'èdaedzè k'e dɔ l̀ò gɪxè dzèdèe holè gha
 Jerusalem nègɪde. Zezì ekò ts'ò etlè ghò gɪkw'o.

13 ʒorɪ k'egele xè gɪnhdòqò geède. Yagìzeh xè hagedɪ,
 “Hosanna! Gots'ò K'àowo wedaxà nùtlaa sɪ wexè
 sìghà welè!”

“Israel got'ɪ̀ gha K'àowocho wexè sìghà hɔt'e,” gedɪ
 yagìzeh.

14 Zezì tɪtsoaza nùchì gà yek'e wheda, dɪ hani
 weghò dek'eèht'è k'èè,

15 “Zion got'ɪ̀ dahjɪ-le. K'eaht'ɪ̀, naxɪts'ò k'àowocho
 naetlè, tɪtsoaza k'e dawheda,” dek'eèht'è.

16 Wecheekè t'akwe t'à eyɪ hazòqò gɪniedì-le.
 Zezì ɪdòo newùtɪ t'axòqò eyɪ yatɪ hani weghò
 dek'eèht'èe sɪ k'òqòt'a gɪk'èhoèhzà, eyɪts'ò dɪ dani
 dɔ gɪts'ò k'ehozaa sɪ eyɪ sɪ gɪk'èhoèhzà.

17 Zezì, Lazarus kwe-yɪ wekw'òqò whetqò gots'ò
 “xàitlè,” yèhdɪ t'à naidà ayìl̀l̀à ekò dɔ l̀ò Zezì
 xè aget'ɪ ɪlè, eyit'à eyɪ godɪ t'à dɔ xè gogedo.

18 Zezì hani enɪyah hòèhtsɪ ghò egɪkw'o t'à dɔ
 l̀ò Zezì nihdòqò geède. 19 Eyit'à Pharisee gɪlɪ sɪ
 eɪets'ò hagedɪ, “Weghàahda, dɔ hazòqò gɪts'ò ɪèhza!
 Hagot'ɪ̀ nɪdè goxè nezɪ agode ha agot'ɪ̀ nùlè,” gedɪ.

Zezi eɪààgɪhwɪ ha ghò gode

20 Ekɪyèe k'e Greece got'ɪ̀ dzèdèe k'e Nòhtsɪ ts'ò
 yagehtɪ ha, dɔ hazòqò xè Jerusalem nègɪde ɪlè.

21 Eyi Greece got'ɔ̀, Zezi wecheekeè Philip ts'ò geède. (Philip, Galilee nèk'e kòta Bethsaida gots'ò họt'e.) “Zezi wets'ezi ha ts'ɔ̀wọ̀,” giɔ̀hɔ̀. 22 Philip, Andrew ts'ò hadi t'axọ̀, ɔ̀lah Zezi ts'ò hagedi.

23 Zezi hagòhɔ̀, “Hòt'a Dọ-wet'àazàa-deè wexè eniayah nàhòwo ha nìkw'o. 24 Ehkw'i anaxèehsi, jìe dèè k'e nàekw'o xè ɛ̀lɔ̀wì lenq̄sɔ̀ ɔ̀lɔ̀ jìe ɔ̀lè zọ ɛ̀l họt'e. Hanikò ɛ̀lɔ̀wì nɔ̀dè wets'ò jìe ɔ̀ naeshe ha. 25 Dọ edini k'èè eda ha nɔ̀wọ̀ sɔ̀ wediholè ha, ekò dɔ̀ nèk'e dọ edini k'èè eda ha nɔ̀wọ̀-le sɔ̀ welọ̀ whìle ts'ò eda ha. 26 Amì segha eghàlaeda ha nɔ̀wọ̀ sɔ̀ sek'è-eetla ha họt'e; edɔ̀ whihdaa sɔ̀ secheekeè ededɔ̀ sɔ̀ ekọ̀ wheda ha. Dọ segha eghàlaedaa sɔ̀ Setà yets'ò nezɔ̀ eghàlaeda ha họt'e.

27 “Dì sedzeè t'à segha dì; dàehsi lɔ̀? ‘Setà eyi sadzeè k'e dàɔ̀hɔ̀ ha sɔ̀ ch'à edaxàsɔ̀htè,’ dehsɔ̀ ha nì? ɔ̀le, sexè dàgode ha sɔ̀ hoti eyi gha jọ ahjà họt'e. 28 Setà, nɔ̀zi weghàsq̄hoedi anele!”

Hadi t'axọ̀ yak'e gots'ò dɔ̀ hats'edi họt'e, “Sɔ̀zi hòt'a weghàsq̄hoedi ahla, eyits'ò k'achɔ̀ hanahle ha,” wets'ò hats'edi họt'e. 29 Dọ ɔ̀ eyi ɛ̀lèwhedee sɔ̀ hagodi egikw'o. Mòhdaa hagedi, “Eezhi lagodi,” eyits'ò mòhdaa, “Yak'eet'ɔ̀ yets'ò goɔ̀de,” gedi.

30 Zezi hadi, “Dɔ̀ hagodɔ̀ sɔ̀ sɔ̀ segha agodi nɔ̀le, naxɔ̀gha agodi họt'e. 31 Hòt'a dọ hazọ̀ gɔ̀sɔ̀niyaeti ha nìkw'o; hòt'a dɔ̀ nèk'e k'àowo ɛ̀lɔ̀ sɔ̀ xàwedeezhi ha. 32 Ekò sɔ̀ sɔ̀ dɔ̀ nèk'e gots'ò ɔ̀dò asiɔ̀dlà nɔ̀dè dọ hazọ̀ sets'ò agehle ha,” Zezi gòhɔ̀. 33 Dàni ɛ̀lɔ̀wì ha sɔ̀ dọ yek'èezọ̀ ha nɔ̀wọ̀ t'à, adɔ̀.

34 Dọ ɔ̀ dageehke xè hagedi, “Nòhtsi Nɔ̀ht'è k'e dɔ̀ hanì dek'eèht'è ne, ‘Christ wets'edi sɔ̀ welọ̀ whìle ts'ò goxè eda ha,’ dek'eèht'è. Eyi t'à danihq̄

du haɪdi, 'Dɔ-wet'aaʔaa-dee ɪdoo awedle ha'? Du 'Dɔ-wet'aaʔaa-dee' si amɪ awɪdi?" giɪdi.

³⁵ Zezi edegho gots'ɔ hadi, "ɪlaa whaa-lea gots'ɔ dzeh naxixe wheʔo ha. To agode kwe, ɪlaa naxixe dzeh et'ɪ k'eahde. Dɔ togoɔt'ɔ k'edaa si edɪ ts'ɔ at'ɪ si yek'eeʔo niile. ³⁶ ɪlaa dzeh naxixe wheʔo et'ɪ weni k'eahde xe ehkw'ɪ-ahodi dahwhɔ, hanɪ-ɪde naxixe dzeh agɔht'e ha," Zezi hadi t'axɔɔ whatsoɔ goʔo ts'ɔ naehtla.

Israel got'ɪ ɪlaa gɪgha ehkw'ɪ-ahodi-le

³⁷ Zezi hanɪ enɪyah ɪ godaa eghalaɪda ko, ɪlaa gɪgha ehkw'ɪ-ahodi-le. ³⁸ Eyɪ si nakwenaoʔo Isaiah weyatɪ k'ee agode ha t'a agɔja, du hadi ɪle,

"Sets'ɔ K'aowo, amɪ goyatɪ wegħa ehkw'ɪ-ahodi, eyts'ɔ enɪyah whenehtsɪ si amɪ yenedɪ awɪdlɔ?" Isaiah hadi ɪle.

³⁹ Gɪgha ehkw'ɪ-ahodi ha di. Isaiah edenɪht'ɪ k'e du hanɪ enɪt'ɪ:

⁴⁰ "Gɪdaa goile agɔɔla, eyts'ɔ gni while agɔɔla. Eyɪt'a ededa t'a k'eeget'ɪ-le eyts'ɔ ededze t'a t'asi niqeedi-le. K'aat'ɪ agehɪ ha sets'ɔ agede ha gɪwɔ-le," Isaiah hadi dek'eht'ɪ.

⁴¹ Isaiah, Zezi wexe enɪyah agode ha nadaɔ yaɪ t'a hanɪ yegho goɪde ɪle.

⁴² Israel got'ɪ għa k'aode gɪgha ehkw'ɪ-ahodi-le, hanɪko dɔ ɪ goxe aget'ɪ si ehkw'ɪ adi giɪwhɔ. Hanɪko Pharisee giɪ si gots'ageeji. Eɪgehde-kɔ gots'ɔ xagogehʔa ha sɔni giɪwɔ t'a Zezi gɪgha ehkw'ɪ adi si t'a dɔ xe gogedo-le. ⁴³ Nɔhtsɪ goghɔ nezɪ adi nahk'e dɔ goghɔ nezɪ agedɪ si gɪgha nezɪ.

⁴⁴ Zezi dɔ ni ts'ɔ hɔt'ɔ du hadi, "Dɔ wegħa ehkw'ɪ aehsɪ si sɪ zɔ wegħa ehkw'ɪ aehsɪ niile,

amì sùhʒàa sù, ededı sı, yegha ehkw'ı adı họt'e.
⁴⁵ Sı seghàeda nıdè, amì sùhʒàa sù weghàeda họt'e.
⁴⁶ Dzeḡ lanı dı nèk'e ts'ò ahjà, amì wegħa ehkw'ı
 aehsı sù wexè togoòt'ò ha nùle.

⁴⁷ “Dọ seyatiı iıkw'o, hanikò yek'èè eda-le sù
 sı wesınıyahtı ha nùle. Dọ sınıyahtı ha dı nèk'e
 ts'ò ahjà nùle, dọ edaxàgehle għa ahjà. ⁴⁸ Dọ
 segıhwhọ-le xè seyatiı gıgha ehkw'ı-ahodı-le sù
 gıgha dọ sınıyahtı gòhı họt'e. Yati nezı t'à goihdee
 sı wede agıllà t'à, nõode dzeè k'e nıdè hoıla agedle
 ha. ⁴⁹ Sı ededahxà gohde nùle, Setà sùhʒàa sù ayı
 dàehsı ha sù sets'ò hadı, eyıts'ò dani gohde ha sù
 sets'ò hadı. ⁵⁰ Edeyatiı goghàzọọ sù wet'à welọ
 whıle ts'ò ts'eedaà agole ha, wek'èehsọ họt'e. Eyıt'à
 ayı dàehsı sù hotı Setà daniwọọ sù k'èè gohde
 họt'e,” Zezi gòhı.

13

Zezi edecheekeè gokè k'enaehtso

¹ Dzeḡdeè Passover wets'ò hawe. Zezi, hòt'a
 whaà-le dı nèk'e gots'ò naetla ha eyıts'ò Edetà ts'ò
 anade ha yek'èezọ. Xàè wets'ò dọ dı nèk'e dọta
 nàgedèè sù goghoneètọ, dani hòt'ò goghoneètọ sù
 gık'èezọ agole ha.

² Xèhts'ò shègezhe ha kw'à nègıla. Ekıyeè k'e
 wehı, Simon weza Zhıdàà-İscariyot, Zezi k'èch'a
 naniwoò ayıllà jlè, eyıt'à Zezi, k'aodèè got'aaeyhte
 ha nıwọ. ³ Zezi, Wetà t'ası hazọọ ts'ò k'àowo
 ayıllà, yek'èezọ. Nòhtsı gots'ò at'ı eyıts'ò Nòhtsı ts'ò
 anade ha edek'èezọ. ⁴ Zezi ladà gots'ò nıttla, edezeè
 yı xàetla gà lısimı t'à edenı xèwhezhà. ⁵ Hayıllà

t'axòò dat'ehkw'à yì tì yùdo gà edecheekeè gokè k'enahtso. Wek'e lísìmì wnehchì t'à gokè dütso.

⁶ Simon-Peter gà nùt'la là Simon-Peter yets'ò hadì, “Sets'ò K'àowo ayìha sekè k'enahtse ha anet'ì?” yèhdi.

⁷ Zezi yets'ò hadì, “Ayì dàht'ù-aht'ù sù dì wenuḍì nùle, hanìkò nòḍde nḍè wenuḍì ha,” Zezi yèhdi.

⁸ “Ìle! Nì sekè k'enahtse ha nùle,” Peter yèhdi.

Zezi hayèhdi, “Nekè k'enahtse lenḡsù sexè anet'ì ha dì,” yèhdi.

⁹ Eyit'à Simon-Peter hadì, “Hanì-ḍè sekè zò anele-le, silà eyits'ò sekwì sì anele,” yèhdi.

¹⁰ Zezi hadì, “Dò wek'enaatsoo sù tsò wùzì wek'e whezò nùle, edekè zò k'enahtso nḍè hòt'a. Naxì sù naxìk'enaatso hòt'e, hanìkò dò ḡè naxìta whedaa sù hanì-le,” Zezi gòhdi. ¹¹ Amì k'aodè t'àyèhtè ha sù yek'èezò t'à, dū hadì, “Naxìk'enaatso hòt'e, hanìkò dò ḡè naxìta whedaa sù hanì-le,” gòhdi.

¹² Edecheekeè gokè k'enahtso t'axòò edezeè yì naat'la gà ladà gà edet'axòò nòḡt'la. “Ayì naxìgha dàh'laa sù aḡì weni'ahdì?” gòhdi dagoehke. ¹³ “K'àowo' sèahdì sù ehkw'ì aahdì hòt'e, naxìts'ò K'àowo aht'e ne t'à. ¹⁴ Sù naxìts'ò K'àowo aht'ee sù naxìkè k'enahtso k'èè naxì sì e'èkè k'enahtse ha hòt'e. ¹⁵ Hanì naxìghàl'ahdàa sù wek'èè eghàlaahda ha, naxì sù weghàa haht'ì ha naxìdàa hah'la hòt'e. ¹⁶ Ehkw'ì anaxèehsì, dò wùzì edets'ò k'àowo nahk'e e'ì nùle, eyits'ò dò godì k'e'zaa sù amì yùh'zaa sù nahk'e e'ì nùle. ¹⁷ Hòt'a eyì hazòò wek'èahsò ne

t'à wek'èè eghàlaahdà nɔ̀dè naxìxè sìghà ha hɔ̀t'e," gòhdi.

Zezi k'aodèe t'aàwìtè ha ghò gode

¹⁸ Zezi hadi, "Ami wiihchii si gik'èehsɔ hɔ̀t'e, hanikò hazòò anaxèehsɔ niile. Du hanì dek'eèht'èè si wek'èè agode ha: 'Dò sexè shètɔ̀ si sek'èch'a eghàlaeda ha nìkw'o,' dek'eèht'èè.

¹⁹ "Eyì hagode kwe si dù-t'ii naxits'ò haehsɔ hɔ̀t'e. Eyì nèhòwo nɔ̀dè ami aht'e dehsɔ̀ si naxigha ehkw'i-ahodi ha hɔ̀t'e. ²⁰ Ehkw'i anaxèehsɔ, ami wehzaa si dò yets'ò nezɔ̀ aniwò nɔ̀dè sɔ̀ sets'ò nezɔ̀ aniwò hɔ̀t'e. Eyits'ò dò sets'ò nezɔ̀ aniwò nɔ̀dè ami sɔ̀hzaa si ts'ò nezɔ̀ aniwò hɔ̀t'e," gòhdi.

²¹ Zezi eyì hadi t'axòò, weggha dù agòjà t'à hadi, "Ehkw'i anaxèehsɔ, dò ìlè naxita whedaa si k'aodèe t'aàsìhtè ha hɔ̀t'e," gòhdi.

²² Wecheekeè ami ayèhdi sɔ̀ni gɔ̀wò t'à ełeghàgeda. ²³ Wecheekeè ìlè, Zezi yeghòneetòò si yegà ladà k'e shètɔ̀. ²⁴ Simon-Peter eyì wecheekeè ts'ò nàzeetsɔ̀, hayèhdi, "Ami ayèhdu si dawɔ̀hke," yèhdi.

²⁵ Eyì wecheekeè si Zezi gà nìdajhè, "Sets'ò K'òowo, ami awiidi?" yèhdi.

²⁶ Zezi yets'ò hadi, "Du lèt'è tɔ̀wo ta ahla gà eyì dò weghàehchii si eyì hɔ̀t'e." Hadì t'axòò lèt'è kw'àyɔ̀ yì tenahtso gà Simon weza Zhidàà-Isariyot ghàyeèchì. ²⁷ Zhidàà lèt'è niichì ts'òet'ii wehɔ̀ yets'ò ajà.

Zezi hayèhdi, "Ayì dàale ha si ɔ̀whàà haale," yèhdi. ²⁸ Hanikò dò eyì shègezhee si dànighò Zezi Zhidàà ts'ò hadi si gɔ̀niedì-le. ²⁹ Zhidàà sòmbawò-k'èdì elì ne t'à dò mòhdaa nàsɔ̀ gha

t'asii nàihdi Zezi yèhdii-adi giwɔ, hanì-le-ɪdè sɔ̀m̄ba dɔ-teèt'ɪ ghàɪzà yèhdii-adi giwɔ. ³⁰ Zhidàà lèt'è niichì t'axɔ̀ xàèhtla; hòt'a to agòjà ɪlè.

Peter Zezi k'èzɔ-le hadi ha

³¹ Zhidàà xàèhtla t'axɔ̀, Zezi hadi, “Dii hòt'a Dɔ-wet'aaɪàa-deè weghàsɔ̀hoedi awedle ha, wets'ihzɔ̀ Nòhtsɪ sɪ weghàsɔ̀hoedi ha. ³² Dɔ-wet'aaɪàa-deè wet'à Nòhtsɪ weghàsɔ̀hoedi nɪdè, Nòhtsɪ ededɪ edet'à Weza weghàsɔ̀hoedi ayele ha, ekòet'ii hayele ha.

³³ “Secheekeè, ɪlaà whaà-lea gots'ò naxixè whihda ha. Sekak'eaht'ɪ ha, k'aodèe gits'ò haehsɪ ɪlè xèht'èè dii naxits'ò haehsɪ ha. Edɪ ts'ò aht'ɪ sɪ sek'èè aahde ha dii.

³⁴ “Dii nàowo gòò naxighàehzà: Ełeghɔ̀niahtɔ̀. Naxighɔ̀neehtɔ̀ lanu ełeghɔ̀niahtɔ̀. ³⁵ Ełeghɔ̀niahtɔ̀ nɪdè, eyɪ weghàà dɔ hazɔ̀ secheekeè aah't'e naxik'ègeezɔ̀ ha,” Zezi gòhdi.

³⁶ Simon-Peter dayeehke, “Sets'ò K'àowo, edɪ ts'ò aade ha?”

Zezi hayèhdi, “Edɪ ts'ò aht'ɪ sɪ dii sek'èahde ha dii, hanikò nɔ̀ɔde-ɪdè sek'èahde ha,” yèhdi.

³⁷ Peter k'achɪ dayeehke, “Sets'ò K'àowo, dànighɔ̀ dii nek'èehtla ha dii? Negha ełahwhɪ ha ts'atà whihda,” yèhdi.

³⁸ Zezi yets'ò hadi, “Hotii segha ełajwɪ ha ni? Ehkw'ɪ anèehsɪ, k'àba ezeh kwe taà-eh't'aa sek'èɪzɔ̀-le nɪdɪ ha hɔt'e!” yèhdi.

14

Zezi edecheekeè godagòzɔ̀ ayele ha

1 Zezì edecheekeè gots'ò hadì, “Naxìdzeè t'à naxìgha dìi welè sòò. Nòhtsì ghò naxìni nàtsoò aahlè, eyits'ò sì sì seghò naxìni nàtsoò aahlè. 2 Setà wekò gojchà hqt'e; hagòht'e-le nìdè naxìts'ò haehsì ha jìlè. Ekò naxìda gòzòò agohlè ha. 3 Ekò naxìda gòzòò ahlà nìdè naxìxàhtlà ha, eyits'ò sexèanaxehle ha. Hanì-ìdè edjì whìhdaa sù sexè aah't'e ha. 4 Edjì ts'ò aht'jì sù hok'èahsò hqt'e,” Zezì gòhdì.

Zezì Nòhtsì ts'ò goòzàa hqt'e

5 Thomas yets'ò hadì, “Sets'ò K'àowo, edjì ts'ò anet'jì sù wek'èts'eezò nùile, eyit'à edjì goòzàa sù dànì wek'èts'eezò lì?” yèhdì.

6 Zezì yets'ò hadì, “Sì sù sek'e gòzòzà aht'e, nàowo ehkw'jì aht'e, eyits'ò wet'à ts'eedaa aht'e. Dò wjìzì Setà ts'ò-etlà ha dìi, sì zò sek'e gòzòzà hqt'e. 7 Amì aht'ee sù hotù sek'èahsò nìdè Setà sì wek'èahsò hqt'e. Jò gots'ò jdaà Setà hotù wek'èahsò xè weahzì hqt'e,” Zezì gòhdì.

8 Philip hadì, “Sets'ò K'àowo, Netà weghàts'eedaà agònelà nìdè gogha hòt'a ha,” yèhdì.

9 Zezì hayèhdì, “Philip, whaà naxìxè aeht'jì, hanìkò jlaà sek'èjzò-le nì? Amì sazjì sù hòt'a Setà ghàjda hqt'e. Eyit'à dànìghò 'Netà weghàts'eedaà agojle,' sùjdi? 10 Setà xè jìlè zò aht'e, eyits'ò Setà sexè jìlè zò hqt'e, eyì naxìgha ehkw'ì-ahodì-le nì? Yatì t'à naxìts'ò gohdee sù xàè seyatì zò nùile. Setà sedzeè yì nàdèè sù ededjì edìlè ghàlaeda hqt'e. 11 Setà xè jìlè zò aht'e eyits'ò Setà sexè jìlè zò hqt'e dehsì nìdè ehkw'ì aehsì seahwhò. Naxìgha ehkw'ì-ahodì-le nìdè enìyah hòwhìhtsì sù eyì weghàà naxìgha ehkw'ì-ahodì welè. 12 Ehkw'ìanaxèehsì, dò wegha ehkw'ì aehsì sù ayì ghàlaehdaa sù ededjì sì

yeghàlaeda ha họt'e. Setà ts'ò anahde ha t'à eyi dọ denahk'e eniyyah hohtsı ha. ¹³ Eyits'ọ sızı t'à t'ası seahkè nıdè naxıgha hahle ha, hanı-ıdè Nöhtsı Weza Edetà ghàsghoedi ayele ha. ¹⁴ Sızı dahxà t'alàa-sı seahkè nıdè naxıgha hahle ha,” Zezi gòhdi.

Zezi Yedayeh Nezi edecheekeè ts'ò ayele ha

¹⁵ Zezi edecheekeè ts'ò hadı, “Seghonahtọ nıdè seyati k'èaht'e ha họt'e. ¹⁶ Setà naxıgha weehkè ha, setı'axqò naxıts'adı elı ha sı naxıts'ò ayele ha, welọ while ts'ò naxıts'ò-èlı ha. ¹⁷ Eyi sı Yedayeh Nezi họt'e, ehkw'ı naxıts'ò gode ha. Du nèk'e gots'ọ dọ hazqò Yedayeh Nezi gıhçı ha dii, gıghàeda-le eyits'ọ gık'èezq-le t'à. Hanıkò naxıxè eda eyits'ọ naxıdzeè yı nàdè t'à, naxı wek'èahsq họt'e. ¹⁸ Naxıts'òqò ahde ha t'à ts'ınake aah't'e ha niile; k'achı naxıts'ò anahde ha. ¹⁹ Hòt'a whaà-le-t'ıi du nèk'e dọ hazqò k'achı segezı ha-le, hanıkò naxı seahzı ha. Sı ehda t'à naxı sı aahda ha. ²⁰ Eyi dzeq k'e nıdè sı Setà wexè ıle zọ aht'e wek'èahsq ha; naxı sexè ıle zọ aah't'e eyits'ọ sı naxıxè ıle zọ aht'e wek'èahsq ha. ²¹ Amı seyati k'èezqò xè yek'èı't'ee sı eyi dọ seghoneètq họt'e. Amı seghoneètq sı Setà yeghoneètq ha họt'e. Sı sı weghoneehtq ha, eyits'ọ sezi awehle ha,” Zezi hadı edecheekeè gots'ò goıde.

²² Hadı t'à Zhıdàà (Zhıdàà-İscarıyot awèts'edi-le) hadı, “Sets'ò K'àowo, dànıghq goxı nets'ezi agoıle ha, hanıkò du nèk'e gots'ọ dọ negezı agııle ha-le?” yèhdi.

²³ Zezi yets'ò hadı, “Dọ seghoneètq nıdè seyati k'èı't'e ha. Setà yeghoneètq ha, wets'ò ats'ede ha, eyits'ọ wexè ats'ıt'e ha. ²⁴ Dọ seghoneètq-le sı

seyatù k'èit'e ha nùle. Dii yatù aàhkw'òò sù xàè seyatù nùle. Setà weyatù hòt'e, ededì jò ts'ò sùhà hòt'e.

²⁵ “Ilaà naxixè aht'ì ekò, eyì hazòò wek'ayawhìhtì jìlè. ²⁶ Hanikò Yedàyeh Nezi, naxits'àdù elì sù Setà sùzì dahxà naxits'ò ayele ha. Ededì sù t'asì hazòò hoghànaxeehtò ha, eyits'ò t'asì hazòò naxits'ò haehsù sù wenaahdi anaxele ha. ²⁷ Naxixè sìghà hòzò agohè ha. Sexè sìghà hòzòò sù naxìghàehzà ha. Dii nèk'e dànì dọ gixè hòzòò lanì naxìghàhoehzà ha-le. T'asì ghò nàniadhè-le eyits'ò dahjì-le.

²⁸ “Dii hanaxèehsì jìlè, ‘Naxits'òò ahde ha hanikò naxits'ò anahde ha,’ dehsì jìlè. Seghòniahtò nùdè Setà ts'ò anahde ghò naxinà ha hòt'e, Setà senahk'e elì t'à. ²⁹ Hagode kwe sù dii naxits'ò haehsì hòt'e, wek'èè agòjà nùdè naxìgha ehkw'ì-ahodi ha. ³⁰ Hòt'a dii nèè ts'ò k'àowo sù nùtla ha t'à, whaà-le-t'ì naxits'ò gohde-le agode ha. Sù sets'ò k'àowo nùle, ³¹ hanikò Setà weghòneehtò eyits'ò hotù weyatù k'èè eghàlaehdaa sù dii nèk'e dọ hazòò ginièdi agede ha hòt'e,” hadì t'axòò, “Hòt'èè nats'iidè,” edecheekèè gòhdi.

15

Ts'ì eyits'ò wekw'ìhchì

¹ “Sù sù ts'ì wedeèdlì aht'e, eyits'ò Setà, dèè-goehshee-k'èdì-dòò elì hòt'e. ² Ts'ì wekw'ìhchì k'e jìecho dehshe-le sù hazòò xàyeht'à hòt'e, hanikò wekw'ìhchì k'e jìecho dehshe sù yek'e xagot'à, hanì-ìdè jìecho denahk'e lò dehshe gha ayehzì. ³ Yatù naxìghàehzò t'à hòt'a degai anaxiìdlà. ⁴ Sexè

aahda nɪdè sɪ sɪ naxɪxè nàhdè ha. Kw'ihchɪ wɪzɪ ts'ɪ dɛ wʰatsɔ̀ wɛk'e jìecho dehshe ha dɪ. Ts'ɪ k'e kw'ihchɪ dehshe nɪdè zɔ, wɛk'e jìecho dehshe hɔt'e. Eyɪ xèht'eè naxɪ sɪ sedɛ aahda ha dɪ.

⁵ “Sɪ ts'ɪ laht'e, naxɪ kw'ihchɪ laaht'e. Dɔ sexè eda nɪdè wɛxè nàhdè ha. Kw'ihchɪ wɛk'e jìecho lɔ dehshe lanì eda ha. Sedɛ t'asɪ wɪzɪ haahle ha dɪ hɔt'e. ⁶ Dɔ sexè eda-le sɪ kw'ihchɪ xàgeht'à gà zògeehdè lanì hɔt'e. Kw'ihchɪ whɛgɔ sɪ hazò nàgehtsɪ gà kwɪgeehdè gà gɪk'eek'ò hɔt'e. ⁷ Sexè aahda xè seyati k'èahdì nɪdè Setà ayɪ weahkèè sɪ naxɪghàyezà ha. ⁸ Kw'ihchɪ wɛk'e jìecho lɔ dehshe laaht'e nɪdè Setà weghàsɔhoedɪ ha. Eyɪ weghàà secheekèè aah't'e naxɪk'èhoedzɔ ha.

⁹ “Setà seghɔneètɔ lanì naxɪghɔneehtɔ. Naxɪghɔneehtɔ t'à t'aats'ò sexè aah't'e. ¹⁰ Seyati k'èaht'e nɪdè sexè aah't'e ha eyɪts'ɔ t'aats'ò naxɪghɔneehtɔ ha. Sɪ sɪ Setà weyati k'èaht'e eyɪt'à t'aats'ò seghɔneètɔ hɔt'e. ¹¹ Eyɪ naxɪts'ò haehsɪ sɪ sets'ihzò naxɪnà gha aehsɪ, naxɪdzeè t'à sɪ naxɪnà welè. ¹² Dɪ nàowo naxɪghàehzɔ hɔt'e: Naxɪghɔneehtɔ lanì ełghɔnahtɔ. ¹³ Dɔ edeàgɪ gha ełàawɪ sɪ eyɪ wenahk'e ełghɔnets'eètɔ gòhɪ-le. ¹⁴ Seyati k'èaht'e nɪdè seàgɪ aah't'e ne. ¹⁵ Jɔ gots'ɔ ɪdàà segha eghàlaedaa-dò naxèehsɪ ha-le, k'àowo sɪ dɔ yegha eghàlaedaa sɪ t'asɪ hazò yedaadi nɪle t'à. Setà t'asɪ hazò sets'ò hadɪ sɪ naxɪts'ò haehsɪ t'à seàgɪ naxèehsɪ hɔt'e. ¹⁶ Naxɪ sèahchì nɪle, hanìkò sɪ naxɪhchì hɔt'e. Kw'ihchɪ wɛk'e jìecho lɔ dehshe laaht'e ha naxɪhchì hɔt'e. Eyɪ jìecho xàhoahwhɪ sɪ welɔ whìle ts'ò whela ha hɔt'e. Sɪzɪ dahxà t'alàa-sɪ Setà weahkè nɪdè Setà

naxìghàyele ha họt'e. ¹⁷ Dii nàowo naxìghàehzọ họt'e: Ełeghọniahtọ.

Du nèk'e ts'ọ dọ Zezì wecheekeè dzagùhwhọ

¹⁸ “Dii nèk'e dọ naxìdzagùhwhọ nìdè sị t'akwełòò sedzagùhwhọ họt'e, eyi wenaahdì. ¹⁹ Dii nèk'e dọ gixè aaht'ì nìdè xàè edets'ọ dọ lanì naxìghọnegeètọ ha họt'e. Hanìkò dii, gits'ọ dọ aaht'e nùile, dii nèk'e dọ gita gots'ọ naxìhchì họt'e. Eyì ts'ìhzọ dọ naxìdzagùhwhọ họt'e. ²⁰ Dii yatì naxìts'ọ xàyaehtì sù wenaahdì, 'Dọ wụzì edets'ọ k'àowo nahk'e elì nùile.' Sị dasegùhza nìdè naxì sì danaxegùhza ha họt'e. Seyatì k'èagùt'e nìdè naxì sì naxìyatì k'èagùt'e ha họt'e. ²¹ Sị sets'ìhzọ hanì naxìts'ọ eghàlageeda ha họt'e, amì sùhzaa sù gìk'èezọ-le t'à. ²² Jọ ahjà-le xè gits'ọ goihde-le nìdè gìhołì gìk'e whela ha-le ìlè. Hanìkò dii, seyatì k'ègeezọ t'à 'hołì hots'èhtsì-le,' gedì ha dii. ²³ Amì sedzaghwhọ sù Setà dzaghwhọ họt'e. ²⁴ Dọ wụzì sexèht'eè gınadaà enìyah hòèhtsù whìle. Hahla-le nìdè gìhołì gìk'e whela ha-le ìlè. Hanìkò dii enìyah lọ gıazì kò ılaà sedzagùhwhọ eyìts'ọ Setà sì dzagùhwhọ. ²⁵ Hanìkò eyì sù Nòhtsì Nìht'è k'e dànì dek'eèht'èè sù wek'èè agode ha t'à agòjà, 'T'asì k'èxa-le sedzagùhwhọ,' dek'eèht'èè.

²⁶ “Setà wedahxà Yedàyeh Nezzì naxìts'ọ ahle ha, Setà wets'ọ at'ì họt'e. Eyì naxìts'adu elì sù nùtla nìdè seghọ ehkw'ì xàyahtì ha họt'e. ²⁷ Kèhots'ùhwhọ gots'ọ sexè aaht'ì ne t'à, naxì sì seghọ xàyahtì ha họt'e.

16

¹ “Ts'ìzọ aahde ch'à eyì hazọò naxìts'ọ haehsì

họt'e. ² Gıts'ò elègehde-kò gots'òò xànxageezhi ha ne. Whaà-le-t'ìi dọ elànxageghde ha eyıts'ò Nòhtsı gha sığhà aget'ı gıwọ ha. ³ Setà eyıts'ò sı gok'ègeezọ-le t'à hanı naxıts'ò eghàlageeda ha họt'e. ⁴ Dı naxıts'ò haehsı sı eyı nèhòıwo nıdè dani weghọ naxıts'ò gohdee sı wenaahdı ha. T'akwelòọ eyı naxıts'ò haehsı-le ıle, ılaà naxıxè whıhda ıle t'à.

Yedàyeh Nezzı dani eghàlaeda

⁵ “Hòt'a dı amı sıhàa sı wets'ò anahde ha. Hanıkò naxı sı, ‘Edıı anet'ı?’ sèahdı t'à daseahkele. ⁶ Eyı naxıts'ò haehsı t'à sı naxıgha dı agòjà. ⁷ Hanıkò ehkw'ı anaxèehsı: Naxıts'òò naehtla ha nıdè naxıgha sığhà agode ha họt'e. Naehtla lenqsı eyı naxıts'adı elı sı naxıts'ò ade ha-le. Hanıkò naehtla nıdè naxıts'ò awehle ha. ⁸ Naxıts'adı elı sı nııtla nıdè dı nèk'e dọ hoıı k'èè geedaa gııedı agole ha, dani ehkw'ıı agede ha eyıts'ò dani dọ ehkw'ı gısnıyaetı ha sı gııedı agole ha. ⁹ Dọ gıgha ehkw'ı aehsı-le t'à hoıı k'èè geeda họt'e. ¹⁰ Setà ts'ò anahde ha, ekọ anahjà nıdè k'achı seahzı hale, eyıt'a naxıts'adı elı sı dọ dani ehkw'ıı agede ha sı gııedı agole ha. ¹¹ Eyıts'ò dı nè ts'ò k'àowo sı hòt'a wesınyaeı ne t'à dı nèk'e dọ gıhoıı k'èxa gısnıyaetı họt'e.

¹² “ılaà t'ası ıọ naxıts'ò haehsı ha dehwhọ, hanıkò dı eyı gha naxıni nàtso-le. ¹³ Hanıkò Yedàyeh Nezzı nııtla nıdè t'ası hazọọ ehkw'ı ne sı naxıts'ò hadı ha, ehkw'ı zọ gode ne t'à. Ededahxà gode ha nıle, dàehsı yeèhk'w'ọọ sı eyı zọ t'à gode ha, eyıts'ò ıdaà ayı dàgode ha sı naxıts'ò hadı ha. ¹⁴ Yedàyeh Nezzı ayı sets'ò ne sı yıhchı gà

wek'èahsq anaxele ha. Eyı wet'à seghàsòhoedi ayele ha. ¹⁵ T'ası hazò Setà wets'ò sı sets'ò hõt'e. Eyıt'à dı hanaxèehsı, 'Yedàyeh Nezu ayı sets'ò ne sı yihçı gà wek'èahsq anaxele ha.'

¹⁶ "Whaà-le-t'ı seahzı ha-le, eyıts'ò k'achı whaà-le-t'ı seahzı ha," Zezi gòhdi.

Zezi wecheekè ts'ògıwò t'axò gınà agode ha

¹⁷ Zezi wecheekè mòhdaa elets'ò hagedı, "Dàdı-adı, 'Whaà-le-t'ı seahzı ha-le, eyıts'ò k'achı whaà-le-t'ı seahzı ha?' eyıts'ò dı hadı, 'Setà wets'ò anahde ha t'à,' hadı sı dıdı-adı," gedi. ¹⁸ K'achı dalegeehke, "Dı ayı ayèhdi, 'whaà-le-t'ı?' Dıdı-adı sı wenıts'eedi-le," elègeedi.

¹⁹ Zezi eyı ghò dageehke ha gıwò gok'èezò t'à gots'ò hadı, " 'Whaà-le-t'ı seahzı ha-le, eyıts'ò k'achı whaà-le-t'ı seahzı ha,' dehsı sı ayı awèehsı dahwhò t'à weghò daleahke nı-aahdi? ²⁰ Ekw'ı anaxèehsı, dı nek'e dò gıgha sıgòet'ı, hanıkò naxı hòt'ò aahse ha hõt'e. Sı naxızeè nanıtı ha, hanıkò naxı nı dıdı ade ha. Naxızeè nanıtı ıleè sı wet'à naxına agode ha. ²¹ Ts'èko chekoa nıhtè ha nıkw'o nıdè hòt'ò eyahlè, hanıkò webebıa gòhı t'axò nıdè wegħa eyahlè sı yenadı-le, webebıa dò elı t'à wınà. ²² Dı naxı sı haah't'e: Dı naxızeè nanıtı hõt'e, hanıkò k'achı naxeehı nıdè sı naxıgha sıgòet'ı ha, eyı sı dò wızi naxıghò yihçı ha nıle. ²³ Eyı dzeè k'e nıdè k'achı t'ası seahkè ha-le. Ekw'ı anaxèehsı, ayı dahwhò sı sızi t'à Setà weahkè nıdè naxıghàyele ha hõt'e. ²⁴ Dı hıwa gots'ò sızi t'à t'ası wızi Setà weahkè whıle hõt'e. Eyıt'à t'ası weahkè nıdè naxıghàzà ha ne, hanı-ıdè sı naxına agode ha.

25 “Godi t'à naxits'ò goihde ìlè, hanikò nõode nõdè hanu yatù t'à k'achì hoghànaxeehtò ha nùle; Setà weghò ehkw'ì naxits'ò gohde ha. 26 Ekìyeè k'e nõdè sùzì t'à yaahtì ha. Naxìgha Setà ts'ò yahtì ha dehsì-aehsì-le. 27 Ìle, seghònahtò eyits'ò Nòhtsì yak'e whedaa gots'ò aht'ì naxìgha ehkw'ì-ahodì t'à, Setà ededì xàè naxìghoneètò họt'e. 28 Setà gots'ò dù nèk'e ts'ò ahjà. Hòt'a dù nèè gots'ò anahde ha, Setà wets'ò anahde ha,” Zezì gòhdi.

29 Zezì wecheekè hagedì, “K'òt'a godi dè ehkw'ì gots'ò xàyanehntì. 30 T'asì hazòò k'èizò họt'e wek'èts'èezòò ats'ejà, eyits'ò dọ danegèehke kwe ginàowò k'èizò. Eyì weghàà Nòhtsì gots'ò anet'e gogha ehkw'ì-ahodì ajà họt'e,” gùhdi.

31 Zezì hagòhdi, “K'òt'a naxìgha ehkw'ì-ahodì agòjà! 32 Hanikò whaà-le-t'ì hazòò ekèahdè ha ne, hòt'a eyì nìhòqwo họt'e. Hazòò naxìkò ts'ò naahdè anaxedle ha, sì whatsqò whihda aseahle ha. Hanikò whatsqò whihda nùle, Setà sexè at'ì họt'e.

33 “Dù hazòò naxits'ò haehsì họt'e, hanì-ìdè sì set'à naxìgha ts'èwhì hòzò ha. Dù nèk'e naxìxè hoilà ha họt'e. Hanikò sì sù dù nèk'e hazòò gìghòèhnò ne t'à, naxìni nàtsoò aahle,” Zezì gòhdi.

17

Zezì edegha yahtì

1 Zezì hadì t'axòò, ìdòò yak'e ts'ò k'èet'ì xè yahtì, hadì,

“Setà, hòt'a eyì nèhòìwo, Neza weghàsòhoediì anele, hanì-ìdè Neza neghàsòhoediì ayele ha.

2 Dọ weghàneelaa sù welò while ts'ò geedaà agole

ha t'à, dọ hazòò ts'ò k'àowo awènelà. ³ Welọ while ts'ò ts'eedaa ts'edii sù dui awèts'edi: Nị nek'ègeezọ ha, nị zọ Nòhtsị ehkw'ii anet'e gik'èezọ ha, eyits'ọ Zezi-Kri, jọ ts'ò weneehzàa sù, gik'èezọ ha. ⁴ La seghàneeṛṛọ sù weghọ naht'e t'à dui nèk'e neghàsọhoedi anèhlà. ⁵ Setà, dui nèè hòèlị kwe nexè seghàsọhoedi ịlè xèht'eè nexè seghàsọhoedi asụle.

Zezi edecheekè gha yahti

⁶ “Dui nèk'e dọ hazòò seghàneelaa sù nek'ègeezòò agèhlà. Nets'ọ agụt'e ịlè sù seghàgìnèela, eyits'ọ neyatù k'èagụt'e. ⁷ T'asii hazòò seghàneelaa sù nets'ọ zọ họt'e, eyi gik'èezòò agejà. ⁸ Yatì seghàneeṛṛọ sù gịghàehzọ xè gịgha ehkw'ì-ahodi. Nets'ọ aht'ì hotù sek'ègeezọ, eyits'ọ nị seneehzàa sù gịgha ehkw'ì-ahodi. ⁹ Dui gịgha yahti. Dui nèk'e gots'ọ dọ hazòò gha yahti ha dehsị-aehsị-le, hanìkò dọ seghàneelaa sù gịgha yahti, nets'ọ agụt'e t'à. ¹⁰ Hazòò sets'ọ agụt'ee sù nị nets'ọ agụt'e, eyits'ọ hazòò nets'ọ agụt'ee sù sị sị sets'ọ agụt'e. Eyi hazòò gits'ìhṛò seghàsọhoedi họt'e. ¹¹ Hòt'a dui nèk'e aht'e ha-le, nets'ọ anahde ha, hanìkò secheekè ịlè dui nèk'e agụt'e. Setà Degai, nuzi dahxà gịxonehdi; nuzi wedahxà eghàlaehdaà asèneelaa sù t'à gịxonehdi. Hanì-ìdè ededi sù dọ ịlè zọ lagụt'e ha, goxị ịlè lawiit'e lanì. ¹² Ịlè gịxè aht'e ekò nuzi dahxà gik'èhdi ịlè. Ịlè kò seghọ wedihòlì-le. Ịlè wedihòlè ha weghàhòt'ọọ sù eyi zọ wedihòlè ha. Hanì-ìdè ayi dek'eèht'èè sù wek'èè agode ha.

13 “Hòt'a nets'ò ahde ha, hanìkò ɬàà dɩ nèk'e whihda et'ù eyi hazòò ghò goihde hòt'e. Hanì-ɬdè set'à sù gɩnà ha. 14 Neyatù gɩghàehzò hòt'e, eyit'à dɩ nèk'e ts'ò dò secheekeè dzagùhwhò, sexèht'eè dɩ nèk'e gots'ò agùt'e-le t'à. 15 Dɩ nèk'e dò gots'òò xàgùwa gha yahtì-le, hanìkò wehù ch'à gɩk'èdì gha nets'ò yahtì. 16 Dɩ nèk'e gots'ò aht'e-le, sexèht'eè ededì sɩ dɩ nèk'e gots'ò agùt'e-le. 17 Nàowo ehkw'ù t'à degaì agùle eyits'ò nets'ò gùlù agùle; neyatù sù nàowo ehkw'ù hòt'e. 18 Dɩ nèk'e ts'ò seneehzà xèht'eè, ededì sɩ dɩ nèk'e dò ta ts'ò gùhzà hòt'e. 19 Gɩgha neghàdùhtì hòt'e, hanì-ɬdè ededì sɩ hotù degaì gùlù xè nets'ò gùlù ha.

Zezi dò hazòò gɩgha ehkw'ì-ahodu sù gogha yahtì

20 “Secheekeèdeè zò gɩgha yahtì nùile. Secheekeèdeè gɩyatù t'à dò seghò gɩgha ehkw'ì-ahodù sù hazòò gɩgha yahtì hòt'e. 21 Hanì-ɬdè hazòò ɬè zò lagùt'e ha. Setà, nexè aht'ì eyits'ò nì sexè anet'ì, ededì sɩ goxèht'eè ɬè lagùt'e ha. Goxè ɬè lagùt'è, hanì-ɬdè dɩ nèk'e gots'ò dò jò ts'ò seneehzà, gɩgha ehkw'ì-ahodì ha. 22 Sexè enìyah hòzò anelàa sù ededì sɩ gɩxè hanì enìyah hòzò ahà. Hanì-ɬdè goxì ɬè lawùit'e, goxèht'eè, ededì elexè ɬè lagùt'e ha. 23 Sɩ gɩxè aht'ì, eyits'ò nì sexè anet'ì. Hotù ɬè zò lagùt'è agùle, hanì-ɬdè dɩ nèk'e gots'ò dò sù nì seneehzà, eyits'ò seghòneètò lanì gɩghònehtò gɩk'èezò ha.

24 “Setà, dò hazòò seghàneelaa sù t'aats'òò sexè agùt'e ha dehwhò, eyits'ò sexè enìyah hòzò anelàa sù gezì ha dehwhò. Dɩ nèè hòèlì kwe seghòneètò t'à sexè enìyah hòzò anelà ɬè.

²⁵ “Setà, nì sù ehkw'ì anet'e. Dii nèk'e dọ nek'ègeezọ-le kò, sị nek'èehsọ họt'e, eyits'ọ dui dọ seghàneelaa sù jọ ts'ò asèneelà gık'èezọ họt'e.
²⁶ Nek'ègeezọ agèhlà, dezoọ nek'ègeezọọ agehke ha. Hanì-ıdè dànì seghoneetọọ sù ededı sù hanì ełeghonegeetọọ agede ha, eyits'ọ sı gıxè ı̀è zọ laht'e ha,” Zezi hadı Edetà ts'ò xayahtı.

18

Zezi gı̀hchi

¹ Zezi hanı yahtı tı'axọ, edecheekeè xè naèhtı. Dea nızà Kedron gòyeh wetegeède. Ekọ ts'ı nàèhza wek'e jıe “olive” wıyeh dehshe. Zezi edecheekeè goamı ekọ ts'ọ ajà.

² Wecheekeè ı̀è, Zhıdàà wıyeh, k'aodèe tı'aàyehtè ha sù, ekọ hok'èezọ, Zezi edecheekeè xè t'aats'ọọ ekọ at'ı ı̀è t'à. ³ Eyıt'à, eghọọ-dọ, yahtı-gha-k'aodèe gıcheekeè, eyits'ọ Pharisee gıııı sù Zhıdàà ekọ nègòıwa. Dọ eyı nègıdee sù dechı welọ kò dèk'ọọ k'egele, tıèk'ọọ eyits'ọ behcho sı k'egele.

⁴ Zezi wexè dàgode ha sù hazọ yek'èezọ t'à gots'ọ èhtı, hagòhdı, “Amı hak'eaht'ı?” gòhdı dagoehke.

⁵ “Zezi, Nazareth got'ıı,” gıhdı.

“Eyı aht'e,” Zezi gòhdı. (Zhıdàà, dọ tı'aàyehtè ha sù, gota nàwo nọ.) ⁶ Zezi “Eyı aht'e,” hadı ekò dọ hazọ ı̀dè dèe k'e nàgıttı.

⁷ K'achı dagoehke, “Amı hak'eaht'ı?”

K'achı hagedı, “Zezi, Nazareth got'ıı,” gedı.

⁸ “Eyı aht'e naxèehsı,” Zezi gòhdı. “Sehak'eaht'ı nıdè dui dọ sexè aget'ıı sù nageedè agıahle,” gòhdı.

⁹ Eyıt'à ı̀dè dànì yahtı ı̀èe sù wek'èè agode ha t'à

hagogìlà. Du hadì yahtu ìlè: “Dò seghàneelaa sù ìlè kò seghò wedihòhì-le,” hadì yahtu ìlè.

¹⁰ Simon-Peter edets'ò behcho xàechì gà yahtu-wet'aaàa-deè wecheekè ìlè nàgòts'ehnèe ts'ò yedzeèbàa dachùhwho. (Eyì dò Malchus wiyeh.)

¹¹ Zezì, Peter ts'ò hadì, “Nets'ò behcho deyì naìchì! Setà libò sets'ò dayakaa sù ehts'e ha-le neewò nì? Setà wìnì k'èè eghàlaehda ha họt'e,” yèhdi.

Zezi yahtu-gha-k'àowo Annas ts'ò geèhchì

¹² Hadì t'axòò eghòò-dòò, gits'ò k'àowo, eyìts'ò Israel got'ù gha k'aodèe Zezì dagiachì. Wegòò èkèet'ù agìlà ¹³ gà yahtu-gha-k'àowo Annas ts'ò geèhchì. Eyì dò sù Caiaphas wezeh họt'e. Eyì xo k'e Caiaphas yahtu-wet'aaàa-deè elì. ¹⁴ Caiaphas ededì Israel got'ù ts'ò hadì xàyahù ìlè, “Dò ìlè dò hazòò gha elàwo nìdè eyì denahk'e nezi họt'e,” gòhdi ìlè.

Peter Zezì k'èezò-le hadì

¹⁵ Simon-Peter eyìts'ò Zezì wecheekè ìlè Zezì k'èè geède. Eyì wecheekè ìlè yahtu-wet'aaàa-deè k'èezò t'à yekò gà ts'ò Zezì k'èè nùtla. ¹⁶ Hanìkò Peter kwekwù gha xàgòòàa k'è dexaetla ha-le t'à eyì naèhzi. Zezì wecheekè ìlè eyì nòotla ekò t'eekea eyì eghàlaedaa sù ts'ò gojde t'à Peter goyaèhtlaa ayìlà.

¹⁷ T'eekea, Peter ts'ò hadì, “Nì Zezì wecheekè anet'e-le nì?”

“Ìle, wecheekè aht'e-le,” Peter yèhdi.

¹⁸ Edza t'à dò goyì eghàlagìdèe eyìts'ò k'aodèe kò dèk'òò gà nàgeèhza xè nagìgwì. Peter ededì sì goga nàwo xè naìgwì.

Yahtu-wet'aaʔaa-deè Zezi daehke

19 Yahtu-wet'aaʔaa-deè Zezi daehke, wecheekeè ghò eyits'ò ayì hoghàgoehtòò sì ghò dayeehke.

20 Zezi yets'ò hadi, “Dò hazòò gidaà goihde ìlè. Elègehdeè-kò eyits'ò Nòhtsìkò-gocho gà Israel got'ìì elègehdeè sì t'aats'òò ekò zò goihde ìlè t'à dò naàhtò wùzì xàyaehiti whìle. 21 Eyi t'à ayìha dasìhke? Dò segìkw'oo sì dagìahke, dàehsìì goihdee sì hotì gik'èezò họt'e,” yèhdi.

22 Zezi hadi t'à k'àowo ìlè yegà nàwoo sì yinì nàìkà, hayèhdi, “Hanì yahtu-wet'aaʔaa-deè ts'ò goide ha nì?” yèhdi.

23 Zezi yets'ò hadi, “Ekò-le xàyaehiti nìdè sets'ò haidi, hanìkò ehkw'i xàyaehiti nìdè ayìha nàsenekà?” yèhdi. 24 Eyi t'axòò Zezi ìaà wegòò eleet'ì xè Annas, yahtu-wet'aaʔaa-deè Caiaphas ts'ò ayìlè.

Peter taà-eh t'aà Zezi k'èezò-le hadi

25 Simon-Peter mòht'a naìgwì ekò dò ìlè dayeehke, “Wecheekeè ìlè anet'e dehwhò ne?” yèhdi.

“Ìle, wecheekeè aht'e nìle,” Peter yèhdi.

26 Yahtu-wet'aaʔaa-deè wecheekeè ìlè Peter yedzeèbàa xàìhwhoo sì wèot'ì ìlè Peter ts'ò hadi, “Edìì Zezi dagìachì sì ekò wexè neehzì dehwhò ìlè?” yèhdi. 27 Hanìkò Peter k'achì hadi, “Ìle, wexè aht'ì nìle,” yèhdi. Hadi ts'òet'ìì k'àba whezeh.

Zezi k'àowo Pilate nadqà nàwo

28 K'omòòdòò et'ìì yahtu-wet'aaʔaa-deè Caiaphas wekò gots'ò xàgeèhchì, Zezi k'àowo Pilate wekò gocho ts'ò geèhchì. Israel got'ìì sì dò eladì kò goyagedè ha gìgha wets'àet'ò họt'e. Hagejà nìdè,

gɪnàowò k'èè “degai gɪlɪ-le” agede ha gɪwɔ, hanì-
 ɪdè dzɛdè Passover gha nàsɪ ghɔ shègezhe ha
 dɪi, eyit'à k'àowo Pilate wekò gocho goyageède-le.
 29 Eyit'à k'àowo Pilate gots'ò xàèhtɫa, hadi, “Dɪi dɔ
 ayi wek'e nìdahoahzà?” gòhdi.

30 Dɔ hagedi, “Eyi dɔjɪ wets'ɪhwhɔ-le nɪdè
 nets'ò wets'eechi ha-le ɪlè,” gedi.

31 Eyit'à k'àowo Pilate hagòhdi, “Naxɪ neweàhchi,
 naxɪnàowò k'èè wesɪnɪyaahɪ,” gòhdi.

Israel got'ɪ hagedi, “Goxɪ dɔ ɛ̀l̀aàts'ehwhɪ ha
 gogha hòzɔ nɪle,” gedi. 32 (Eyi hagòjàa sɪ Zezì d̀anì
 ɛ̀l̀aàwɪ ha edeghɔ goɪde ɪlè sɪ wek'èè agode ha t'à
 hagòjà.)

33 K'àowo Pilate edekò gocho goyɪ naèhtɫa. Zezì
 kayɪhtɪ gà dayeehke, hadi, “Israel got'ɪ gha
 k'àowocho anet'e nì?” yèhdi.

34 Zezì yets'ò hadi, “Nɪ xàè haneewɔ t'à aɪdɪ
 nì? Hanì-le-ɪdè dɔ eyi-le seghɔ nets'ò hagedi nì?”
 yèhdi.

35 Eyit'à Pilate yets'ò hadi, “Israel got'ɪ aht'e
 seneehwhɔ nì? Xàè nèot'ɪ eyits'ò yahtɪ-gha-k'aodèe
 set'̀aànɪgɪhtɪ hɔt'e. Ayi d̀anelà ghɔ agedi?” yèhdi.

36 Zezì hadi, “Dɪi nèk'e gots'ò k'àowocho aht'e
 nɪle. K'àowocho ehɪ nɪdè Israel got'ɪ segihchi ch'à
 secheekeè ɛ̀legegɔ ha ɪlè. Hanìkò sɪ sɪ eyi-le nèk'e
 gots'ò k'àowocho aht'e,” yèhdi.

37 K'àowo Pilate hadi, “Eyit'à k'àowocho anet'e
 nɔ̀ò!”

Zezì yets'ò hadi, “K'àowocho aht'e nɪdɪ sɪ ehkw'ɪ
 hɔt'e. Nàowo ehkw'ɪ ghɔ gohde hã t'à dɪi nèk'e
 segòhɪ hɔt'e. Dɔ hazɔ̀ nàowo ehkw'ɪ gɪwɔ̀ sɪ
 segeèhkw'ò hɔt'e,” yèhdi.

38 K'àowo Pilate hadi, "Nàowo ehkw'u ayi welè?" yèhdi. Hadi t'axò k'àowo Pilate k'achì Israel got'ù ts'ò xàèhtla, hadi, "Eyi dọ ayi wek'e nidahoehzà ha si wek'èhsò-le," gòhdi. 39 Naxi gha nàowo whezọ k'èè dzèdeè Passover k'e nìdè dọ ilè wedaètọọ si naxits'ò xàetla awehzi ilè. " 'Israel got'ù gha k'àowocho' naxits'ò xàetlaà awehle ha seahwhọ ni?" gòhdi.

40 Dọ nagizèh xè hagedi, "Ìle, wets'uwọ-le! Barabas gots'ò xàetlaà awùle," gedi. Eyi dọ Barabas wiyeh si dọ goamù eghọ-dọ ts'ò elegegọ ilè.

19

Zezi dexewiisò gha wesiniyaeti

1 Eyi t'à k'àowo Pilate Zezi nàweekwà ayilà. 2 Eghọ-dọ ichighò degeèt'ì t'à kwit'ù gèhtsi gà Zezi wekwì k'e nègèchì. K'àowochozèè dek'o-dezọọ yi gùhtì, 3 k'èdaà gik'adaedè, hagiùhdi, "Israel got'ù gha k'àowocho weghàsọts'eedi!" gedi xè wni nàgeht'ì.

4 K'achì ilà k'àowo Pilate dọ ts'ò xàèhtla, Israel got'ù ts'ò hadi, "Seàhk'w'ọ, di dọ ayi wek'e nidahoehzà ha while t'à naxits'ò xàweèhchì họt'e," gòhdi. 5 Zezi ichighò kwit'ù wekwì k'e whezọ xè zeh dek'o-dezọọ yi wheda hanì dọ ts'ò xàèhtlaà agilà. K'àowo Pilate, Israel got'ù ts'ò hadi, "Jọ dọ weghàahda," gòhdi.

6 Yahtu-gha-k'aodè eyits'ọ gicheekeè giàzi ts'òet'ù yagizèh, hagedi, "Dechiet'aa k'e wedeàhtsò! Dechiet'aa k'e wedeàhtsò!" gedi.

Hanikò k'àowo Pilate hagòhdi, “Naxi neweàhchi, dechjet'aa k'e wediùtsò aweahle! Sı sù dı dọ ayı wek'e nıdahoezà ha sù wek'èhsò-le,” gòhdi.

⁷ Hanikò Israel got'ı k'èdaà hagedı, “ ‘Nòhtsı weza aht'e,' edèhdi t'à, gonàowoò k'èch'a xàyahtı, eyıt'à ɛlaàwı ha họt'e,” gedi.

⁸ K'àowo Pilate eyı ghọ ùkw'o ekò denahk'e dejı lajà. ⁹ Kọ gocho goyanaèhtla. Zezi ts'ò hadı, “Edjı gots'ò anet'ı?” Hanikò Zezi xàyahtı-le. ¹⁰ K'àowo Pilate hayèhdi, “Sets'ò gojde ha neewò-le ni? Naıtlaà anehlee, nedıùtsò anehlee, sı sets'ò hoèlı họt'e, wek'èzò-le ni?” yèhdi.

¹¹ Zezi yets'ò hadı, “Idòo gots'ò neghàhòt'ò lenşı nets'ò hoèlı niile. Eyıt'à dọ netı'aasegihtı sù nenahk'e hoıı hogèhtsı họt'e,” yèhdi.

¹² Zezi hadı tı'axò k'àowo Pilate naetlaà ayele ha hoèhdzà, hanikò Israel got'ı k'èdaà yagızeh, hagedı, “Eyı dọ naehtlaà wèneelà nıdè dèe-ts'ò-k'àowo Caesar weàgı nelı niile. Dọ k'àowocho edèedı sù Caesar k'èch'a adı họt'e,” gedi.

¹³ K'àowo Pilate hagedı ùkw'o t'à Zezi dọ ts'ò xàèhtlaà ayılà gà dọ sınıyahtı daèhchi k'e dèkwà. Eyı daèhchi sù “kwe k'è” gòyeh ekọ whetọ. (Aramaic yatı k'èè “Gabbatha” gòyeh.) ¹⁴ Dzèdè Passover wexèhoıwı gha Israel got'ı sınıgedè ekò dzetanı ekıyeè k'àowo Pilate Israel got'ı ts'ò hadı, “Jọ naxıts'ò k'àowocho nàwo,” gòhdi.

¹⁵ Hanikò dọ yagızeh, hagedı, “Èlaàwèahwhı! Èlaàwèahwhı! Dechjet'aa k'e wedeàhtsò!” gedi nàdahogèhde.

K'àowo Pilate gots'ò hadı, “Naxıts'ò k'àowocho wediùtsò ha dahwhọ ni?” gòhdi.

Hanikò yahtı-gha-k'aodèe hagedı, “Caesar ededı zq gogha k'àowocho elı ne,” gıhdı.

¹⁶ Nqode t'à Pilate gok'èhoııq t'à Zezı wedıtsò ha got'aayıhtı.

Zezı dechıet'aa k'e wedıtsò

Eghq-dq Zezı nıgıchı. ¹⁷ Zezı edets'q dechıet'aa nayatı agıılà, shıh Dqkwıkw'qò gòyeh ts'ò nayatı. (Aramaic got'ıı gıyatı k'èè Golgotha gòyeh.) ¹⁸ Ekq dechıet'aa k'e Zezı gıdıhtsò eyıts'q dq nàke weghqhk'èè dexegıhtsò.

¹⁹ K'àowo Pilate weyatı k'e t'ası dek'eèht'è agıılà gà Zezı wedechıet'aà k'e dawhetqò agıılà. Dı hanı dek'eèht'è, “Nazareth got'ıı Zezı, Israel got'ıı gha K'àowocho,” dek'eèht'è. ²⁰ Edı Zezı dechıet'aa k'e wedıtsò sı Jerusalem ts'q nıwà-le agòht'e t'à hanı dek'eèht'è sı dq lq gık'eyıhtı. Aramaic got'ıı, Rome got'ıı eyıts'q Greece got'ıı gıyatı sı k'èè dek'eèht'è. ²¹ Yahtı-gha-k'aodèe, k'àowo Pilate ts'q sqagedı, “‘Israel got'ıı gha K'àowocho’ dek'enıht'è-le, hanikò ‘dı dq, Israel got'ıı gha K'àowocho aht'e, edèhdı,’ dek'enıht'è,” gıhdı.

²² Hanikò Pilate hagòhdı, “Ayı dek'enıht'è sı dek'enıht'è,” gòhdı.

²³ Eghq-dq Zezı dechıet'aa k'e gıdıhtsò ekò, wegoht'qò negıwa, dı geet'èè ts'q łats'ıgıwa. ?eh nedèe sı t'asagıılà-le. Eyı wezeè negızah sı nàèhdı k'è gòhı-le, zehı'ı lè t'à zeh hòèlı hq't'e.

²⁴ Eyıt'à eghq-dq elets'q hagedı, “Tàts'ııhdı-le, amı weghaelı ha sı eyı gha ekw'qà ts'ııhdè,” gedı.

Danı Nqhtsı Nıht'è k'e dek'eèht'è sı k'èè agode ha t'à hagòjà. Dı hanı dek'eèht'è,

“*Segoht'òò łats'igııwa eyıts'ò sezeè gha ekw'òq k'eggehdè,*” *dek'eèht'è.*

Eyıt'à eghòq-dòò gıxè hagòjà.

²⁵ Zezì wemò, wemò wedè, Clopas wets'èkeè Mary, eyıts'ò Mary-Madlè dechıet'aa gà nàgeèhza.

²⁶ Zezì edemò ghàıdà eyıts'ò wecheekeè ı̀hè yeghòneètòq sıı eyı sı ghàıdà ekò, Zezì edemò ts'ò hadı, “Ts'èko, duı neza welè,” yèhdi. ²⁷ Eyıts'ò edecheekeè ts'ò hadı, “Duı nemò welè.” Hayèhdi gots'ò eyı wecheekeè sıı Zezì wemò edekò nàdè ayıılà.

Zezi eławo

²⁸ Sıghaıwaà t'axòò Zezì hadı, “Tı waehwhı.” Hòt'a t'asıı hazòò weghàlaedà, eyıts'ò Nòhtsı Nıht'è k'èè agode ha yek'èezò t'à, “Tı waehwhı,” hadı. ²⁹ Gıgà kwetò yıı jıetı dııts'aa whehtò ı̀hè, eyıt'à eghòq-dòò eht'ı lanıı jıetı ta nawhehtsoò agıılà. Dechı nedèe welò wexeet'ıı agıılà gà Zezì wewà ts'ò agehı. ³⁰ Zezì yaazea wewàhòqdı ajà t'axòò, “Hòt'a enahòt'e,” hadı, eyı t'axòò wekwı ızhıı ajà gà eławo.

³¹ Eyı dzeè sıı Nòhtsı Dzeè gha sınıgedèe dzeè k'e agòht'e, eyıts'ò ek'èdaedzeè k'e Nòhtsı gha dzeède hòlè ha. Nòhtsı Dzeè k'e dòkw'òò dechıet'aa k'e dawhela ha-le gııwò t'à Israel-got'ıı-gha-k'aodèe k'àowo Pilate ts'àgedè. Eyı dò tıı gıdzaà nàgeezhı gha eyıts'ò gıkw'òò dechıet'aa k'e gots'ò hodàgewa gha k'àowo Pilate dagııhke. ³² Eyıt'à eghòq-dòò dojıı ı̀hè Zezì xè wedııtsòo sıı wedzaà k'egıızhı, wek'èè k'achı dojıı ı̀hè hagıılà. ³³ Zezì ts'ò nègııde ekò hòt'a eławo ı̀hè nòò gıaıı, eyıt'à wedzaà nàgıızhı-le. ³⁴ Hanıkò eghòq-dòò ı̀hè behkà t'à Zezì wechòò

ghàìhgè. Hanì et'ìì edoò eyits'ò tì sì xàèt'ì. ³⁵ Dọ wedaà hanàhòwoo sù ehkw'ì yeghò goɔde họt'e. Ehkw'ì yeghò goɔde yek'èezò, hanì-ìdè naxì sì wet'à naxìgha ehkw'ì-ahodì ha. ³⁶⁻³⁷ Nòhtsì Nìht'è k'e dù hanì dek'eèht'è: “Wekw'òò ɔ̀l̀aet'ee wɔ̀zì nàtì ha-le,” eyits'ò dù hanì sì dek'eèht'è, “Eyì dọ gìghaìhkoo sù gìghàeda ha,” dek'eèht'è. Nòhtsì Nìht'è k'e dànì dek'eèht'è sù wek'èè agode ha t'à, eyì hazòò hagòjà họt'e.

Zezi wekw'òò nìtò

³⁸ Eyì t'axòò Arimathea got'ìì Joseph Zezi wekw'òò nùchì ha k'àowo Pilate ts'ò èhtlà. Joseph ededì sì Zezi wecheekeè họt'e, hanìkò Israel got'ìì gha k'aodèè ts'ajejì t'à dọ gìk'èezò-le. K'àowo Pilate, hẹ̀zẹ̀, yèhdì t'à Zezi wekw'òò edexè nayeèhchì. ³⁹ Dọ ɔ̀l̀è Nicodemus wìyeh yexè at'ì. Eyì dọ sù to Zezi ts'èèhtlà ɔ̀l̀è. Nicodemus yìk'èet'òò eyits'ò d̀ɔ̀ts'ia ləkòò, l̀òhdìenò-daats'ò-sìl̀a aìhda nèyìl̀a, Zezi wekw'òò k'e agele gha. ⁴⁰ Eyì dọ nàke Zezi wekw'òò nagùchì t'axòò d̀òkw'òò gha yìk'èet'òò eyits'ò zèht'ì neghoa nezì wekw'òò mọ̀ehdoò agùl̀a. Israel got'ìì dànì d̀òkw'òò nègeetì sù k'èè agùl̀a. ⁴¹ Edù Zezi dechìet'aa k'e wedùtsòo gà jìecho dehshee k'è gòzò. Ekò kwe yì d̀òkw'òò whetòò k'è gòzò sù weyì d̀òkw'òò ɔ̀tò-le t'à wegòò họt'e. ⁴² Hòt'a Israel got'ìì gìgha Nòhtsì Dzẹ̀è ts'ò whaà-le t'à, eyits'ò eyì d̀òkw'òò whetòò k'è ts'ò nìwà-lea t'à ekò Zezi wekw'òò nègùtò.

20

Zezi kwe yì wekw'òò whetò sù wègoèht'ì-le

¹ Nòhtsɪ Dzeè tʰaxòò k'omòòdòò ɬàà to ekò, Mary-Madlè edɿ Zezi wekw'òò whetòò ts'ò èhtɬa. Eyɪ nùtɬa ekò, kwe nechàa enìzò ɬlèe sɪ yɪzòò deèyɪ nòò, yaɪ. ² Eyit'à Sɪmon-Peter eyits'ò Zezi wecheekeè ɬè yeghòneètòò sɪ ts'ò natɪmòèhza, hagòhɔ, “Gots'ò K'àowo dɔkw'òò k'è gots'ò xàgɪhtɪ. Edɿ nègɪhtɪ sɪ wek'èts'eezò-le,” gòhɔ.

³ Eyit'à Peter eyits'ò Zezi wecheekeè ɬè dɔkw'òò k'è ts'ò ɬegeèhtɬa. ⁴ ɬah ekò tɪmògeèht'a, hanìkò wecheekeè ɬè Peter nahk'e nàtɬa t'à yekwe-t'ìì dɔkw'òò k'è nùtɬa. ⁵ Goyadaèhgè ekò dɔkw'òò ts'ò zehɬ'ɪ neghoa eyɪ whelaa yaɪ, hanìkò goyaèhtɬa-le. ⁶ Sɪmon-Peter yek'èè eyɪ nùtɬa, kwe yɪ dɔkw'òò whetòò k'è goyaèhtɬa. Ededɪ sɪ zehɬ'ɪ neghoa eyɪ whela yaɪ, ⁷ eyits'ò zehɬ'ɪ Zezi wekw'ì k'è whehchì sɪ eyɪ sɪ yaɪ. Eyɪ zehɬ'ɪ whatsòò eɬwhehchì, zehɬ'ɪ neghoa ta whehchì-le. ⁸ Nòòde t'à wecheekeè ɬè Sɪmon kwe eyɪ nùtɬa ɬlèe sɪ ededɪ sɪ goyaèhtɬa. Hagòht'e hoazɪ t'à wegħa ehkw'ì-ahodì àjà. ⁹ (Nòhtsɪ Nɪht'è k'e Zezi nàidà ha hɔt'e dek'eèht'èè sɪ ɬàà gɪmedì-le.)

Zezi Mary-Madlè ts'ò wègoèht'ì

¹⁰ Eyɪ tʰaxòò Zezi wecheekeè edekò ts'ò nageèhde. ¹¹ Hanìkò Mary-Madlè dɔkw'òò whetòò k'è mòht'a tɪdà etse. Etse xè goyadaèhgè. ¹² Yak'eet'ì nàke goht'ò degoo yɪ geèhkw'e goazɪ. Edɿ Zezi wekw'òò ɪtò ɬlèe sɪ wet'axòò geèhkw'e. Yak'eet'ì ɬè kwèe-lò wheda, eyits'ò ɬè kèe-lò wheda.

¹³ Yak'eet'ì dageehke, “Ts'èko, ayìha netse?” gùhɔ.

Mary hadi, “Sets'ò K'àowo t'asii nageehchi, edii nègiihtii sù wek'èhsò-le,” gòhdi. ¹⁴ Hadì tì'axòò ets'aèhtla t'à Zezi eyi nàwo yaɔɔ, hanikò Zezi at'ì nàyèzhì-le.

¹⁵ Zezi yets'ò hadi, “Ts'èko, ayiha netse? Ami hak'eit'ì?” yèhdi.

Dèè-siigoqwhqò-dòò at'ì yùhwhò t'à, Mary hayèhdi, “K'àowo, t'asii nèwùchì nìdè edii nèwùhtii sù sets'ò hadi, naweehchi ha t'à,” yèhdi.

¹⁶ Zezi yets'ò hadi, “Mary,” yèhdi yuzi.

Mary yets'ò ets'aèhtla, Aramaic yatii k'èè, hòtsaa whezeh, hadi, “Rabboni!” hadi. (“Rabboni” gedi nìdè “hoghàhtòò-dòò,” gedi-agedi.)

¹⁷ Zezi yets'ò hadi, “Dasiihchì-le, ìlāà Setà ts'ò anahjà nùle t'à. Hanikò sèot'ì gits'àatla, dii hagiidi, ‘Setà eyits'ò naxi sù naxità ts'ò anahde ha, Senòhtsi eyits'ò Naxinòhtsi ts'ò anahde ha,’ ” hadii edecheekèè godayatiniìzò.

¹⁸ Mary-Madlè Zezi wecheekèè ts'òet'ì àjà, hagòhdi, “Gots'ò K'àowo weehzi!” dèèjà. Zezi dàgòhdi ha yèhdi sù hazòò gots'ò hadi.

Zezi edecheekèè ts'ò wègoèht'ì

¹⁹ Nòhtsi dzeè k'e xèhts'ò làà nègiiide ekò Israel got'ì gha k'aodèè ts'àgeejì t'à edets'òdaànigiihgè. Hòtsaa Zezi goni nàwo, hadi, “Naxixè sighà welè!” gòhdi. ²⁰ Hadì tì'axòò, edilà eyits'ò edechòò ghàgii dà agòòlà. Wecheekèè gits'ò K'àowo at'ì nàgèèzhì ekò gina t'à gina.

²¹ Zezi k'achì hagòhdi, “Naxixè sighà welè! Setà jò ts'ò sùhza xèht'eè dò ts'ò naxeehza ha,” gòhdi.

²² Hadì tì'axòò gok'e wehsò, hagòhdi, “Yedayeh Nezi naxik'e awede. ²³ Dò gihoii giqhò nahoahlè

nɪdè, gɪhoɦ̀̀ɪ gɪgho nahoezhe ha; dɔ gɪhoɦ̀̀ɪ gɪgho na-
hoahla-le nɪdè gɪhoɦ̀̀ɪ gɪgho nahoezhe ha-le,” gòhɔdɪ.

Zezi Thomas ts'ò wègoèht'ì

²⁴ Thomas (Elèchqekèa wiyeh) Zezi wecheekeè
hoònɔ-daats'ò-nàke gũlɪ sɪ ededɪ ɪlè hɔt'e. Zezi
gots'ò wègoèht'ì ekò Thomas eyɪ wheda-le ɪlè.

²⁵ Eyɪt'à Zezi wecheekeè hagiɦ̀̀ɔdɪ, “Gots'ò K'àowo
wets'aɪɪ,” gedɪ. Hanìkò Thomas gots'ò hadɪ, “Wɪlà
gotsè k'è gòɔɔ selakw'òqò t'à daehchì lenq̄sɪ eyɪts'ò
sɪlà t'à wechòqò k'e wekaà daehchì lenq̄sɪ segħa
ehkw'ɪ-ahodɪ hà nɪile,” gòhɔdɪ.

²⁶ ɪlè dzəahta k'ehq̄q̄wo tɪ'axq̄q̄ k'achɪ wecheekeè
goyɪ geèhkwe'e. Ekò Thomas goxè wheda. Eneèdo
kò Zezi goyaèhtɪà, gonɪ nàwo, hadɪ, “Naxɪxè sɪghà
welè!” gòhɔdɪ. ²⁷ Thomas ts'ò hadɪ, “Sɪlà ghàɪda,
nelakw'òqò jò nìchɪ. Nɪlà t'à sechòqò daɪchɪ. Nɪnì
nàtso xè negħa ehkw'ɪ-ahodɪ welè,” Zezi yèhɔdɪ.

²⁸ Thomas yets'ò hadɪ, “Sets'ò K'àowo eyɪts'ò
Senòhtsɪ anet'e!” yèhɔdɪ.

²⁹ Zezi yets'ò hadɪ, “Segħànedà t'à negħa ehkw'ɪ-
ahodɪ. Hanìkò amɪ sɪɔɪ-le kò wegħa ehkw'ɪ-ahodɪ
sɪ wexè sɪghà hɔt'e,” yèhɔdɪ.

³⁰ Zezi edecheekeè godaà enɪyah eyɪ-le ɪq̄
hòèhtsɪ hanìkò hazq̄q̄ dɪ nɪhtɪ'è k'è dek'eèhtɪ'è-
le. ³¹ Hanìkò ayɪ dek'eèhtɪ'è sɪ naxɪgha adlà hɔt'e.
Zezi, Nòhtsɪ Weza, Chrɪst hɔt'ee sɪ, eyɪ naxɪgha
ehkw'ɪ-ahodɪ ghà dek'eèhtɪ'è hɔt'e. Naxɪgha ehkw'ɪ-
ahodɪ nɪdè Zezi wets'ihzòq̄q̄ wɪlè ts'ò aahda ha.

21

Zezi wecheekeè t̄we ɪq̄ geh̀̀ɪ

¹ Tiberias-tì gà Zezì k'achì wecheekeè ts'ò wènegoèht'ì. Gixè dɪ hani nàhòwo: ² Simon-Peter, Thomas (Elèchqekèa wiyeh), Nathanael (Galilee nèk'e kòta Cana gots'ò dɔ), Zebedee weza nàke eyits'ò wede wecheekeè nàke, hazòò elèxè geèhkw'e ɲè. ³ Simon-Peter gots'ò hadì, “Mì t'à h k'alahwho ha,” gòhdi. “Nexè ats'ede ha,” giuhdi. Eyit'à ekò geèze. Hanikò eyi toò k'e t'asì wɲzì gehhì-le.

⁴ K'omòdòdò agòjà ekò Zezì tabàa nàwo. Hanikò wecheekeè nàgeèzhì-le.

⁵ Zezì dagoehke, “Àgɪɔ, asì hwe naxits'ò?”
“Dàòdi,” giuhdi.

⁶ Gots'ò hadì, “Naximì nàgòts'ehnèe ts'òqòhk'e teahwha. Hanì-ɲdè h aahhì ha,” gòhdi. Hagɲìlà ekò hwe lɔ gehhì t'à mì elà yì geeli ha whìagɲìlà.

⁷ Wecheekeè ɲè Zezì yeghòneètɔ sù Peter ts'ò hadì, “Gots'ò K'àowo at'ì,” yèhdi. Peter iikw'o ts'òet'ù edezeè nedèe yì naetla (yeyì xàetla t'à) eyits'ò Zezì ts'ò tèèhko. ⁸ Wecheekeè elà yì geèhkw'ee sù Peter k'èè geèze, tabàa ts'ò taekw'eènɔ gokè laàgɔwha agòht'e. Mì t'à h dagoòɔ tãgeeli. ⁹ Tabàa dàgeède ekò kòkwù k'e hwe et'è eyits'ò lèt'è wheɔɔ gɪaɔɪ.

¹⁰ Zezì gots'ò hadì, “Lɪwe whahhì sù, mòhdaa jò niahwha,” gòhdi.

¹¹ Simon-Peter elà yietla gà mì tabàa ts'ò tàyeèlì. Mì weyì hwe nechàa dagoòɔ ehhì; hazòò t'à ɲèakw'eènɔ-daats'ò-sɲlaènɔ-daats'ò-taɪ (153) hwe ehhì. Lɪwe lɔ ehhì hanikò mì tàɲdlà-le. ¹² Zezì gots'ò hadì, “Jɔ aahdè gà shèahzhe,” gòhdi. Wecheekeè gots'ò K'àowo at'ì ne gɪk'èezɔ t'à “Amì anet'e,” giuhdi

ha gıwɔ-le. ¹³ Zezi gots'ò èhtla, lèt'è neyìchı gà goghàııdì eyıts'ò hıwe sı hayıllà. ¹⁴ Dıı xè taà-eh't'aà Zezi naidà t'axòq, edecheekèè gots'ò wènegoèht'ı.

Zezi Peter ts'ò gode

¹⁵ Shègıazhe t'axòq Zezi Sımon-Peter ts'ò hadı, “John weza Sımon, dıı dọ gınahk'e seghoneëtọ nı?”

Sımon yets'ò hadı, “Hèzè, sets'ò K'àowo, neghōneehtọ wek'èızo ne,” yèhdı.

Zezi hayèhdı, “Sesahzọą gıwàıdı,” yèhdı.

¹⁶ K'achı Zezi Sımon-Peter ts'ò hanaedı, “John weza Sımon, sıı seghoneëtọ nı,” yèhdı.

“Hèzè, neghōneehtọ wek'èızo ne,” Peter yèhdı.

Zezi hayèhdı, “Sesahzọą gık'èıdı,” yèhdı.

¹⁷ K'achı tai t'à Zezi yets'ò hadı, “John weza Sımon, seghoneëtọ nı?” yèhdı.

Peter, Zezi taà-eh't'aà hayèhdı t'à wegħa dıı agòjà. Peter hayèhdı, “Sets'ò K'àowo t'asıı hazòq k'èızo ne, neghōneehtọ sek'èızo họt'e,” yèhdı.

Zezi yets'ò hadı, “Sesahzọą gıwàıdı. ¹⁸ Ehkw'ı anèhsı, cheko nelı ekò k'edııt'ı xè edıı ts'ò k'èıtlo ha neewoq sıı ekq k'èıtlo ıle. Hanıkò eneèko wheęı nıdè negòq ehts'òq anele ha, eyıts'ò dọ eyıı-le k'enegeht'ı ha, edıı ts'ò neewo-le sıı ts'ò anegele ha,” Zezi yèhdı. ¹⁹ Zezi hadı yets'ò xàııhtı sıı dani Peter eıaawı ha ghq goıdeè adı, hanı Nòhtsı wıızi ghàsqhoedıı ayele ha. Eıı t'axòq Zezi yets'ò hadı, “Sek'èıtla!” yèhdı.

²⁰ Peter ets'aèhtla ekò k'et'ı, wecheekèè ıle Zezi yeghōneeëtọq sıı gok'èè naetle yaıı. (Eıı wecheekèè sıı nqode eıexè shègıazhe ekò Zezi k'e dètsqhtıı sıı hayèhdı ıle, “K'àowo, amıı k'aodèè t'aànehtè ha?”

yèhdi ìlè.) ²¹ Peter eyi wecheekeè ghò Zezi daehke, “K'àowo, ekò ededì dàde ha?” yèhdi.

²² Zezi yets'ò hadì, “Jò nòehtlà gots'ò eda ha weehwhò nìdè eyi negha dàwet'è? Nì sù sek'èitlè ha họt'e,” yèhdi. ²³ Zezi Peter ts'ò hadì t'à Nòhtsì wecheekeè hazòò hagedì, eyi wecheekeè ìlè ełààwì ha-le, gedì, godì gèhtsì. Hanìkò Zezi “Ełààwì ha-le,” yeghò hadì-adì nùle. “Jò nòehtlà gots'ò eda ha weehwhò nìdè eyi negha dàwet'è?” eyi zò hadì.

²⁴ Eyì wecheekeè sù eyi hazòò hagòjàa sù yeghò gojde họt'e, eyìts'ò dek'enèyùtt'è họt'e. Yeghò ehkw'ì gojde wek'èts'eezò họt'e.

²⁵ Zezi t'asì eyì-le lò eghàlajà dà họt'e. Hazòò dek'enèyùtt'è nìdè dui nèk'e wenìht'è hazòò gha gòzò ha-le tahkò.

Nòhtsı Nıhtl'è
Dogrib: Dogrib Genesis & New Testament New Testament & Portions of Old Testament

copyright © 2009 Canadian Bible Society

Language: Dogrib

Translation by: Canadian Bible Society

Tłchq Genesis and New Testament
About Tłchq

Tłchq (Dogrib) is a Na-Dene (Athabaskan) language. It is spoken by the First Nations Tłchq people in the Northwest Territories in Canada. It has the largest number of speakers of any of the Aboriginal language communities in the NWT, and is one of the official languages of the Northwest Territories.

About This Translation

This translation includes the book of Genesis and the New Testament in Tłchq. The first edition of the Tłchq New Testament was published in 2003. It was a historic event, as it was the first time in more than a hundred years that a complete New Testament was published for one of the Dene First Nations in the Territories. The first edition was well received and quickly sold out. In the meantime the book of Genesis had been completed. Consequently, the 2008 reprint of the Tłchq New Testament included Genesis.

Though this translation of the New Testament and Genesis took a total of ten years, the people who worked on it built on years of labor invested by the Tłchq people, elders, priests and missionaries, translators, educators, and linguists. The material contained in this book was checked and approved by consultants from Wycliffe Bible Translators and the Canadian Bible Society.

If you are interested in obtaining a printed copy of this Bible, please contact the Canadian Bible Society at <http://www.biblescanada.com>.

Copyright Information

Dogrib Genesis and New Testament © 2003, 2008 Canadian Bible Society

The text of the Bible in Tłchq that appears in this electronic format or website is for personal use only.

Up to five hundred (500) verses of the Bible text in any form (written, visual, electronic or audio) may be quoted without permission. The quoted verses may not be more than 50% of a complete book of the Bible, or more than 25% of the total text of the work in which they are quoted. Prior written

permission must be obtained for any other use of the text. Copyright acknowledgement must in all cases appear on the title or copyright page. For more information on copyright conditions or to apply, visit <http://www.biblesociety.ca/copyright>.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files dated 29 Jan 2022

dccb8cb-87c9-5afe-9ac6-f62c4ade3a81